

摘藻堂四庫全書薈要

經部

欽定四庫全書薈要

經部

春秋張氏集註卷九

詳校官原任侍講臣王燕緒



欽定四庫全書薈要卷一千四百七十九

經部

春秋卷九

宋 張洽 撰

昭公

名裯襄公之子齊歸所生謚法威儀恭明日昭

元年春王正月公即位

胡氏傳子野有命立昭公故穆叔雖不欲而不能止也

叔

孫豹會晉趙武楚公子圍齊國弱宋向戌衛齊惡陳公

子招蔡公孫歸生鄭罕虎許人曹人于虢

公羊弱作酌齊惡作石惡

罕虎作軒虎後及罕達同虢公羊作渚穀梁作郭○傳會於虢尋宋之盟也楚令尹圍請用牲讀舊書加于牲上而已晉人許之三月甲辰盟楚公子圍設服離衛○劉氏傳此陳侯之弟招也何以不稱弟諸侯之尊弟兄

不得以屬通也諸侯之尊則弟兄曷為不得以屬通諸侯非始封之君臣諸父昆弟其在朝廷爵以德齒以官體異姓也族人不得以其戚戚君尊尊也○謹案會虢尋宋之盟而春秋不書者當是時公子圍恐晉之狎主盟約於是請讀舊書加于牲上而不復歛春秋正夷夏之分以宋之盟楚欲爭先而晉不與較今虢之役又以請讀書加牲上則是以夷狄而爭勝也夷夏之分不可亂也故二役皆先趙武焉三月取鄆李傳

武子伐莒取鄆莒人告於會楚告於晉曰尋盟未退而魯伐莒瀆齊盟請戮其使樂桓子相趙文子欲求貨於叔孫而為之請使請帶焉弗與梁其錕曰貨以藩身子何愛焉叔孫曰諸侯之會衛社稷也我以貨免魯必受師是禍之也何衛之為雖怨季孫魯國何辜叔出季處有自來矣吾又誰怨然鮒也賄弗與不已召使者裂裳帛而與之曰帶其褊矣趙孟聞之乃請諸楚曰魯雖有辜其執事不辟難子若免之以勸左右可也封疆之削

何國蔑有主齊盟者誰能辯焉莒魯爭鄆為日久矣苟無大害於其社稷可無亢也固請諸楚楚人許之乃免叔孫○程子曰乘莒之亂而取之故隱辟其辭○胡氏曰不曰伐莒取鄆為內諱也夏秦伯之弟

鍼出奔晉

傳秦后子有寵於桓如二君於景其母曰弗去懼選癸卯鍼適晉其車千乘書曰秦伯之

弟鍼出奔晉臯秦伯也○公羊傳秦無大夫此何以書仕諸晉也曷為仕諸晉有千乘之國而不能容其母弟故君子謂之出奔也○穀梁傳諸侯之尊弟兄不得以屬通其弟云者親之也親而奔之惡也○胡氏傳夫后子出奔其父禍之而臯秦伯何也春秋以均愛望人父而以能友責人兄父母有愛妾猶終身敬之不衰况兄弟乎兄弟翕而後父母順矣故六月丁巳邾子華卒○不曰公子而特稱秦伯之弟云

晉荀吳帥師敗狄于大鹵

公羊穀梁作大原杜氏註大鹵大原晉陽縣公羊疏云案

古文及夷狄人皆謂之大鹵而今經及師讀皆謂之大
原說文西方謂之鹵易曰兌為剛鹵西方之澤也春秋
大原為大鹵亦西方也○傳晉中行穆子敗無終及羣
狄于大原崇卒也將戰魏舒曰彼徒我車所遇又阨以
什共車必克困諸阨又克請皆卒自我始乃毀車以為
行五乘為三伍荀吳之嬖人不肯即卒斬以狗為五陳
以相離兩於前伍於後專為右角參為左角偏為前拒
以誘之狄人笑之未陳而薄之大敗之○胡氏傳詩薄
伐獫狁至于大原而詩人美之者謂不窮追遠討及封
境而止也然則大原在禹服之內而狄人來侵攘斥宜
矣其過在毀車崇卒以詐誘狄人而敗之非王者之師
耳使後世車戰法亡崇尚步卒以詐變相高日趨苟簡
皆此等啟之矣秋莒去疾自齊入于莒莒展與出奔吳
書敗狄譏之也

公羊穀梁無與字陸德明註左傳云一本無與字○傳
莒展與立而奪羣公子秩公子召去疾於齊秋公子鉏

納去疾展與奔吳。○程氏傳去疾假齊之力以入莒討展與之。臯正也。故稱莒遂自立無所稟命故不稱公子。自以為公子可立也。展與為弑君者所立而以國氏者。臯諸侯也。號之會雖國亂未與然諸侯與其立矣。故欲執叔孫也。稱莒展與叔弓帥師疆鄆田。傳因莒亂也。杜氏註春秋取鄆今見諸侯之與其立也。正其封疆。○趙氏曰凡疆田而書帥師皆有難也。○劉氏傳何以書譏何譏爾以亂為利也。

葬邾悼

公○冬十有一月己酉楚子麇卒

麇公穀作卷。○傳冬楚公子圍將聘于鄭

伍舉為介未出竟聞王有疾而還伍舉遂聘十一月己酉公子圍至入問王疾縊而弑之遂殺其二子幕及平夏葬王于邾謂之邾敖使赴于鄭伍舉問應為後之辭焉對曰寡大夫圍伍舉更之曰共王之子圍為長。○胡氏傳公子圍弑邾敖而以疾赴諸侯曷為因而不革乎曰圍弑君以立中國力所不加而莫能致討則亦已矣

大合諸侯于申與會者凡十有三國其臣舉六王二公之事其君用齊桓台陵之禮宋向戌鄭子產諸侯之良也而皆有獻焉不亦傷乎若革其偽赴而正以弑君將恐天下後世以弑君之賊非獨不必致討又可從之以主盟會而無惡矣聖人至此閔中國之衰微而不振懼人欲之橫流而莫遏是故察微顯權輕重因諸侯之策書而不正其篡弑之辜所以扶中國存天理也○謹案隱公弑而書薨為魯諱也楚麋弑而書卒為中國諱也鄭僖齊悼弑而書卒為賢者諱也考是三者足以見聖人微顯志晦之法矣

楚公子比出奔

晉

傳公子園弑楚子右尹子干出奔晉宮廐尹子皙出奔鄭

二年春晉侯使韓起來聘

傳晉侯使韓宣子來聘且告為政而來見禮也觀書於太

史氏見易象與魯春秋曰周禮盡在魯矣吾乃今知周公之德與周之所以王也

夏叔弓如晉

傳報宣子也

秋鄭殺其大夫公孫黑

傳元年鄭徐吾犯之妹美公孫楚聘之矣公孫

黑又使強委禽焉犯懼告子產子產曰是國無政非子之患唯所欲與適子南氏子皙怒旣而囊甲以見子南欲殺之而取其妻子南知之執戈逐之及衝擊之以戈子皙傷而歸告大夫曰我好見之不知其有異志也故傷大夫皆謀之子產曰直鈞幼賤有臯臯在楚也乃執子南放之於吳六月丁巳鄭伯及其大夫盟于公孫段氏罕虎公孫僑公孫段印段游吉駟帶私盟于閨門之外實薰隧公孫黑強與於盟使太史書其名且曰七子子產弗討二年秋鄭公孫黑將作亂欲去游氏而代其位傷疾作而不果駟氏與諸大夫欲殺之子產在鄙聞之懼弗及乘遽而至使吏數之曰伯有之亂以大國之事而未爾討也爾有亂心無厭國不女堪專伐伯有而臯一也昆弟爭室而臯二也薰隧之盟女矯君位而臯三也有死臯三何以堪之不速死大刑將至再拜稽首

辭曰死在朝夕毋助天為虐子產曰人誰不死凶人不終命也不速死同寇將至七月壬寅縊尸諸周氏之衢加木焉○劉氏傳稱國以殺大夫者臯累上也黑有臯其以累上言何惡鄭伯也何惡乎鄭伯言不能討有臯以放乎亂也其放乎亂奈何公孫黑伐良霄而逐之君弗誅也以為大夫又與公孫楚爭娶徐吾氏徐吾氏歸于楚君放楚也而盟諸大夫黑於是自以為卿又將為亂疾作而卧子產使吏數諸其家則幸而勝之爾冬

公如晉至河乃復

傳晉少姜卒公如晉及河晉侯使士文伯來辭曰非伉儷也請君無辱公

還季孫宿遂致服焉○泰山孫氏曰公如晉至河乃復者六唯二十三年書有疾明有疾而反餘皆譏公數如晉見距不能以禮自重大取困辱也○常山劉氏曰凡人君動止有度豈可非禮而行無故而復哉蓋進退皆非禮也

李孫宿如晉

穀梁傳公如晉而不得入季孫宿如晉而得入惡季孫宿也○泰山孫氏

曰公如晉而距之季孫宿如晉而納之是昭公季孫宿之不若也此晉侯之惡亦可見矣○胡氏傳書公如晉至河乃復季孫宿如晉而昭公失國之因季氏逐君之漸晉人下比之迹不待賤絕而皆見矣

三年春王正月丁未滕子原卒

公羊原作泉

夏叔弓如滕五

月葬滕成公

傳叔弓如滕葬成公○襄陵許氏曰以吾之大夫往報成公之會襄葬也春秋卒葬

諸侯有小大之體有褒貶之義有盛衰之變有施報之情無非教也秋小邾子來朝

傳小邾穆

公來朝季武子欲卑之穆叔曰不可曹滕二邾實不忘我好敬以逆之猶懼其貳又卑一睦焉逆羣好也其如

舊而加敬焉

八月大雩

傳旱也

冬大雨雹

張氏正蒙曰雹戾氣也此中國

不振而夷狄會諸侯之兆也

北燕伯款出奔齊

傳燕簡公多嬖寵欲去諸大夫而立其寵

人冬燕大夫比以殺公之外嬖公懼奔齊書曰北燕伯
款出奔齊臯之也○胡氏傳君雖不君臣不可以不臣
燕伯欲去諸大夫固不君矣而大夫相與比以殺其外
嬖是威脅其主而出之也與鬻拳之兵諫無異而獨臯
燕伯何哉大夫國君之陪貳以公心違之而不可私也
以誠意委之而不可疑也以隆禮待之而不可輕也以
直道馭之而不可辱也否則忽其陪貳以自危矣晉
厲公殺三卻立胥童而弑於匠麗氏漢隱帝殺楊史立
郭允明而弑於趙村衛獻公蔑冢卿而信其左右亦奔
夷儀故人主不尊陪貳而與賤臣圖柄臣者事成則失
身而見弑事不成則失國而出奔此有國之大戒也
春秋凡見逐於臣者皆以自奔為文正其本之意

四年春王正月大雨雹

○公穀電作雪范氏註云或作雹
○胡氏傳雹者陰脅陽臣侵君

之象當是時季孫宿襲位世卿將毀中軍專執兵權以
弱公室故數月之間再有大變申豐者季氏之孚也不

肯端言其事故暴揚于朝歸咎藏冰之失夫山谷之水
藏之也周用之也徧亦古者本末備舉變調之一事爾
謂能使四時無愆伏淒苦之變雷出不震無留霜雹則
亦誣矣意者昭公遇災而懼以禮為國行其政令無失
其民雹之災也庶可禦也不然雖得藏冰之道合於幽
風七月之詩其將能乎夏楚子蔡侯陳

侯鄭伯許男徐子滕子頓子胡子沈子小邾子宋世子

佐淮夷會于申

胡杜氏曰汝陰縣西北有胡城淮夷孔安國曰淮浦之夷也後漢志下邳國有

淮浦縣申姜姓之國杜氏曰在南陽宛縣○傳正月楚子使椒舉如晉求諸侯晉侯欲勿許司馬侯曰晉楚唯天所相不可與爭君其許之乃許楚使楚子問於子產曰晉其許我諸侯乎對曰許君晉君少安不在諸侯其大夫多求莫匡其君在宋之盟又曰如一若不許君將安用之夏諸侯如楚魯衛曹邾不會鄭伯先待于申六

月丙午楚子合諸侯于申椒舉言於楚子曰夏啟有鈞臺之事商湯有景亳之命周武有孟津之誓成有岐陽之蒐康有鄴宮之朝穆有塗山之會齊桓有召陵之師晉文有踐土之盟君其何用宋向戌鄭公孫僑在諸侯之良也君其選焉王曰吾用齊桓王使問禮於左師與子產左師曰小國習之大國用之敢不薦聞獻公合諸侯之禮六子產曰小國共職敢不薦守獻伯子男會公之禮六楚子示諸侯侈椒舉曰夫六王二公之事皆所以示諸侯禮也今君以汰無乃不濟乎王弗聽○何氏曰不殊淮夷者楚子主會故君子不殊其類○程氏傳晉平不在諸侯楚於是強為霸者之事○胡氏傳申之會楚子為主而不殊淮夷是在會之諸侯皆狄也其意也何楚虔弑麋以立而求諸侯於晉晉人許之中國從之執徐子圍朱方遷賴於鄢城竟莫校畏其強盛則曰晉楚唯天所相滅陳不能救則曰陳亡而楚克有之天道也滅蔡而又不能救則曰天將棄蔡以壅楚盈而降

之罰也。至使窮凶極惡師潰於訾梁，身竄於棘里，而縊于申亥氏，人不致討，而天自討之。是責命於天，以人事為無益而弗為也。而可乎？弑君之賊在春秋時，有臣子討之，則衛人殺州吁是也；有四隣討之，則蔡人殺陳佗是也。臣子不能討之於內，四隣不能討之於外，有與之會以定其位，則齊侯及魯宣公會于平州是也；有受其賂以免於討，則晉侯及諸國會于扈是也。然至此極矣，則未有不以為賊，而又推為盟主，相與朝事之以聽順其所為而不敢忤者也。故申之會不殊淮夷者，以在會諸侯皆為夷狄之行，皆王法所當斥而不使夏變於夷之意也。○愚謹案春秋不書楚子虔之弑君者，為會于申而中國諸侯皆宗之，故用魯君見弑之法，而楚子麇書卒為中國諱也。然淮夷不殊會以見其類之同，則在會諸侯之胥變於夷亦不可掩矣。志而晦微而顯婉而成章，其斯**楚人執徐子**，傳徐子吳出也。以**秋七月楚子**為貳焉，故執諸申。

蔡侯陳侯許男頓子胡子沈子淮夷伐吳

傳秋七月楚子以諸侯伐

吳宋太子鄭伯先歸

宋華費遂鄭大夫從執齊慶封殺之

傳使屈申圍朱方八月甲申克之執

齊慶封而盡滅其族將戮慶封椒舉曰臣聞無瑕者可
以戮人慶封唯逆命是以此其肯從於戮乎播於諸
侯焉用之王弗聽負之斧鉞以徇於諸侯使言曰無或
如齊慶封弑其君弱其孤以盟其大夫慶封曰無或如
楚共王之庶子圍弑其君兄之子麇而代之以盟諸侯
王使速殺之○穀梁傳慶封其以齊氏何也為齊討也
慶封弑其君而不以弑君之辜辜之者慶封不為靈王
服也不與楚討也春秋之義用貴治賤用賢治不肖不
以亂治亂也孔子曰懷惡而討雖死不服其斯之謂與
○愚案春秋書殺他國大夫之法有二凡有辜而當誅
者書曰某人殺某若楚人殺陳夏徵舒是也無辜而不
服者書執而殺之若執蔡世子有以歸用之楚人執行

人干徵師殺之是也慶封有與弑其君之辜楚子殺之
宜也不曰殺齊慶封而曰執齊慶封殺之者楚靈有諸
已而非諸人是以慶封不服而春**遂滅賴**賴公羊穀梁
作厲○賴國
秋亦不得純以討賊之法書之也
今蔡州褒信縣有賴亭○傳遂以諸侯滅賴遷賴于鄢
楚子欲遷許於賴使鬬韋龜及公子棄疾城之而還申
無宇曰楚禍之首將在此矣召諸侯而來伐國而克城
竟莫校王心不違民其居乎民之不處其誰堪之不堪
王命乃禍亂也○襄陵許氏曰**九月取鄆**傳莒亂著丘
公立而不撫
惡其因義而為利以惡終也

鄆鄆叛而來○孫氏曰案襄六年莒人滅鄆
此言取鄆者蓋莒滅鄆以為附庸今魯取之**冬十有二**

月乙卯叔孫豹卒

傳初穆子去叔孫氏及庚宗遇婦人
使私為食而宿焉問其行告之故哭

而送之適齊娶於國氏生孟丙仲壬及宣伯奔齊魯人
名之歸既立所宿庚宗之婦人獻以雉問其姓對曰余

子長矣能奉雉而從我矣召而見之名之曰牛遂使為
豎有寵長使為政叔孫田於丘薊遂遇疾焉豎牛欲亂
其室殺孟逐仲疾急命名仲牛許而不名杜洩見告之
飢渴授之戈對曰求之而至又何去焉豎牛曰夫子疾
病不欲見人使寘饋于介而退牛弗進則置虛命徹十
二月癸丑叔孫不食乙卯卒牛立昭子而相之五年仲
至自齊豎牛攻之死昭子即位朝其家衆曰豎牛殺嫡
立庶必速殺之豎牛懼奔齊孟仲之子殺諸塞闕之外

五年春王正月舍中軍

傳季孫謀去中軍豎牛曰夫子固欲去之正月舍中軍卑公室

也毀中軍於施氏成諸臧氏初作三軍三分公室而各有其一季氏盡征之叔孫氏臣其子弟孟氏取其半焉及其舍之也四分公室季氏擇二二子各一皆盡征之而貢于公以書使杜洩告於叔孫之殯曰子固欲毀中軍既毀之矣故告杜洩曰夫子唯不欲毀也故盟諸僖閔詛諸五父之衢受其書而投之帥士而哭之○正義

曰初作三軍季氏盡征之並不入公室也叔孫氏臣其子弟以一家之內有父子兄弟四品以父兄之稅入公子弟之稅入已大率半屬公半入已孟氏則於子弟中取其半或取子或取弟大率三分歸公一分入已十二分其國民三家得七公得五國民不盡屬公公室已卑矣今舍中軍四分公室三家自取其稅而各貢於公公室彌卑矣初云作三軍今不云舍三軍者初作時舊有二軍今更增一軍人數不足故各毀其乘足成三軍今此則唯舍中軍之衆屬上下二軍季氏因叔孫家禍退之使同孟孫獨取其半為專已甚又擇取善者是專之極故傳言擇二以見之○胡氏傳三軍作舍皆自三家公不與焉公室益卑而魯國之兵權悉歸于季氏矣兵權有國之司命三綱軍政之本原書其作舍而公孫于齊薨于乾侯定公無正必至之理也書曰舍中軍微辭以著其臯○愚謂季孫自承行父為政即城費以保障私家為竊兵權之計自作三軍之初叔孫豹已知其必

改而以盟詛要之今叔孫豹死纔未期年而改更前制蔑公室以歸私家利昭公之猶有童心而叔孫既卒魯遂無人春秋舍中軍之書殆著堅冰之已成也

楚殺其大夫屈申

傳楚子以屈申為貳於吳

乃殺之以屈生為莫敖○劉氏傳稱國以殺大夫者臯累上也屈申之累上奈何楚人仇吳而疑屈申謂屈申貳於吳也而殺之然則屈申之臯何屈申之為人臣也君弑則不能討國亂則不能去北面而事寇讎足以殺其身而公如晉傳公如晉自郊勞至于贈賄無失禮晉已矣侯謂女叔齊曰魯侯不亦善於禮乎對曰是儀也不可謂禮禮所以守其國行其政令無失其民者也今政令在家不能取也有子家羈弗能用也奸大國之盟陵虐小國利人之難不知其私公室四分民食於他思莫在公不圖其終為國君難將及身不恤其所禮之本末將於此乎在而屑屑焉習儀以亟言善於禮不亦遠乎

夏莒牟夷以牟婁及

防茲來奔

防茲杜氏註城陽平昌縣西南有防亭姑幕縣東北有茲亭地譜密州安丘縣有平昌故

城莒縣有姑幕故城○傳莒牟夷以牟婁及防茲來奔牟夷非卿而書尊地也○范氏曰竊地之辜重故不得不錄其人○胡氏傳邾莒之大夫名姓不登于史策微也牟夷莒大夫曷為以姓氏通重地也以地叛雖賤必書地以名其人終為不義弗可滅矣其書來奔是接我以利而我入其利兩譏之也為國以義不以利如以利則上下交征而國危矣為己以義不以利如以利則患得患失亦無所不至矣春秋於三叛人雖賤必書其名以懲不義懼淫人為後戒也○襄陵許氏曰卿會楚方盟而伐莒取鄆公如晉未返而受莒牟婁及防茲惡季氏之專也秋七月公至自晉傳莒人愬于晉晉侯欲止公范獻子曰不可人朝而執之誘也討不以師而誘以成之惰也為盟主而犯此二者無乃不可乎請歸之間而以師討焉乃歸公秋七月公至自

晉 戊辰叔弓帥師敗莒師于蚡泉

蚡公羊作潰穀梁作賁○蚡泉杜氏曰魯

地地譜魯東境之地○傳莒人來討不設備戊辰叔弓敗諸蚡泉莒未陳也○愚案晉人方欲止公而叔弓受

年夷敗莒人大夫之專不顧霸討秦伯卒
傳秦后子復君辱比書而臯大夫之專可見矣

卒故也
冬楚子蔡侯陳侯許男頓子沈子徐人越人伐吳

越始見經姒姓夏后少康之庶子封於越其先也杜氏註越國會稽山陰縣○傳四年冬吳伐楚入棘櫟麻以報朱方之役五年冬十月楚子以諸侯及東夷伐吳以報棘櫟麻之役遂射以繁揚之師會於夏汭越大夫常壽過帥師會楚子於瑣聞吳師出遂啓彊帥師從之遽不設備吳人敗諸鵲岸楚子以駟至於羅汭吳子使其弟蹇由犒師楚人執之楚師濟羅汭沈尹赤會楚子次於萊山遂射帥繁揚之師先入南懷楚師從之及汝清

吳不可入楚子遂觀兵於坻箕之山是行也吳早設備
楚無功而還以蹶由歸楚子懼吳使沈尹射待命于巢
遂啓彊待命于雩婁○胡氏傳越始見經而與徐皆得
稱人何也吳以朱方處齊慶封而富於其舊崇惡也楚
圍朱方執齊慶封殺之討臯也吳不顧義入棘櫟麻以
報朱方之役狄道也楚於是以諸侯伐吳則比吳為善
而師亦有名其從之者進而稱人可也或者以辭為主
而謂不可云沈子徐越伐吳故特稱人誤矣以不可為
文辭而進人於越一字褒貶義安在乎

六年春王正月杞伯益姑卒

傳杞文公卒弔如同盟禮也○杜氏註魯怨杞因晉

取其田不廢喪紀故禮之

葬秦景公○夏季孫宿如晉

傳拜莒田也

葬杞

文公○宋華合比出奔衛

傳宋寺人柳有寵太子佐惡之華合比曰我殺之柳聞之

乃坎用牲埋書而告公曰合比將納亡人之族既盟于北郭矣公使視之有焉遂逐華合比合比奔衛○襄陵許氏曰經書宋公殺其世子痤宋華合比出奔衛皆著寺人譏慝敗國以為世戒而秦漢以來庸君衰季溺心嬖習遠去忠良亂亡相屬若出一軌春秋惡可一日而不開明哉○胡氏傳宋公寵信閭寺殺世適痤而父子之恩絕逐華合比而君臣之義睽刑人之能敗國亡家亦可畏矣猶有任趙高以亡秦信恭顯十常侍以亡漢寵王守澄田令孜以亡唐而不知鑒覆車之轍者不亦悲夫凡此類直書而義自見矣

秋九月大

雩

早也

○楚薳罷帥師伐吳

傳徐儀楚聘于楚楚子執之逃歸懼其叛也使薳洩伐徐

吳人救之令尹子蕩帥師伐吳師于豫章而次于乾谿吳人敗其師於房鍾獲宮廐尹棄疾子蕩歸罪於薳洩而殺之○襄陵許氏曰敗楚師者非薳洩也而洩伏其誅故書薳罷伐吳以正之楚再不競於吳乃移兵鋒有

事陳蔡至復伐徐而國亂矣吳蓋自是休兵息民國始寢強

冬叔弓如楚

傳叔弓如楚聘且弔

敗也○愚案楚與吳仇敵之國而昭公素婚吳而遠楚故申之會魯不與焉今楚復伐吳而其惡益遠昭公非能以中國自尊而遠夷狄者今始通好于楚蓋不待遠啓彊之名已服楚而將朝之矣

齊侯伐北

燕傳十一月齊侯如晉請伐北燕也晉侯許之十二月齊侯遂伐北燕將納簡公晏子曰不入燕有君矣民

不貳吾君賄左右諂諛作大事不以信未嘗可也七年正月癸巳齊侯次于號燕人行成曰敝邑知臯敢不聽

命先君之敝器請以謝臯二月戊午盟于濡上燕人歸燕姬賂以瑤璫玉櫜罕耳不克而還

七年春王正月暨齊平

穀梁傳平者成也暨猶暨暨也暨者不得已也案禮記曰戎容

暨暨註云果毅貌詳此即知魯與齊平書暨之意猶暨暨者若魯以果毅之氣迫而得其平也○襄陵許氏曰

襄公之世齊數伐魯至齊景公一使慶封來聘而不書魯報至是乃暨齊平○劉氏意林曰齊大魯小魯為齊

弱久矣然而能暨齊以平者介於楚也夫不自計德之厚薄勢之利害而借人之威以憑諸侯是以遠者不服

近者不親此最得失之機也崇夷狄侮中國昭三月公之棄其國死於外諸侯莫之救也從此生矣

如楚

傳楚子成章華之臺願與諸侯落之大宰遂啓彊曰臣能得魯侯遂啓彊來召公辭曰昔先君成公

命我先大夫嬰齊曰吾不忘先君之好將使衡父照臨楚國嬰齊受命于蜀我先君共王引領北望日月以冀

傳序相授於今四王矣嘉惠未至唯襄公之辱臨我喪今君若步玉趾辱見寡君寵靈楚國以信蜀之役是寡

君既受貺矣何蜀之敢望君若不來使臣請問行期寡君將承質幣而見于蜀以請先君之貺三月公如楚

叔孫婁如齊泣盟

○婁公羊作舍後同泣公羊穀梁作蒞穀梁傳蒞位也內之前定之辭謂

之莅外之前定之辭謂之來○襄陵許氏曰始暨齊平故盟以結好夏四月甲辰朔日有

食之○秋八月戊辰衛侯惡卒○九月公至自楚○冬

十有一月癸未季孫宿卒○十有二月癸亥葬衛襄公

八年春陳侯之弟招殺陳世子偃師夏四月辛丑陳侯

溺卒傳陳哀公元妃鄭姬生悼太子偃師二妃生公子留下妃生公子勝二妃嬖留有寵屬諸司徒招與

公子過哀公有廢疾三月甲申公子招公子過殺悼太子偃師而立公子留夏四月辛亥哀公縊○泰山孫氏

曰其曰陳侯之弟招殺陳世子偃師親之者所以甚招之惡也招以叔父之親不顧宗社之重殞冢嗣以立庶

孽致楚滅陳招之由也○胡氏傳此公子招特以弟稱者著招憑寵稔惡而陳侯失親親之道也招固有辜矣

陳侯信愛其弟何以為失親親乎尊賢者親親之本不能擇親之賢者厚加尊寵以表公族而徇其私愛施於不令之人以至亡國敗家豈不失親親之道乎其曰陳侯之弟招殺陳世子偃師交貶之也○襄陵許氏曰陳哀寵其庶子資以強輔而濟之權以軋太子使之失職至於亂作躬受其禍惟其暱愛法不勝私也悲夫叔

弓如晉

傳晉侯築虎祁之宮叔弓如晉賀虎祁也史趙見子太叔曰相鄭伯以如晉亦賀虎祁也

甚哉其相蒙也可弔也而又賀之○襄陵許氏曰財費廣侈則國貧力役煩勞則民敝締構雕琢輪奐之功盛則恭儉純茂之德衰矣此之謂可弔者也而諸侯賀之是以人君得意海內則安於亂亡而不自知蓋諛之者衆也志叔弓如晉是已當楚之隆勢專諸夏而晉弗慮圖唯宮室之崇以為安榮平公其可謂志卑矣

楚

人執陳行人干徵師殺之陳公子留出奔鄭

傳干徵師赴于楚且

告有立君公子勝慙之于楚楚人執而殺之公子留奔鄭書曰楚人執陳行人于徵師殺之臯不在行人也○

劉氏傳稱人以執者非伯討也此其為非伯討奈何楚人惡公子招而殺于徵師非其臯也古者兵交使在其間可也○蘓氏曰楚將討陳故留出奔留既為君矣不曰陳留而曰公子留何也留立於招耳未成為君也

秋蒐于紅

紅杜氏註魯地沛國蕭縣西有紅亭遠疑○劉氏傳蒐春事也秋興之非正也蒐有常地

矣于紅亦非正也然則曷為不言公公不得與於蒐爾公曷為不得與於蒐三家者專魯而分之政令出焉公民食焉爾又意林曰紅之蒐吾見陳人殺其大夫公子其反天時矣易地理矣悖人倫矣

過

傳陳公子招歸臯於公子過而殺之

大雩○冬十月壬午楚師滅陳執

陳公子招放之于越殺陳孔奐

傳九月楚公子弃疾帥師奉孫吳圍陳宋戴惡

會之冬十一月壬午滅陳○穀梁傳惡楚子也○杜氏
註招復稱公子兄已卒○泰山孫氏曰招殺世子之賊
也楚子執而放之陳孔奭無臯之人也楚子殺之吁楚
靈暴虐無道滅人之國又為淫刑也如此○今案杜氏
註云奭招之黨他無所見蓋杜氏意料之辭爾然自宋
之盟見於經執陳國之政久矣視君之亂從君於昏而
無所正救蓋不能為有無者也雖有臯必不加於招矣
錄楚之放招而殺奭以見楚子滅人之國而私意放殺
其臣初不問其臯之輕重穀
梁子所謂惡楚者得其旨矣
葬陳哀公
楚滅閔之也
○泰山孫氏曰十月壬午楚師滅陳葬陳哀公如不滅
之辭者楚子葬之也不言楚子葬之者不與楚子滅陳
葬哀公故以陳人自
葬為文所以存陳也

九年春叔弓會楚子于陳

傳叔弓宋華亥鄭游吉衛趙
廩會楚子于陳○襄陵許氏

曰楚既滅陳威震諸夏是以無

許遷于夷

傳二月庚申楚公子棄疾

遷許于夷實城父取州來淮北之田以益之○杜氏註許畏鄭欲遷故以自遷為文

夏四月陳災

災公羊穀梁並作火○公羊傳陳已滅矣其言陳火何存陳也曰存陳怖矣滅人之國執人之粁人殺人之賊葬人之君若是則存陳怖矣○胡氏傳凡外災告則書今楚已滅陳夷於屬縣使穿封成為公矣必不使告於諸侯言亡國之有天災也何以書於魯國之策乎當是時叔弓與楚子會于陳則目擊其事矣雖彼不來告此不往弔叔弓使畢而歸語陳故也魯史遂書之耳如叔鞅至自京師言王室亂春秋承其言遂書於策仲尼作經存而弗革者蓋興滅國繼絕世以堯舜三代公天下之心為心異於孤秦罷侯置守欲私一人以自奉者所以歸民心合天德也公羊秋仲孫貜如齊傳孟僖子如穀梁以為存陳得其旨矣

秋仲孫貜如齊

齊殷聘禮也

○杜氏註自叔老聘齊至今二十年禮意久曠今脩盛聘以無忘舊好故曰禮

冬築郎囿

傳築郎囿

季平子欲其速成也叔孫昭子曰詩曰經始勿亟庶民子來焉用速成其以勦民也無囿猶可無民其可乎○襄陵許氏曰公內制於強臣外輕於大國亂亡危辱兆矣是之弗慮而築郎囿不時孰甚焉蒐田築囿知公之志日以荒也○愚案以左傳觀之有以見季孫意如逢其君以耳目之娛而日竊其權昭公安之而不悟也人君於此可不戒哉

十年春王正月○夏齊藥施來奔

齊公羊作晉非也○傳齊惠藥高氏皆舊

酒信內多怨彊於陳鮑氏而惡之夏有告陳桓子曰子旗子良將攻陳鮑亦告鮑氏桓子授甲而如鮑氏遭子良醉而騁遂見文子則亦授甲矣使視二子則皆將飲酒桓子曰彼雖不信聞我授甲則必逐我及其飲酒也

先伐諸陳鮑方睦遂伐欒高氏子良曰先得公陳鮑馬
往遂伐虎門公卜使王黑以靈姑鉞率吉請斷三尺馬
而用之五月庚辰戰于稷欒高敗又敗諸
莊國人追之又敗諸鹿門欒施高彊來奔秋七月李孫

意如叔弓仲孫貜帥師伐莒

意如公羊作隱如後同○傳季平子伐莒取鄆獻俘

始用人於亳社臧武仲在齊聞之曰周公其不饗魯祭
乎杜氏註取鄆不書公見討於平丘故諱之○胡氏傳
前已舍中軍矣曷為猶以三卿並將乎季氏毀中軍四
分公室擇其二二家各有其一至是季孫身為主將二
子各率一軍為之副則三軍固在其曰舍之者特欲中
分魯國之衆為己私耳以為復古則誤矣襄公以來既
作三軍地皆三家之土民皆三家之兵每一軍出各將
其所屬而公室無與焉是知雖舍中軍而三卿並將舊
額固存矣戊子晉侯彪卒
傳晉平公卒鄭伯如晉及九月叔
河晉人辭之游吉遂如晉

孫婁如晉葬晉平公

傳九月叔孫婁齊國弱宋華定衛北宮喜鄭罕虎許人曹人莒人邾

人滕人薛人杞人小邾人如晉葬平公也

十有二月甲子宋公成卒

杜氏註無冬闕

文○成公

羊作戌

十有一年春王二月叔弓如宋葬宋平公

二月公羊作正月

夏

四月丁巳楚子虔誘蔡侯般殺之于申楚公子弃疾帥

師圍蔡

傳楚子在申召蔡靈侯靈侯將往蔡大夫曰王貪而無信唯蔡於憾今幣重而言甘誘我也不

如無往蔡侯不可三月丙申楚子伏甲而饗蔡侯于申醉而執之夏四月丁巳殺之刑其士七十人公子弃疾帥師圍蔡韓宣子問於叔向曰楚其克乎對曰克哉蔡侯獲臯於其君而不能其民天將假手於楚以斃之何

故不克然肝聞之不信以幸不可再也楚王奉孫吳以討於陳曰將定而國陳人聽命而遂縣之今又誘蔡而殺其君以圍其國雖幸而克必受其咎弗能久矣○公羊傳楚子虔何以名絕曷為絕之為其誘討也此討賊也雖誘之則曷為絕之懷惡而討不義君子不予也陸淳曰蔡侯之辜自不容誅楚子之惡亦已甚矣故聖人名之言其非人君也○胡氏傳般弑君父諸侯與通會盟十有三年矣是中國綱紀陵遲而莫覺也楚子若以大義奉辭討辜殘身瀕宮謀於蔡衆置君而去雖古之征暴亂不越是矣今虔本心欲圖其國又挾欺毀信重幣甘言詐誘執殺肆行無道貪得一時流毒於後弃疾以是殺戎蠻商鞅以是紿魏將秦人以此劫懷王傾危成俗天下大亂劉項之際死者十九聖人深惡楚虔而名之其慮遠矣後世誅討亂臣者或畏其強或幸其弱不以大義興師至用諂謀詐力徼倖勝之若事之捷反側皆懼苟其不提適足長亂如代宗之圖思明憲宗之

給王弁昧於春秋垂戒之旨矣

五月甲申夫人歸氏薨

杜氏註昭公母胡女歸姓大

蒐于比蒲

比蒲地譜云是魯南鄙之地○劉氏傳此何以書譏何譏爾夫人歸氏薨大蒐于比蒲非

禮也

○胡氏傳大蒐越禮也君有重喪國不廢蒐不忌君也三綱軍政之本君執此以馭其下臣執此以事其

上政之大本於是乎在君有三年之感而國不廢一日之蒐則無本矣

仲孫貜會邾子盟

于祲祥

祲祥地闕公羊作侵羊○傳齊歸薨大蒐于比蒲非禮也孟僖子會邾子盟于祲祥脩好禮也

秋季孫意如會晉韓起齊國弱宋華亥衛北宮佗鄭罕

虎曹人杞人于厥慙

厥慙公羊作屈銀○傳楚師在蔡晉荀吳謂韓宣子曰不能救陳又

不能救蔡物以無親晉之不能亦可知也已為盟主而不恤亡國將焉用之秋會于厥慙謀救蔡也鄭子皮將

行子產曰行不遠不能救蔡也蔡小而順楚大而不
德天將弃蔡以壅楚盈而罰之蔡必亡矣且喪君而能
守者鮮矣晉人使狐父請蔡于楚弗許○襄陵許氏曰
蔡能嬰城堅不下楚此易助也而厥慙合天下之兵畏
不敢救遣使請命示之不能使楚益驕有以量中國之
力而卒取之此韓起之臯也○胡氏傳文十五年盟扈
之役八國諸侯略而不序謀伐齊受賂而不克也襄三
十年澶淵之會十二國大夫稱人魯卿諱而不書者眡
蔡亂不能討而謀宋財也略諸侯所以責其亡義利之
分貶大夫所以臯其失輕重之別亡義利之分為不仁
失輕重之別為不智今晉與諸侯心欲救蔡而力弗加
焉則其無能可知而其情則無惡也故諸國猶序而大
夫無貶此足以見聖人待人
九月己亥葬我小君齊歸
明義利審輕重之權衡矣

齊謚也○傳葬齊歸公不感叔向曰魯公室其卑乎君
有大喪國不廢蒐有三年之喪而無一日之感國不恤

喪不忌君也君無感容不顧親也
國不忌君君不顧親能無卑乎

冬十有一月丁酉楚

師滅蔡執蔡世子有以歸用之

有穀梁作友○傳楚子滅蔡用隱太子于岡山

○劉氏傳世子猶世世子也靈公弑其君其子非正也
曷為與之繼世春秋之設辭也非其人之謂也蓋其道
之謂也楚子虔誘蔡侯般殺之世子有守國楚師圍之
八月而克之不能服於是乎虐用之古者父母之仇不
與共天下寢苫枕戈終身則有之為者盡於世子矣○
胡氏傳內入國而以其君來外滅國而以其君歸皆服
而以之易辭也既書滅蔡矣又書執蔡世子有者世子
無降服之狀強執以歸而虐用之也世子繼世以有國
之稱必以此稱蔡有者父母之仇不與共天下與民守
國致死不降至於力屈就擒虐用其身而不顧也則有
之為世子之道得矣○師氏曰春秋書滅國多矣未有
如此其暴者聖人詳其始末而記之書誘書圍書執蓋

以傷中國之微而
深惡夷狄之暴也

十有二年春齊高偃帥師納北燕伯于陽

傳高偃納北燕伯款于唐

因其衆也杜氏註三年燕伯出奔齊今因唐衆欲納之故得先入唐不言于燕未得國都也高偃高偃玄孫陽即唐燕別邑中山有唐縣○案燕伯出奔名而納之不名者其卑未至如衛朔鄭突諸侯失國諸侯納之正

也三月壬申鄭伯嘉卒

簡公也

夏宋公使華定來聘

傳通嗣君

也公如晉至河乃復

傳取鄭之役莒人愬于晉晉有平公之喪未之治也故辭公

五

月葬鄭簡公○楚殺其大夫成熊

熊公羊作然穀梁作虎○傳楚子謂成虎

若赦之餘也遂殺之或譖成虎於楚子成虎知之而不能行書曰楚殺其大夫成虎懷寵也

秋七月

○冬十月公子慙出奔齊

慙公羊作整字之誤也○傳季平子立而不禮於南蒯南

蒯謂子仲吾出季氏而歸其室於公子更其位我以費為公臣子仲許之叔仲小南蒯公子慙謀季氏慙告公

而遂從公如晉南蒯懼不克以費叛如齊子仲還及衛聞亂逃介而先及郊聞費叛遂奔齊

楚子伐

徐

傳楚子狩于州來次于潁尾使蕩侯潘子司馬督蹏尹午陵尹喜帥師圍徐以懼吳楚子次于乾谿以為

之晉伐鮮虞

杜氏註鮮虞白狄別種在中山新市縣案地譜中山在戰國為中山國新樂縣漢志

新市縣也古鮮虞國子姓○傳六月晉荀吳偽會齊師

者假道於鮮虞遂入昔陽秋八月壬午滅肥以肥子緜

臯歸冬晉伐鮮虞因肥之役也○穀梁傳其曰晉狄之也○蘓氏曰晉獻公假道於虞以滅虢也書晉師其執

虞公也書晉人今伐鮮虞書人若師可也特書晉深臯之也楚滅陳蔡而晉不救力誠不能君子不臯也能伐

鮮虞而不救陳蔡非力不足也棄諸侯也故以夷書之
○常山劉氏曰夫傳信明義中國之道也懷利尚詐夷
狄之道也晉中國也鮮虞夷狄也晉恃中國之道反行
夷狄之事故書曰晉伐鮮虞以狄之噫人之所以遠於
夷狄者何哉惟在於義利誠偽之間耳中國一失則
遂入於夷狄可不慎哉故春秋之法尤謹嚴於此也

十有三年春叔弓帥師圍費

費見襄七年註○杜氏註南蒯以費叛故○傳叔弓

圍費弗克敗焉平子怒令見費人執之以為囚俘治區
夫曰非也若見費人寒者衣之飢者食之為之令主而
共其乏困費來如歸南氏亡矣民將叛之誰與居邑若
憚之以威懼之以怒民疾而叛為之聚也若諸侯皆然
費人無歸不親南氏將焉入矣平子從之費人叛南氏
十四年南蒯奔齊司徒老和慮癸來歸費齊侯使鮑文
子致之○陸氏曰凡家臣以邑叛悉不書叛但書大夫
圍之則邑叛可知矣且臯大夫無政而使家臣得專邑

而叛也克之不書本非他國之邑也○胡氏傳費內邑也命上卿為主將舉大衆圍其城若敵國然者家臣強大夫弱也語不云乎有一言而可以終身行之者其恕矣夫已所不欲勿施於人所惡於下者無以事上也所以所惡於上者無以使下也然後家齊而國治矣季孫意如下而不禮於其臣出乎爾者反乎爾宜南蒯之及此也春秋之法不書內叛反求諸已而已矣其書圍費欲著其實不沒之也○愚案圍棘之與圍費皆為國內之人叛而以兵將制服之也汶陽之不服南蒯叔仲小之為亂其要不過曰正其本而已遠人不服則修文德以來之治人不治反其智天下之理未有先於此者故曰其身正而天下歸之制人之道豈有二理哉○劉氏意林曰使周之王必無廢文武之法無過天之道諸侯雖大國孰敢慢其上諸侯必無僭天子其大夫孰陵大夫必無脅其君其陪臣孰叛故南蒯雖以費入齊而春秋未

以叛誅蒯非寬蒯弗誅也事有本末法有原省季氏未
得以叛名蒯則魯亦未得以強討季氏魯未得以強討
季氏則周亦未得以僭絕魯
其不正相承非一日之積矣
夏四月楚公子比自晉歸

于楚弑其君虔于乾谿

谿穀梁作溪乾谿杜氏註在譙國城父縣東竟○傳楚遂氏之

族及遂居許園蔡洧蔓成然皆王所不禮也因羣喪職
之族啓越大夫常壽過作亂圍固城克息舟城而居之
觀起之死也其子從在蔡事朝吳曰今不封蔡蔡不封
矣我請試之以蔡公之命召子干子皙及郊而告之情
強與之盟入襲蔡蔡公將食見之而逃觀從使子干食
坎用牲加書而速行已徇於蔡曰蔡公召二子將納之
與之盟而遣之矣將師而從之蔡人聚將執之辭曰失
賊成軍而殺余何益乃釋之朝吳曰二子若能死亡
則如違之以待所濟若求安定則如與之以濟所欲且
違上何適而可衆曰與之乃奉蔡公召二子而盟于鄧

依陳蔡人以國楚公子比公子黑肱公子弃疾蔓成然蔡朝吳帥陳蔡不羹許葉之師因四族之徒以入楚及郊蔡公使須務牟與史捍先入因正僕人殺太子祿及公子罷敵公子比為王公子黑肱為令尹次于魚陂公子弃疾為司馬先除王宮使觀從從師于乾谿而遂告之且曰先歸復所後者劓師及訾梁而潰王聞羣公子之死也自投于車下曰人之愛其子也亦如余乎侍者曰甚焉小人老而無子知擠于溝壑矣王曰余殺人子多矣能無及此乎右尹子革曰請待于郊以聽國人王曰衆怒不可犯也曰若入於大都而乞師於諸侯王曰皆叛矣曰若亡於諸侯以聽大國之圖君也王曰大福不再祇取辱焉然丹乃歸于楚王公夏將欲入鄢芋尹無宇之子申亥求王遇諸棘闈以歸夏五月癸亥王縊于芋尹申亥氏○或謂公子比聞楚虔之弑君即自楚奔晉以至今年因國人之叛而自立未嘗在臣位也經以弑其君書何哉愚謂比之出奔懼臯而亡也楚靈君

其國十有三年比也爵祿有列於朝出入有詔於國晉人以羈定其位以國底其祿而比之歸亦惟觀從之命是聽下令國中使之先歸復所後者有刑遂立乎其位則弑君之臯觀從為從而比實為首非比尸之而誰哉春秋以比首弑明於君臣之義所以定名

殺公子比

殺公羊作弑○傳觀從謂子干曰不殺弃疾雖得國猶受禍也子干曰余不忍也從曰人

將忌子吾不忍俟也乃行國每夜駭曰王入矣乙卯夜弃疾使周走而呼曰王至矣國人大驚使蔓成然走告子干子皙曰王至矣國人殺君司馬將來矣君若早自圖也可以無辱衆怒如水火焉不可為謀又有呼而走

楚公子弃疾

至者曰衆至矣二子皆自殺丙辰弃疾即位○胡氏傳弃疾立比為王而已為司馬固君比矣而殺之則宜書曰弃疾弑其君比而曰殺公子比何也初子干歸自晉觀從假弃疾命而召之來則來坎牲加書而強之盟則

盟帥四族衆而使之入楚則入殺太子祿而立之為王則王周走而呼於國中謂衆怒如水火而逼之自殺則自殺其行止久速去就死生皆觀從與國人所為而比未嘗可否之也安得為弃疾之君乎然比兄也黑肱弟也弃疾其季弟也立比為王肱為令尹疾為司馬蓋國人以長幼之序立之也則宜書曰楚人殺比而春秋變文歸臯弃疾者誅其本意在於代比而非討之也○夫公子比已為王弃疾為司馬則君臣之分未定而弃疾誅殺之殺比乃不以弑君書者君臣之分未定而弃疾誅殺之固不得以弑書也春秋定臯臺釐必察比不能效死不立而貪為君之利不得不服首惡之臯若夫分未正而以誅殺之於曖昧之中目之以兩下相殺可矣未可謂之弑也

秋公會劉子晉侯齊侯宋公衛侯鄭伯曹伯莒子

邾子滕子薛伯杞伯小邾子于平丘

平丘今開封府封丘縣在東漢志尚

為平丘縣○傳晉成虎祁諸侯朝而歸者皆有貳心為
取郟故晉將以諸侯來討叔向曰諸侯不可以不示威
乃並徵會告于吳秋晉侯會吳子于良水道不可吳子
辭乃還七月丙寅治兵于邾南甲車四千乘遂合諸侯
于平丘晉人將尋盟齊人不可晉侯使叔向告劉獻公
曰抑齊人不盟若之何對曰盟以底信君苟有信諸侯
不貳何患焉告之以文辭董之以武師雖齊不許君庸
多矣天子之老請帥王賦元戎十乘以先啓行遲速惟
君叔向告于齊曰諸侯求盟已在此矣今君弗利寡君
以為請對曰諸侯討貳則有尋盟若皆用命何盟之尋
叔向曰明王之制使諸侯歲聘以志業間朝以講禮再
朝而會以示威再會而盟以顯昭明志業於好講禮於
等示威於衆昭明於神自古以來未之或失也存亡之
道恒由是興晉禮主盟懼有不治奉承齊犧而布諸君
求終事也君曰余必廢之何齊之有惟君圖之寡君聞
命矣齊人懼對曰小國言之大國制之故不聽從叔向

曰諸侯有閒矣不可以不示衆八月辛未治兵建而不
旆壬申復旆之諸侯畏之○愚案當時晉平主盟內惑
於寵嬖以女色蠱其心外崇建宮室以侈麗夸諸侯故
楚虔盡召諸侯而肆為宗主吞滅親姻坐視不救及平
公卒昭公立而楚虔死乃幸楚亂欲立威以服諸侯而
不知大勢已去徒治親昵本末倒置內外離心諸侯益
貳此平丘之會所以益墮霸業也○胡氏傳方是時楚
人暴橫陵蔑中華乃敵國外患當臨深履薄恐懼省戒
之時其君當倚於法家拂士以德修國政其臣當急於
責難陳善以禮格君心內結夏盟外攘夷狄復悼公之
業若未暇也今乃安於不競無自強之志欲示威徵會
而以兵甲耀之不亦末乎是以深惡此會如下文所貶
也

八月甲戌同盟于平丘公不與盟

傳邾人莒人愬于
晉曰魯朝夕伐我

幾亡矣我之不共魯故之以晉侯不見公使叔向來辭
曰諸侯將以甲戌盟寡君知不得事君矣請君無勤子

服惠伯對曰君信蠻夷之訴以絕兄弟之國弃周公之
後亦唯君寡君聞命矣叔向曰寡君有甲車四千乘在
雖以無道行之必可畏也況其率道其何敵之有牛雖
瘠償於豚上其畏不死南蒯子仲之憂其庸可弃乎若
奉晉之衆用諸侯之師因邾莒杞鄆之怒以討魯臯聞
其二憂何求而不克魯人懼聽命甲戌同盟于平丘○
程氏傳楚弃疾立諸侯懼之故同盟公不與盟晉臯公
使不與盟雖欲辱公然不得與同盟之臯實為幸也○
胡氏傳會與盟同地再書平丘者書之重詞之複其間
必有美惡焉再書平丘惡之也○杜氏註公不與盟非
國惡故

晉人執季孫意如以歸

傳晉人執季孫意如以歸子服湫從○胡氏傳

稱人以執非伯討也自文公以來公室微弱三家專魯
而季氏臯之首也宿及意如尤為強逼不臣何以非伯
討乎晉人若按邾莒有無之狀況南蒯子仲奔叛之因
告於諸侯以其臯執之請於天子以大義廢之選於魯

卿更意如之位收斂私邑為公室之民使政令在君三家臣順則方伯之職修矣今晉徒以邾莒之言曰我之不共魯故之以遂辭魯君而執意如則是意在貨財而不責其無君臣之義也何得為伯討乎稱人以執臯晉之偷

公至自會○蔡侯廬歸于蔡陳侯吳歸于陳

傳楚之滅

蔡也靈王遷許胡沈道房申於荆焉平王即位既封陳蔡而皆復之隱太子之子廬歸於蔡悼太子之子吳歸于陳○公羊傳此皆滅國也其言歸何不與諸侯專封也○泰山孫氏曰楚靈暴滅二國楚平既立將矯楚靈之惡以說中國也故復二國之後然則楚靈滅之楚平復之善與非善也聖王不作諸侯不振二國之命制在夷狄故也孔子以陳蔡自歸為文所以抑強夷而存中國也○常山劉氏曰陳蔡者先王之建國非楚可滅非楚可復也故書爵書歸言二國之嗣位其所固有國其所宜歸也二君名者素非諸侯至此始立也○胡氏曰

弃疾封之可謂有奉矣不言自楚者不與楚子之得封也陳列聖之後蔡王室之親見滅於楚虔而諸侯不能救復封於棄疾而諸侯不能與是以夷狄制諸夏也聖人至是懼之甚蓋有不得已焉制春秋為後法大要皆天子之事也其事則以公天下為心與滅國繼絕世異於自私其身欲擅而有之者故書法如此為天下國家而不封建欲望

冬十月葬蔡靈公

陸氏纂例曰國復乃葬凡三十一月○穀

梁傳變之不葬有三失德不葬弑君不葬滅國不葬然且葬之不與楚滅也

公如晉至河乃

復傳公如晉荀吳謂韓宣子曰諸侯相朝講舊好也執其卿而朝其君有不好焉不如辭之乃使士景伯辭

公于吳滅州來

傳吳滅州來楚令尹子期請伐吳王弗許曰吾未撫民人未事鬼神未修守備

未定國家而用民力敗不可悔州來在吳猶在楚也子姑待之

十有四年春意如至自晉

傳季孫猶在晉子服惠伯私於中行穆子曰魯事晉何以

不如夷之小國魯兄弟也土地猶大所命能具若為夷
弃之使事齊楚其何瘳於晉穆子告韓宣子且曰楚滅
陳蔡不能救而為夷執親將焉用之乃歸季孫惠伯曰
寡君未知其臯合諸侯而執其老若猶有臯死命可也
若曰無臯而惠免之諸侯不聞是逃命也何免之為請
從君惠於會宣子患之使叔魚見季孫曰鮒也聞諸吏
將為子除館於西河平子懼先歸惠伯待禮○泰山孫
氏曰不稱氏前見也○胡氏傳其始執之為乏邪莒之
供而非有扶弱擊強之義其終歸之為土地猶大所命
能具而非有不能救蔡為夷執親之悔也然則晉人喜
怒皆以利發其勸沮皆以利行違道甚矣故平丘之會
深加貶斥自是而後諸侯不合二十餘年至于召陵又
以賄貶十有八國之諸侯而書侵楚以譏之於是晉日
益衰外攜內叛不復振矣利之能敗人國家如此春秋

之深戒也

三月曹伯滕卒○夏四月○秋葬曹武公○八月

莒子去疾卒

襄陵許氏曰昭公以來微國皆葬而莒著丘公不葬者莒卒無謚其號夷也春秋不

以夷亂華也

冬莒殺其公子意恢

傳莒著丘公卒郊公不感國人弗順欲立著丘公之

弟庚與蒲餘侯惡公子意恢而善於庚與郊公惡公子鐸而善於意恢公子鐸因蒲餘侯而與之謀曰爾殺意恢我出君而納庚與許之冬十二月蒲餘侯茲夫殺莒公子意恢郊公奔齊公子鐸逆庚與於齊○高郵孫氏曰公穀之說皆以為曹莒無大夫蓋曹莒小國其君之爵才當大國之大夫其大夫之位才當大國之士春秋諸侯之士皆不書名故曹莒大夫之名不得見於經也其有事繫懲勸法當書者則雖賤而名之邾庶其黑肱莒年夷意恢是也○襄陵許氏曰公子鐸首亂而無見焉者韓愈曰春秋書王法不誅其人凡此類皆所以表

見王道若鐸
不書者多矣

十有五年春王正月吳子夷末卒

公羊作夷昧

二月癸酉有

事于武宮籥入叔弓卒去樂卒事

傳禘于武宮叔弓涖事籥入而卒去樂卒

事禮也○胡氏傳有事於宗廟聞大夫之喪則去樂而祭可乎案曾子問君在祭不得成禮夫子語之詳矣而無有及大臣者是知祭而去樂不可也有事于宗廟遭大夫之變則以聞可乎案禮衛太史柳莊寢疾君曰若疾亟雖當祭必告是知祭而以聞不可也禮莫重於當祭大夫有變而不以聞則內得盡其誠敬之心於宗廟外全隱恤之意於大臣是兩得之也然則有事于宗廟大臣涖事籥入而卒於其所則如之何禮雖未之有可以義起也有事于宗廟大臣涖事籥入而卒於其所去樂卒事其可也緣先祖之心見大臣之卒必聞樂不樂

緣孝子之心視已設之饌必不忍輕徹故去樂而卒事其可也宗廟合禮者常事不書苟以為可則春秋何書乎此記禮之變而書之者也○高郵孫氏曰武宮廢廟也成六年立之事所不當有者春秋因變禮而推言之

夏蔡朝吳出奔鄭

朝公羊作昭無出字○傳楚費無極害朝吳之在蔡也欲去之乃謂之曰

王唯信子故處子於蔡子亦長矣而在下位辱必求之吾助子請又謂其上之人曰王唯信吳故處諸蔡二三子莫之如也而在其上亦難乎弗圖必及於難夏蔡人逐朝吳朝吳出奔鄭王怒曰余唯信吳故寔諸蔡且微吳吾不及此女何故去之無極對曰臣豈不欲吳然而前知其為人之異也吳在蔡蔡必速飛去吳所以翦其翼也○胡氏傳楚子弃疾以朝吳忠於舊君而信之使居舊國可謂知所信矣然費無極害其寵使之出奔而楚子不能察遂致無極屏王之耳目使不聰明去朝吳出蔡侯朱殺連尹奢喪太子建卒使吳師入郢辱及

宗廟可不畏乎為國有九經而尊賢為上勸賢有四事而去讒為首志朝吳出奔而入郢之師兆矣然朝吳居舊國處危疑之地不能以忠信自任杜讒慝之謀而聽無極之計欲為之請以名利累其心而莫覺不知甚矣特書其出奔亦卑吳也

六月丁巳朔日有食之○秋晉荀吳帥師

伐鮮虞

傳晉荀吳帥師伐鮮虞圍鼓鼓人或請以城叛穆子弗許曰或以吾城叛吾所甚惡也人以城

來吾獨何好焉不可以欲城而邇姦使鼓人殺叛人而繕守備圍鼓三月鼓人或請降使其民見曰猶有食色姑脩而城鼓人告食竭力盡而後取之以鼓子戴鞮歸○胡氏傳晉滅潞氏甲氏及再伐鮮虞皆用大夫將而或稱人或稱國或書名氏何也以殄滅為期而無惻隱之心則稱人見利忘義以欺詐之道行之則稱國以正兵加敵而不納其叛臣則稱名氏稱名氏者非褒冬公之也纔免貶耳於此可見春秋用兵禦狄之略矣

如晉

傳平丘之會故也

十有六年春齊侯伐徐

傳齊侯伐徐二月丙申齊師至于蒲隧徐人行成徐子及邾人

莒人會齊侯盟于蒲隧賂以甲父之鼎叔孫昭子曰諸侯之無伯害哉齊君之無道也興師而伐遠方會之有成而還莫之亢也無伯也夫○愚案景公立二十餘年矣自崔慶相殘賊之後委政二惠及樂高敗乃始親政不能收權修德明政刑以強其國故於晉將衰而般樂嗜利及晉既亂而欲以無政之國爭強圖霸宜其遂不振而國為陳氏之有也晏子雖隨事諷諫而於此已無術以格其心所謂以其君顯者亦末矣

楚子誘

戎蠻子殺之

蠻公羊作曼○杜氏註河南新城縣有蠻城今伊闕縣即新城也○傳楚子聞蠻氏

之亂也與蠻子之無質也使然丹誘戎蠻子嘉殺之遂取蠻氏○蘓氏曰楚子誘蔡侯殺之名而書地以夷狄

害中國疾之也誘殺戎蠻不名不地夷狄相殘略之也戎蠻不名告略也

夏公至自晉

傳正月公

在晉晉人止公不書諱之也夏公至自晉○胡氏傳案

傳言晉人止公不書諱之也昭公數朝于晉三至于河

而不得入兩得見晉侯又欲討其罪而止旃其困辱亦

甚矣在易之困曰困亨困窮而致亨也夫困於心衡於

慮而後作徵於色發於聲而後喻此正憤懣自強之時

而夏少康衛文公越勾踐燕昭王四君子者由此其選

也今昭公安於危辱無激昂勉厲之志即所謂自暴自

棄不可與有為而人亦莫之告矣不亦悲乎諱而不書

貶之秋八月己亥晉侯夷卒○九月大雩

旱也季孫意如

如晉○冬十月葬晉昭公

十有七年春小邾子來朝

傳小邾穆公來朝

夏六月甲戌朔日

有食之

傳祝史請所用幣叔孫婁曰日有食之天子不舉伐鼓於社諸侯用幣於社伐鼓於朝禮也平

子禦之曰止也唯正月朔慝未作日有食之於是乎有伐鼓用幣其餘則否大史曰在此月也平子弗從昭子退曰夫子將有異志不君君矣○杜氏曰正月謂建巳正陽之月也於周為六月於夏為四月秋郊子

來朝○八月晉荀吳帥師滅陸渾之戎

陸公羊作賁之字公穀並無○

傳晉侯使屠蒯如周請有事於維與三塗九月丁卯晉荀吳帥師涉自棘津使祭史先用牲于維陸渾人弗知師從之庚午遂滅陸渾數之以其貳於楚也陸渾子奔楚其衆奔甘鹿○胡氏傳林父之於潞氏士會之於甲氏荀吳之於陸渾戎皆滅之也而林父士會稱人荀吳舉其名氏何哉夷不亂華陸渾之戎而縱之雜處則非膺戎狄別內外之義也與開土服遠以圖強霸則異矣然舉其名氏非褒辭也纔得無貶耳冬有星

孛于大辰

公羊傳字者何彗星也大辰者何大火也○傳有星孛于大辰西及漢中須曰彗所以除

舊布新也天事恒象今除於火火出必布焉諸侯其有
火災乎鄭裨竈言於子產曰宋衛陳鄭將同日火若我
用瓘斚玉瓚鄭必不火子產弗與○胡氏傳大辰心也
為明堂天子之象其前星太子後星庶子孛星加心象
天子嫡庶將分爭也後五年景王崩王室亂劉子單子
立王猛尹氏召伯立子朝歷數載而後定至哀十三年
有星孛于東方不言宿名者不如於宿也當是時吳人
僭亂憑陵上國日敝於兵暴骨如莽其戾氣所感固將
壅吳而降之罰也故氛祲所指在于東方假手越人吳
國遂滅天之示人顯矣史之有占明矣○許氏曰星孛
大辰火災應之天地之符也大辰明堂當宋之分故王
室亂宋亦亂衛陳鄭災氣所溢也衛亂君奔陳敗卿獲
惟鄭有令政而無後災

是知禍福之可轉矣

楚人及吳戰于長岸

長岸楚地
地譜曰水

戰也。○傳吳伐楚，令尹陽句司馬子魚戰于長岸。子魚先死，楚師繼之，大敗吳師，獲其乘舟餘皇。吳公子光請於其衆曰：「喪先王之乘舟，豈唯光之辜？衆亦有焉。」請藉取之，以救死，使長鬣者三人潛伏於舟側，曰：「我呼餘皇，則對師夜從之。」三呼皆迭對。楚人從而殺之。楚師亂，吳人大敗之，取餘皇以歸。○胡氏傳言戰不言敗，勝負敵也。楚地五千里，帶甲數十萬，戰勝諸侯，威動天下，本非吳敵也。惟不能去讒賤貨，使費無極，以讒勝囊瓦，以貨行而策士竒才為敵國用。故日以侵削，至難父之師七國皆敗。柏舉之戰，國破君奔，幾於亡滅。吳日益強，而楚削矣。是故為國必以得賢為本，勸賢必以去讒賤貨為先。不然，雖廣土衆民，不足恃也。考其所書本末，強弱之由，其為後世戒明矣。

十有八年春，王三月，曹伯須卒。○夏五月壬午，宋衛陳

鄭災

傳夏五月火始昏見丙子風戌寅風甚壬午大甚宋衛陳鄭皆火火作子產辭晉公子公孫于東門

使司寇出新客禁舊客勿出於宮使子寬子上巡屏攝至于大宮使府人庫人各徹其事司馬司寇列居火道城下之人伍列登城明日使野司寇各保其徵書焚室而寬其征與之材三日哭國不市使行人告於諸侯宋衛皆如是陳不救火許不弔災君子是以知陳許之先亡也○公羊傳何以書記異也何異爾異其同日而俱災也外異不書此何以書為天下記異也

六月邾人入郕

邾姒姓國在琅邪開陽縣今屬

沂州臨沂縣○傳六月邾人藉稻邾人襲邾邾人將閉門邾人羊羅攝其首焉遂入之盡俘以歸邾子曰余無歸矣從帑於邾邾莊公反邾夫人而舍其女

秋葬曹平公○冬許遷于白羽

白羽一名析楚邑今鄧州內鄉縣○傳楚左尹王子勝言於楚子曰許於鄭仇敵也而居楚地以不禮於鄭晉

鄭方睦鄭若伐許而晉助之楚喪地矣
君盍遷許冬楚子使王子勝遷許于析

十有九年春宋公伐邾

傳邾夫人宋向戌之女也故向寧請師二月宋公伐邾圍蟲三

月取之乃盡歸邾俘○胡氏傳此所謂聲臯執言之師也故書伐邾而釋其取邑之臯此亦善善長惡惡短之

義

夏五月戊辰許世子止弑其君買

傳許悼公瘡五月戊辰飲太子止之

藥卒太子奔晉書曰弑其君○穀梁傳止不弑也不弑而曰弑責止也止曰我與夫弑者不立乎其位以與其弟虺哭泣歎舒粥啖不容粒未踰年而死故君子即止自責而責之也○愚案藥劑所以致人之死者非一端姑以瘡言之今之治瘡以砒燬而餌之多愈然燬不得法而反殺人者多矣悼公之死必此類也然止以弑書之何也孟子曰殺人以挺與刃有以異乎曰無以異也以刃與政有以異乎曰無以異也進藥而藥殺可不謂

之弑哉其所以異於商臣蔡般者過與故不同耳心雖不同而春秋之文一施之者以臣子之於君父不可過也

已卯地震○秋齊高發帥師伐莒

傳齊高發帥師伐莒莒子奔紀鄆使

孫書伐之初莒有婦人莒子殺其夫已為嫠婦及老託於紀鄆紡焉以度而去之及師至則投諸外或獻諸子

占子占使師夜縋而登登者六十人縋絕師鼓譟城上之人亦譟莒共公懼啓西門而出七月丙子齊師入紀

冬葬許悼公

公羊傳賊未討何以書葬不成乎弑也曷為不成乎弑止進藥而藥殺是以君子書

弑焉爾曰許世子止弑其君買是君子之聽止也葬許悼公是君子之赦止也赦止者免止之臯詞也○穀梁

傳何以書葬不使止為弑父也曰子既生不免乎水火母之臯也羈貫成童不就師傳父之臯也就師問學無方心志不通身之臯也心志既通而名譽不聞友之臯也名譽既聞有司不舉有司之臯也有司舉之王者不

用王者之過也許世子止不知當藥累及許君也范甯
註許君不授子以師傅使不識當藥之義故曰累及之
也○胡氏曰觀止自責可謂有過人之質矣乃至
以弑君獲臯此為人臣子而不知春秋之義者也

二十年春王正月○夏曹公孫會自鄆出奔宋

鄆穀梁作夢今

興仁府乘氏縣有大饗城古老云古鄆城也○劉氏傳
奔未有言自者此其言自何待放也大夫有臯待放于
境三年君賜之環則復賜之玦則去逾境則為位鄉國
而哭素衣素裳素冠徹緣鞮屨素蔽乘髦馬不蚤翦不
祭食不說人以無臯婦人不當御三月而復服此去國
之禮也○胡氏傳曹無大夫其曰公孫賢之也待放而
賢之為公子喜時之後賢之也喜時能以秋盜殺衛侯
國讓以其賢者之後苟有善焉斯進之矣秋盜殺衛侯
之兄繫

繫公羊穀梁並作輒○傳衛公孟繫狎齊豹奪
之司寇與鄆有役則反之無則取之公孟惡北

宮喜褚師圉欲去之公子朝通于襄夫人宣姜懼而欲以作亂故齊豹北宮喜褚師圉公子朝作亂初齊豹見宗魯於公孟為駢乘焉將作亂而謂之曰公孟之不善子所知也勿與乘吾將殺之對曰吾由子事公孟子假吾名焉故不吾遠也雖其不善吾亦知之抑以利故不能去是吾過也今聞難而逃是僭子也子行事乎吾將死之以周事子而歸死於公孟其可也丙辰衛侯在平壽公孟有事于蓋獲之門外齊子氏帷於門外而伏甲焉使祝鼃寘戈於車薪以當門使一乘從公孟以出使華齊御公孟宗魯駢乘及閭中齊氏用戈擊公孟宗魯以背蔽之斷肱以中公孟之肩皆殺之○任公輔曰齊豹非卿故曰盜春秋非卿者皆謂之盜尉止也齊豹也公孫翩也陽虎也皆大夫也○愚謂繫以有疾不得列於宗而廢是以靈公得立則所以事其兄全其身者必無所不用其至親愛之而不得有為於其國此舜所以盡其忠於兄弟也靈公受其國於有疾之兄乃聽其無

禮於大夫且俾之預於政而又不能正其母以預制其禍亂使齊豹北宮喜褚師圃公子朝之倫如盜賊竊發殺死身危幾亡其國故書盜冬十月宋華亥向寧華定殺衛侯之兄縶以深辜之也

出奔陳

寧公羊作寧後皆同○傳宋元公無信多私而惡華向華定華亥與向寧謀曰亡愈於死先諸

華亥偽有疾以誘羣公子公子問之則執之夏六月丙申殺公子寅公子御戎公子朱公子固公孫援公孫丁拘向勝向行於其廩公如華氏請焉弗許遂劫之癸卯取太子欒與母弟辰公子地以為質公亦取華亥之子無感向寧之子羅華定之子啓與華氏盟以為質公請於華費遂將攻華氏曰子死亡有命余不忍其詢冬十月公殺華向之質而攻之戊辰華向奔陳華登奔吳向寧欲殺太子華亥曰干君而出又殺其子其誰納我且歸之有庸使少司寇捭以歸○泰山孫氏曰三卿並出危之十有一月辛卯蔡侯廬

卒

二十有一年春王三月葬蔡平公○夏晉侯使士鞅來

聘

傳晉士鞅來聘昭子為政季孫欲惡諸晉使有司以齊鮑國歸費之禮為士鞅士鞅怒曰鮑國之位下其

國小而使鞅從其牢禮是卑敝邑也魯人恐加四牢焉為十一牢○襄陵許氏曰禮好不結而財求無度則聘義亡矣蓋自是聘不復志宋華亥向寧華定自陳入于宋南里以叛

叛公羊作畔○傳宋華費遂生華貜華多僚華登貜為少司馬多僚為御士與貜相惡乃譖諸公曰貜將納亡人公懼使告司馬司馬歎曰必多僚也吾有讒子而弗能殺吾又不死抑君有命可若何乃與公謀逐華貜五月丙申子皮殺多僚劫司馬以叛而召亡人壬寅華向入樂大心豐憇華憇禦諸橫華氏居廬門以南里叛六

月庚午宋城舊鄜及桑林之門而守之冬十月華登以
吳師救華氏丙寅齊師宋師敗吳師于鴻口華登帥其
餘以敗宋師公欲出廚人濮曰吾小人可藉死而不能
送亡君請待之齊烏枝鳴曰用少莫如齊致死齊致死
莫如去備彼多兵矣請皆用劔從之華氏北復即之遂
敗華氏于新里十一月癸未公子城以晉師至曹翰胡
會晉荀吳齊苑何忌衛公子朝救宋丙戌與華氏戰于
赭丘大敗華氏圍諸南里楚遂越帥師逆華氏○穀梁
傳自陳陳有奉焉爾入者內弗受也以者不以者也○
胡氏傳凡書叛有入于戚者而不言衛有入于朝歌者
而不言晉有入于蕭者而不言宋此獨稱宋南里何也
戚與朝歌及蕭皆其所食邑也若南里則宋國城內之
里名也傳稱華氏居盧門以南里叛宋城舊鄜及桑林
之門以守是華氏與宋分國而居矣故其出入皆以南
里繫之宋此深臯叛臣逼脅其君已甚之辭也

秋七月壬午朔日有食之○八

月乙亥叔輒卒

輒公羊作座

冬蔡侯朱出奔楚

朱穀梁作東○傳三月葬

蔡平公蔡太子朱失位位在卑大夫送葬者歸見昭子昭子問蔡故以告昭子歎曰蔡其亡乎若不亡是君也必不終詩曰不解于位民之攸斃今蔡侯始即位而適卑身將從之蔡侯朱出奔楚費無極取貨於東國而謂蔡人曰朱不用命於楚君王將立東國若不公如晉至先從王欲楚必圍蔡蔡人懼出朱而立東國

河乃復

傳鼓叛晉晉將伐解虞故辭公○襄陵許氏曰公失其重久矣故晉得輕進退之

二十有二年春齊侯伐莒

傳王二月甲子齊北郭啓帥師伐莒莒子將戰苑羊牧之

諫曰齊帥賤其求不多不如下之大國不可怒也弗聽敗齊師于壽餘齊侯伐莒莒子行成司馬竈如莒涖盟莒子如齊涖盟盟于稷門之外莒於是乎大惡其君宋華亥向寧華定自宋南里

出奔楚

傳楚遠越使告于宋曰寡君聞君有不令之臣為君憂寡君請受而戮之諸侯之成謀曰若華

氏知困而死楚恥無功而疾戰非吾利也不如出之以為楚功其亦無能為也已乃固請出之宋人從之已宋華亥向寧華定華疆華登皇奄傷省臧士平出奔楚○胡氏傳華向請殺羣公子又劫其君取其太子與母弟為質又求助於吳楚入披其國都以叛此必誅不赦之臯也宋宜竭力必討之於內諸侯宜協心必救之於外楚子宜執叛臣之使而戮之於境今楚人釋君而臣是助諸侯之成怠於救患固請逸賊而宋又從之則皆臯也故晉荀吳齊苑何忌衛公子朝曹大夫皆略而不書其曰自宋南里者譏宋之縱釋有臯不能致討曰出奔楚者不待貶絕而亢大蒐于昌間問公羊作姦○不衷獎亂人之惡自見矣大蒐于昌間穀梁傳秋而曰蒐此春也其曰蒐何也以蒐事也○劉氏傳何以書譏何譏爾大蒐于昌間公不與非禮也蓋不得與爾○襄

陵許氏曰八年秋蒐十一年夏蒐以為書不時也今此
春蒐時矣而書則凡昭公書蒐主刺大夫盛強公失其
政兵戎是務而禮防不興上下相與以樂惱憂也文王
之時人倫既正而後軍旅以律朝廷既治而後田野即
功是以詩歌庶類蕃殖而蒐田以時當魯昭之季朝廷
人倫逆亂極矣而惟蒐田之是務是以屢書以刺之

夏四月乙丑天王崩

傳王子朝賓起有寵於景王王與
賓孟說之欲立之劉獻公之庶子

伯盆事單穆公惡賓孟之為人也願殺之又惡王子朝
之言以為亂願去之賓孟適郊見雄雞自斷其尾問之
侍者曰自憚其犧也遽歸告王且曰雞其憚為人用乎
人異於是犧者實用人人犧實難已犧何害王弗應夏
四月王田北山使公卿皆從將殺單子劉子王有心疾
乙丑崩于榮錡氏戊辰劉子摯卒無子單子立劉盆五
月庚辰見王遂攻賓起
殺之盟羣王子于單氏
六月叔鞅如京師葬景王王室

亂

杜氏註叔鞅叔弓子三月而葬速亂故○傳葬景王王子朝因舊官百工之喪職秩者與靈景之族以作

亂帥郊要餞之甲以逐劉子壬戌劉子奔揚單子逆悼

王于莊宮以歸王子還夜取王以如莊宮癸亥單子出

王子還與召莊公謀曰不殺單旗不捷與之重盟必來

背盟而克者多矣從之樊頊子曰非言也必不克遂奉

王以追單子及領大盟而復殺摯荒以說劉子如劉單

子亡乙丑奔平時羣王子追之單子殺還姑發弱駮延

定稠子朝奔京丙寅伐之京人奔山劉子入于王城辛

未鞏簡公敗績于京乙亥甘平公亦敗焉叔鞅至自京

師言王室之亂也閔馬父曰子朝必不克其所與者天

所廢也○劉氏傳何言乎王室亂亂自內作者也呂氏

曰不言京師亂而言王室亂者言京師則通乎上下言

王室則其父子兄弟自亂之耳○胡氏傳景王寵愛子

朝使孽子配嫡以本亂者其劉子單子以王猛居于皇

言王室譏國本之不正也

杜氏註河南鞏縣有黃亭東漢志鞏有黃亭西北有湟水○傳單子欲告急於晉秋七月戊寅以王如平時遂如園車次于皇劉子如劉單子使王子處守于王城盟百工于平宮辛卯鄒盼伐皇大敗獲鄒盼壬辰焚諸王城之市八月辛酉司徒醜以王師敗績于前城百工叛己巳伐單氏之宮敗焉庚午反伐之辛未伐東園○胡氏傳以者不以者也師而曰以能左右之也地而曰以能取與之也人而曰以能死生之也尊不以乎卑貴不以乎賤大不以乎小劉蚩單旗臣也曷為能以王猛也猛無寵於景王不能自定其位制在劉單其曰以者能廢立之也案左氏景王太子壽以昭十五年卒至是八年矣猛與勾皆其母弟禮無疑於當立久而未立者王愛庶子朝欲立以為嗣未果而王崩故諸大臣競立君諸王子爭欲立以正則有猛以寵則有朝猛雖正而無寵其威不足以攝羣下朝雖寵而不正其分不足以服人心二子廢立皆恃大臣強弱而後定者也故特稱曰

以而景王之弱其後嗣輕其宗社臯亦著矣○襄陵許氏曰易曰王居无咎曰居于皇者春秋所正也其稱王猛未即位也顧命康王當喪書王而悼王以名繫之書志事春秋書法也愚謂以經書魯之法推之天王之喪未葬當稱王子其既葬當稱王子逾年稱王今王猛當稱王子者也適當子朝爭立之際猛雖王而位未定不可以不名故書王猛焉

秋劉子單子以王猛入于王城

杜氏註王城邲鄆今河南縣愚案河南縣乃周書洛誥所謂澗水東溼水西為定鼎之地平王東遷即都於此而春秋所謂京師皆指此也○傳冬十月丁巳晉籍談荀躒帥九州之戎及焦瑕溫原之師以納王于王城庚申單子劉蚩以王師敗績于郊前城人敗陸渾于社○胡氏傳未踰年何以稱王示當立也既當立矣何以稱名明嗣君也曰王猛者見居尊得正又以別乎諸王子也君前臣名劉單不名而王名不嫌於倒置乎曰君前

臣名禮也禮當其變臣有不名名其君而不嫌者矣王不當稱未踰年而稱王名不當稱立為君而稱猛皆禮之變也惟可與權者能知其變而不越乎道之中再書劉子單子之以王何也春秋辭繁而不殺者必有美惡焉劉子單子蓋挾天子而專國柄者也書而未足故再書于策以著上下舛逆為後世戒○愚案劉單輔猛苟能如諸葛輔後主冬十月王子猛卒杜氏註未即位不則必不如是書矣稱王雖未立周人謚曰悼王○傳王子猛卒不成喪也已丑敬王即位館于子旅氏十二月晉師取前城軍其東南王師軍于京楚○泰山孫氏曰其曰王子猛者言王所以明當嗣之人也言子所以見未踰年之君也言猛所以別羣王子也不崩不葬者降成君也○劉氏傳其謂之卒何未踰年之王也謂之卒則可謂之薨則不可

月癸酉朔日有食之

十有二

二十有三年春王正月叔孫婁如晉

傳邾人城翼還自離姑武城人塞其

前斷其後之木而弗殊邾師過之乃推而蹙之遂取邾師獲徐鉏丘弱茅地邾人愬于晉晉人來討叔孫婁如

晉癸丑叔鞅卒○晉人執我行人叔孫婁

傳晉人執之書曰晉人執

我行人叔孫婁言使人也晉人使與邾大夫坐叔孫曰列國之卿當小國之君固周制也邾又夷也寡君之命介子服回在請使當之乃不果坐韓宣子使邾人聚其衆將以叔孫與之叔孫聞之去衆與兵而朝乃弗與士伯御叔孫從者四人過邾館以如吏乃館諸箕范獻子求貨於叔孫使請冠焉取其冠法而與之兩冠曰盡矣○蘓氏曰執之稱晉人圍郊傳二師圍郊癸卯郊鄆潰王使告問庚戌二師還○東萊呂氏曰當是時王必自以為無假於晉師故使之間而晉因此遂還然晉師還而子朝之勢復熾若因郊

潰遂取子朝不至如後日之難也○胡氏傳晉不書大夫之名氏又不稱師而曰人微之也所謂以其事而微之者當是時天子蒙塵晉為方伯不奔問官守省視器具徐遣大夫往焉勤王尊主之義若是乎書晉人圍郊而臯自見矣
夏六月蔡侯東國卒于楚○秋七月莒子庚輿

來奔

傳莒子庚輿虐而好劔苟鑄劔必試諸人國人患之又將叛齊烏存帥國人以逐之庚輿將出聞烏

存執爰而立於道左懼將止死苑羊牧之曰君過之烏存以力聞可矣何必以弑君成名遂來奔齊人納郊公○胡氏傳三代之得失天下也以仁與不仁而已苟無仁心甚則身弑國亡不甚則身危國削庚輿免死道左而出奔於魯幸耳入國不書而書其出奔惡之也郊公出入皆不書微之也所謂以其人而微之者也微之為義或以位或以人或以事春秋書法達王事名氏不登於史策若此類亦衆矣
戊辰吳敗頓胡

沈蔡陳許之師于雞父胡子髡沈子逞滅獲陳夏馮

穀父

梁作甫逞公羊作極穀梁作盈○杜氏註雞父楚地安豐縣南有雞備亭今屬壽州○傳吳人伐州來楚遂越

帥師及諸侯之師奔命救州來吳人禦諸鍾離子瑕卒楚師燬吳公子光曰諸侯從於楚者衆而皆小國也畏楚而不獲已是以來七國同役而不同心若分師先以犯胡沈與陳必先奔三國敗諸侯之師乃搖心矣諸侯非亂楚必大奔請先者去備薄威後者敦陳整旅吳子從之戊辰晦戰于雞父吳子以皐人三千先犯胡沈與陳三國爭之吳為三軍以繫於後中軍從王光帥右掩餘帥左吳之皐人或奔或止三國亂吳師擊之三國敗獲胡沈之君及陳大夫舍胡沈之囚使奔許與蔡頓曰吾君死矣師譟而從之三國奔楚師大奔書曰胡子髡沈子逞滅獲陳夏馮君臣之辭也○公羊傳其言滅獲何別君臣也君死于位曰滅生得曰獲大夫生死皆曰

獲○泰山孫氏曰春秋之戰書敗者多矣未有諸侯之師略而不序者此六國之師略而不序者皆夷狄之也賤其舍中國而與夷狄故皆夷狄之其言胡子髡沈子逞滅者深惡二國之君不得其死皆以自滅為文也○胡氏傳吳伐州來楚令尹帥師及諸侯之師與吳戰曷為不書楚令尹既喪楚師已燬六國先敗楚師遂奔是以不書楚也諸侯之師曷為略而不序頓胡沈則其君親將蔡陳許則大夫帥師言戰則未陳也言敗績則或滅或獲其事不同也故總言吳人以詐取勝於前而以君與大夫序六國於後胡沈書爵書名書滅者二國之君幼而狂不能以禮自守役屬於楚悉師以出一敗而身與衆俱亡也其曰胡子髡沈子逞滅者若曰非有能滅之者咸其自取焉耳或曰滅或曰獲別君臣也書其敗不以國分而以君大夫為序書其死不以事同而以君臣為別皆所以辨上下定民志雖天王居于狄泉尹顛沛必於是也其義行而亂自熄矣

天王居于狄泉尹

氏立王子朝

狄泉即僖二十九年翟泉杜氏註洛陽城內大倉西南池水時在城外○傳六月壬

午王子朝入于尹癸未尹圉誘劉佗殺之丙戌單子從阪道劉子從尹道伐尹單子先至而敗劉子還己丑召伯奭南宮極以成周人戌尹庚寅單子劉子樊齊以王如劉甲午王子朝入于王城次于左巷秋七月戊申鄆羅納諸莊宮尹辛敗劉師于唐丙辰又敗諸鄆甲子尹辛取西闡丙寅攻蒯蒯潰○愚案踰年而稱天王所居明天下之大君也書尹氏立朝則其篡明矣

八月乙未地震○冬公如晉至

河有疾乃復

公穀有疾上再有公字姜文也○公羊傳何言乎公有疾乃復殺恥也○胡氏傳公

兩朝于晉而一見止五如晉而四不得入今此言有疾乃復殺恥也以周公之胄千乘之君執幣帛脩兩君之好而不見納可恥之大者也以為恥然後能知憤知憤而後能自強自強而後能為善為善而後能立身身立

而後能行其政令保其國家矣昭公內則受制於權臣
外則見陵於方伯此正憂患疾患有德慧術智保生免
死之時也而安於屈辱甘處微弱無憤悱自
強之心其失國出奔死於境外咸自取之哉

二十有四年春王二月丙戌仲孫貜卒

孟僖子也

姒至自晉

公羊作叔孫舍胡氏從之

夏五月乙未朔日有食之○秋八月大雩

傳早也

丁酉杞伯郁釐卒

郁公羊作鬱

冬吳滅巢

傳楚子為舟師以略吳疆

越大夫胥犴勞王于豫章之汭王及圍陽而還吳人踵
楚而邊人不備遂滅巢及鍾離而還沈尹戌曰亡郢之
始於此在矣王一動而亡二
姓之帥幾如是而不及郢

葬杞平公

二十有五年春叔孫婍如宋○夏叔詣會晉趙鞅宋樂

大心衛北宮喜鄭游吉曹人邾人滕人薛人小邾人于

黃父

諱公穀作倪大心公羊作世心後同○黃父即黑壤晉地○傳二十四年鄭伯如晉子大叔相見范

獻子獻子曰若王室何對曰老夫其國家不能恤敢及王室抑人有言曰嫠不恤緯而憂宗周之隕為將及焉今王室實蠹蠹焉吾小國懼矣然大國之憂也吾儕何知焉吾子其早圖之詩曰鉶之磬矣惟壘之恥王室之不寧晉之恥也獻子懼而與宣子圖之乃微會於諸侯期以明年二十五年夏會于黃父謀王室也趙簡子今諸侯之大夫輸王粟具戍人曰明年將納王宋樂大心曰我不輸粟我於周為客若之何使客晉士伯曰自踐土以來宋何役之不會而何盟之不同曰同恤王室子焉得辟之子奉君命以會大事而宋背盟無乃不可乎右師不敢對受膝而退○胡氏傳以王猛兄弟之無寵劉單之屢敗子朝之衆尹召南宮甘氏之黨疑多助之

在朝也然黃父之會十國無異議是知邪不勝正久矣然無美辭何也王室不靖諸侯之責何美之有春秋以

正待人

有鸛鵒來巢

鸛公羊作鸛○傳有鸛鵒來巢書所無也○公羊傳何以書記異也

何異爾非中國之禽也○愚聞之邵子曰天下將治則天地之氣自北而南天下將亂則天地之氣自南而北禽鳥飛類得氣之先者也春秋書六鵠退飛鸛鵒來巢氣使之也鸛鵒不踰濟而至魯豈非氣自南而北之驗哉當此之先楚雖為中國患而齊晉猶足以抑之自此之後晉霸不競吳楚越皆以南夷迭主夏盟諸侯歛衽之事之馴至大亂則知鸛鵒來巢之祥不特昭公出奔之兆也

秋七月上辛大雩季辛

又雩

傳再雩
早甚也

九月己亥公孫于齊次于陽州

己亥穀梁作乙亥陽

公羊作楊○傳初季公若怨平子邠昭伯亦怨之臧昭伯之從弟會為讒於臧氏而逃於季氏臧氏執旃平子

怒拘臧氏老將禘於襄公萬者二人其衆萬於季氏臧孫曰此之謂不能庸先君之廟大夫遂怒平子公若獻弓於公為且與之出射於外而謀去季氏公為告公果公賁公果公賁使侍人僚袒告公公寢將以戈擊之乃走公曰執之亦無命也懼而不出數月不見公不怒又使言公執戈以懼之乃走又使言公曰非小人之所及也公果自言公以告臧孫臧孫以難告邠孫邠孫以可勸告子家懿伯懿伯曰讒人以君微幸事若不克君受其名不可為也舍民數世以求克事不可必也且政在焉其難圖也公退之辭曰臣與聞命矣言若洩臣不獲死乃館於公叔孫昭子如闕公居於長府九月戊戌伐季氏殺公之于門遂入之平子登臺而請弗許子家子曰君其許之政自之出久矣隱民多取食焉為之徒者衆矣日入慝作弗可知也衆怒不可蓄也蓄而弗治將蕕蕕蓄民將生心生心同求將合君必悔之弗聽公使邠孫逆孟懿子叔孫氏之司馬驥戾言於其衆曰我家

臣也不敢知國凡有季氏與無於我孰利皆曰無季氏是無叔孫氏也驪戾曰然則救諸陷西北隅以入公徒釋甲執冰而踞遂逐之孟氏執郈昭伯殺之于南門之西遂伐公徒子家子曰諸臣僞劫君者而負臯以出君止意如之事君也不敢不改公曰余不忍也公與臧孫如墓謀遂行己亥公孫于齊次于陽州○穀梁傳孫之為言猶孫也諱奔也次于陽州次止也○胡氏傳魯自東門遂殺適立庶魯君於是乎失政祿去公室政在季氏於此君也四公矣作三軍盡征其一舍中軍兼有其二民賦入於其家半矣受命救台也遂入鄆帥師取卞也不以聞軍政在其手專矣行父片言而東門氏遂南蒯一動而公子慙奔魯之羣臣亦無敢忠於公室而獻謀者所謂屯難之時也昭公不明乎消息盈虛之理正身率德擇任忠賢待時馴致不忍一朝之忿求逞其私欲而以羣小謀之其及也宜矣○杜氏曰陽州魯境上不得入齊待命于境上也

齊侯唁公子

野井

野井齊地杜氏曰濟南祝阿縣東有野井亭○傳齊侯將唁公于平陰公先至于野井齊侯曰寡人

之臯也使有司待于平陰為近故也齊侯曰自莒疆以西請致千社以待君命寡人將帥敝賦以從執事唯命是聽君之憂寡人之憂也公喜子家子曰天祿不再天若昨君以魯足矣失魯而以千社為臣誰與之立且齊君無信不如早之晉弗從○公羊傳唁公者何昭公欲伐季氏告子家駒子家駒曰諸侯僭天子大夫僭諸侯久矣昭公曰吾何僭矣哉子家駒曰設兩觀乘大路朱干玉戚以舞大夏八佾以舞大武此皆天子之禮也且夫牛馬維妻委已者也而柔焉季氏得民衆久矣君無多辱焉昭公不從其言終伐之而敗焉走之齊齊侯唁公于野井曰奈何君去魯國之社稷昭公曰喪人不佞失守魯國之社稷執事以羞再拜顙慶子家駒曰慶子免君於大難矣子家駒曰臣不佞陷君於大難君不忍加之鈇鎖賜之以死再拜顙高子執簞食與四脰脯國

子執壺漿曰吾寡君聞君在外餒饗未就敢致糗於從者昭公曰君不忘吾先君延及喪人錫之以大禮再拜稽首以祔受高子曰有夫不祥君無所辱大禮昭公蓋祭而不嘗景公曰寡人有不腆先君之服未之敢服有不腆先君之器未之敢用敢固以請昭公曰以吾宗廟之在魯也有先君之服未之能以服有先君之器未之能以出敢固辭景公曰寡人有不腆先君之服未之敢服有不腆先君之器未之敢用請以饗乎從者昭公曰喪人其何稱景公曰孰君而無稱昭公於是噉然而哭諸大夫皆哭既哭以人為菑以帑為席以鞶為几以遇禮相見孔子曰其禮與其辭足觀矣○石氏曰觀公羊齊侯致餼饗之禮與昭公喪人之稱則其為禮不冬十月戊辰叔孫婁卒

傳昭子自

闕歸見平子平子稽顙曰子若我何對曰人誰不死子以逐君成名子孫不忘不亦傷乎將若子何平子曰苟使意如得改事君所謂生死而肉骨也昭子從公于齊與公言子家子命適公館者執之公與昭子言於幄內曰將安衆而納公公徒將殺昭子伏諸道左師告公公使昭子自鑄歸平子有異志冬十月辛酉昭子齊於其寢使祝宗十有一月己亥宋公佐卒于曲棘

曲棘宋地○杜

氏註陳留外黃縣城中有曲棘里據地譜外黃城在開封雍丘縣○傳宋元公將為公故如晉己亥卒于曲棘○胡氏傳宋元意如之外舅也元公夫人曹氏生女妻意如不此之顧而求欲納公是以正倫恤患為心而不恤其私親者也其賢於當時諸侯遠矣故卒其封內而特書地以別之

十有二月齊侯取

鄆

公羊傳外取邑不書此何以書為公取之也○胡氏傳鄆魯邑也直書齊侯取之何也齊不自取而為公

取鄆使居之也昭公出奔經書次于陽州見公未絕於魯而季氏逐君為不臣及書齊侯取鄆則見公已絕於魯而逐於季氏為不君君者有其土地人民以奉其宗廟之典籍者也己不能有而他人是保則不君矣春秋之義欲為君盡君道為臣盡臣道各守其職而不渝也昭公失道季氏為亂君臣各渝其職而不守其為後世戒深矣○呂氏曰齊侯取鄆以處公也不能討季氏以正君臣大義而獨取鄆以處公其無意於善而忽遠略可知也

二十有六年春王正月葬宋元公

杜氏註三月而葬速

三月公至

自齊居于鄆

傳言魯地也○高郵孫氏曰凡公行反而告廟則書至在外雖不告而書至所以存

公也○胡氏傳昭公失國出奔而稱居于鄆者存一國之防也諸侯之於封國四境之內莫非其土非大夫所

得專也

夏公圍成

傳齊侯將納公命無受魯貨申豐從女賈以幣錦二兩縛一如瑱適齊師謂子

猶之人高齎能貨子猶為高氏後粟五千度高齎以錦示子猶子猶欲之齎曰魯人買之百兩一布以道之不通先入幣財子猶受之言於齊侯曰羣臣不盡力於魯君者非不能事君也然據有異焉宋元公為魯君如晉卒于曲棘叔孫昭子求納其君無疾而死不知天之棄魯邪抑魯君有辜於鬼神故及此也君若待于曲棘使羣臣從魯君以卜焉若可師有濟也君而繼之茲無敵矣若其無成君無辱焉齊侯從之使公子鉏帥師從公成大夫公孫朝謂平子曰有都以衛國也請我受師許之請質弗許曰信女足矣告於齊師曰孟氏魯之敝室也用成已甚請息肩于齊齊師圍成成人伐齊師之飲馬于淄者曰將以厭衆魯成備而後告曰不勝衆師及齊師戰于炊鼻○泰山孫氏曰公圍成書者見國內皆叛也○胡氏傳不書齊師者景公怵於邪說為義不終

故圍之也書公圍成則季氏之不臣昭公之不
君齊侯之不能修方伯連帥之職其裒咸具矣
秋公會

齊侯莒子邾子杞伯盟于鄆陵

傳謀納公也

公至自會居于

鄆○九月庚申楚子居卒

楚平王也

冬十月天王入于成周

傳單子如晉告急七月王次于滑晉知躒趙鞅帥師納
王十月丙申王起師于滑辛丑遂次于尸十一月辛酉
晉師克鞏召伯盈逐王子朝王子朝及召氏之族毛伯
得尹氏固南宮嚚奉周之典籍以奔楚陰忌奔莒以叛
召伯逆王于尸及劉子單子盟遂軍圍澤次于隄上癸
酉王入于成周甲戌盟于襄宮晉師使成公般戍周而
還十二月癸未王入于莊宮定五年王人殺子朝于楚
○東萊呂氏曰河南即邾鄆周武王遷九鼎周公營以
為都是為王城洛誥所謂我乃卜澗水東瀍水西惟洛
食者也洛陽周公營下都以遷殷頑民是為成周洛誥

所謂我又卜漚水東亦惟洛食者也平王東遷定都于
王城王子朝之亂其餘黨多在王城敬王畏之徙都成
周○今案左傳則冬十月入成周而十二月入王城矣
然至三十二年書城成周杜氏於是年請城成周註云
子朝之亂其餘黨多在王城敬王畏之徙都成周成周
狹小故請城之則敬王定遷乃在三十二年已城之後
也如高郵孫氏及胡氏皆以成周即京師蓋
未考王城成周實不同所而誤以為一也

尹氏召伯

毛伯以王子朝奔楚

胡氏傳取國有五利寵居一焉子
朝有寵于景王為之黨者衆矣卒

不能立至于奔楚何也是非有出於人之本心者不可
以私愛是亦不可以私惡非卒歸於公而止矣景王寵
愛子朝將斬於見是而天下不以為非徒設此心兩棄之也庶孽
於見非而天下卒不以為非徒設此心兩棄之也庶孽
憑寵為羣小之所宗而人心不附適子恃正為人心之
所向而羣小不從故伯服雖殺而平王亦不能復宗周

之盛申生已死而卓子奚齊亦不能勝里克之兵是兩
棄之也景王不鑒覆車王猛子朝之際危亦甚矣春秋
詳書為後世戒可謂深切著明也哉○何休註公羊傳
云立子朝獨尹氏出奔并舉召毛者明本尹氏為首惡
當先誅後治其黨

二十有七年春公如齊公至自齊居于鄆○夏四月吳

弑其君僚

傳吳子欲因楚喪而伐之使公子掩餘公子燭庸帥師圍潛使延州來季子聘于上國楚

莠尹然工尹麋帥師救潛吳師不能退吳公子光曰此時也弗可失也告鱄設諸曰我王嗣也吾欲求之夏四月光伏甲於堀室而享王鱄設諸寘劍於魚中以進抽劍刺王鉞交於胷遂弑王吳公子掩餘奔徐公子燭庸奔鍾吾○劉氏傳親弑僚者闔閭也其稱國以弑何稱國以弑者衆弑君之辭也闔閭弑僚則曷為以衆弑君

之辭言之謁也餘祭也夷昧也不與子國而與弟凡為
季子也季子使而亡焉僚者長庶也即之是廢讓而毀
義以成篡也國人莫說故謂之衆弑其君也○胡氏傳
諸樊兄弟以次相及必欲致國於季子而季子終不受
則國宜之光者僚惡得為君故稱國以弑者吳大臣之
辜也大臣任大事事莫大於置君矣故君存而國本定
君終而嗣子立社稷嘉靖人無間言此秉政大臣之任
伊忍之所以安商周孔明之所以定劉漢也若廢立進
退出於羣小閭寺而當國大臣不與焉則將焉
用彼相矣此春秋歸辜大臣稱國弑君之意

楚殺其

大夫卻宛

却穀梁作却○傳卻宛直而和國人說之鄢
將師為右領與費無極比而惡之令尹子常

賄而信讒無極謂子常曰子惡欲飲子酒又謂子惡令
尹欲飲酒於子氏子惡曰我賤人也不足以辱令尹令
尹將必來辱為惠已甚吾無以酬之若何無極曰令尹
好甲兵子出之吾擇焉取五甲五兵曰寘諸門令尹至

必觀之而從以酬之及饗日惟諸門左無極謂令尹曰
吾幾禍子子惡將為子不利甲在門矣令尹使視郤氏
則有甲焉不往召鄆將師而告之將師退遂令攻郤氏
且藝之子惡聞之遂自殺也令尹盡滅郤氏之族黨○
劉氏意林曰君不明故臣得專其威殺其大夫而莫之
止也不亦甚乎然而郤宛則有以取之有以取之者辟
嫌不審也辟嫌不審臯也○愚謂恃國人之悅己而無
見幾知人之明以立於無道之朝至於見殺宜矣春秋
書郤宛以為比之匪人無道不隱者之戒

秋晉士鞅宋樂祁犁衛北宮喜曹

人邾人滕人會于扈

傳會于扈今成周且謀納公也宋衛皆利納公固請之范獻子取貨

於季孫乃辭小國而以難復○胡氏曰文十五年諸侯
盟于扈將為魯討齊齊賂之而不克討故在會諸侯略
而不序今納公亦以賂故不克納而諸國之大夫皆序
何也曰利於納公宋衛之大夫也受賂而不欲納公者

獨范鞅主之爾又况成周之令行乎所以列序而不略也以此見聖人取舍之大情而輕重審矣○襄陵許氏曰士鞅謀納公而以貨解無貶辭者以今成周故也霸國不競苟有一善則為之匿諸慝而存之此春秋之所救亂也

冬十月曹伯午卒○邾快來奔○公如齊公至

自齊居于鄆

二十有八年春王三月葬曹悼公○公如晉次于乾侯

乾侯晉境內邑杜氏註在魏郡丘縣地譜今大名府成安縣東南有丘丘故城○傳公如晉將如乾侯子家子曰有求於人而即其安人孰矜之其造於竟弗聽使請逆於晉晉人曰天禍魯國君淹恤在外君亦不使一個辱在寡人而即安於甥舅其亦使逆君使公復于竟而後逆之○泰山孫氏曰公一年如齊者再皆不見禮

故如晉也公既不見禮於齊又不得入于晉其窮辱若此○任氏曰齊晉大國也皆與季氏不恤昭公中國主盟所以在此夏四月丙戌鄭伯寧卒六月葬鄭定公○秋夷狄乎

七月癸巳滕子寧卒○冬葬滕悼公

二十有九年春公至自乾侯居于鄆

杜氏註以乾侯至不得見晉侯故

齊侯使高張來唁公

傳齊侯使高張來唁公稱主君○胡氏傳遣使來唁淺事也亦書於

經者臯齊侯不能修方伯連帥之職也

公如晉次于乾侯

傳子家子曰齊卑君矣君祇辱

焉公如乾侯○許氏曰書次于乾侯復不見受也

夏四月庚子叔詣卒○秋七

月○冬十月鄆潰

杜氏註民逃其上曰潰潰散叛公○穀梁傳潰之為言上下不相得也上

下不相得則惡矣亦識公也○胡氏傳公之出奔處鄆四年民不見德亡無愛徵至于潰散豈非昏迷不反自納于罟獲陷穽之中其從者又皆父殺其民視如土芥其下不堪所以潰與然則去宗廟社稷而出奔而猶不惕然恐懼期改過以補前行之愆也自棄甚矣欲不亡得乎故書以為後世之戒

三十年春王正月公在乾侯

穀梁傳中國不存公存公故也范氏註中國猶國中

也○劉氏傳其言公在乾侯何正月以存公也曷為存公公在外也公在外久矣曷為於此乎存公居于鄆有魯也在乾侯無魯也公雖無魯魯不可無公也○常山劉氏曰書公在乾侯存公也君失其居在於乾侯而不得歸故因朝正之時而書公所在則存君父臯臣子譏諸侯之意皆可具見也○胡氏傳公去社稷於今五年每歲首月不書公者在魯四封之內則無適而非其所以至是鄆潰客寄乾侯非其所矣歲首必書公之所在

者蓋以存君不與季氏之專國也唐武氏廢遷中宗革命自立史臣列于本紀欲著其臯而君子以為非春秋之法其言曰天下者唐之天下中宗受之于其父武后安得廢之而絕先君之世復繫嗣君之年黜武氏之號自以為竊取春秋之義信矣

夏六月庚辰晉侯去疾卒○秋八月葬

晉頃公

傳夏六月晉頃公卒秋八月葬鄭游吉弔且送葬魏獻子使士景伯詰之曰悼公之喪子西弔

子矯送葬今吾子無貳何故對曰先王之制諸侯之喪士弔大夫送葬惟嘉好聘享三軍之事於是乎使卿晉之喪事敝邑之間先君有所助執紼矣若其不聞雖士大夫有所不獲數矣靈王之喪我先君簡公在楚我大夫印段實往敝邑之少卿也王冬十有二月吳滅徐徐吏不討恤所無也晉人不能詰

子章羽奔楚

羽公羊作禹○傳吳子使徐人執掩餘使鍾吾人執燭庸二公子奔楚楚子大封而

定其徙使監馬尹大心逆吳公子使居養莠尹然左司馬沈尹戌城之取於城父與胡田以與之將以害吳也子西諫曰吳光新得國而親其民視民如子辛苦同之將用之也若好吾邊疆使柔服焉猶懼其至吾又彊其讎以重怒之無乃不可乎王弗聽吳子怒冬十二月吳子執鍾吾子遂伐徐防山以水之己卯滅徐徐子章禹斷其髮攜其夫人以逆吳子吳子唁而送之使其適臣從之遂奔楚楚沈尹戌帥師救徐弗及遂城夷使徐子處之吳子問於伍員曰初而言伐楚余知其可也而恐其使余往也又惡人之有余之功也今余將自有之矣伐楚何如對曰楚執政衆而乖莫適任患若為三師以肆焉一師至彼必皆出彼出則歸彼歸則出楚必道敝亟肆以罷之多方以誤之既罷而後以三軍繼之必大克之闔廬從之楚於是乎始病○常山劉氏曰齊滅譚楚滅弦狄滅溫君奔皆不名者強暴加於小弱力不能勝而奔義未絕也訴於天子方伯則理可伸而邦可復

豈可遽絕之哉惟徐子章羽既已服吳而後奔楚則既降矣安有興復之志乎故名之以著其絕也

三十有一年春王正月公在乾侯○季孫意如會晉荀

躒于適歷

躒公羊穀梁作櫟下同○傳晉侯將以師納公范獻子曰若召季孫而不來則信不臣矣

然後伐之若何晉侯召季孫獻子使私焉曰子必來我受其無咎季孫意如會晉荀躒于適歷○陸氏微旨曰季氏逐君之臣也晉不梟之而反與之為會書曰季孫意如會晉荀躒于適歷晉侯之為盟主可見矣荀躒之為人臣可知矣此不待貶絕而惡自見者也夏四月丁巳薛伯穀卒○晉侯

使荀躒唁公于乾侯

傳季孫從知伯如乾侯子家子曰君與之歸一慙之不忍而終身慙

乎公曰諾衆曰在一言矣君必逐之荀躒以晉侯之命唁公且曰寡君使躒以君命討於意如意如不敢逃死

君其入也公曰君惠顧先君之好施及亡人將使歸糞除宗祧以事君則不能見夫人已所能見夫人者有如河荀躒掩耳而走曰寡君其臯之恐敢與知魯國之難臣請復於寡君退而謂季孫君怒未怠子姑歸祭子家子曰君以一乘入于魯師季孫必與君歸公欲從之衆從者脅公不得歸○呂氏曰齊侯唁公于野井晉侯使荀躒唁公于乾侯言大國盟主皆不能討亂無助順向正之意也

秋葬薛獻公○冬黑

肱以濫來奔

○肱公羊作弓吳氏詩補音云古弓肱同音○濫杜氏註東海昌慮縣○傳邾黑肱以

濫來奔賤而書名重地故也○襄陵許氏曰邾快黑肱相繼來奔季孫當國以類至也

十有二月

辛亥朔日有食之

三十有二年春王正月公在乾侯○取闕

杜氏註闕魯邑今案昭公

之難叔孫如闕定元年季孫使役如闕公氏將溝焉此
魯地而公取之也○呂氏曰取鄆取闕皆言公之無遠
圖求目下之利而戕其民無復國之慮也夏吳伐越傳始用師
於越也秋七月○冬

仲孫何忌會晉韓不信齊高張宋仲幾衛世叔申鄭國

參曹人莒人薛人杞人小邾人城成周

莒人下公羊穀梁有邾人○傳


秋八月王使富辛與石張如晉請城成周范獻子謂魏
獻子曰與其戍周不如城之雖有後事晉勿與知可也
冬十一月晉魏舒韓不信如京師合諸侯之大夫于狄
泉尋盟且令城成周己丑士彌牟營成周計丈數揣高
卑度厚薄仍溝洫物土方議遠邇量事期計徒庸慮材
用書餼糧以令役於諸侯屬役賦丈書以授帥而效諸
劉子韓簡子臨之以為成命○穀梁傳天子微諸侯不
享覲天子之在者惟祭與號故諸侯之大夫相帥以城

之此變之正也○愚案杜氏註子朝之亂其餘黨多在
王城敬王畏之徙都成周故請城之此乃自王城而遷
都之時故因諸大夫之城
而以成周書以紀實也
十有二月己未公薨于乾侯

傳公薨書曰公薨于乾侯言失其所也趙簡子問於史
墨曰季氏出其君而民服焉諸侯與之君死於外而莫
之或臯也對曰物生有兩有三有五有陪貳天生季氏
以貳魯侯為日久矣民之服焉不亦宜乎魯君世從其
失季氏世修其勤民忘君矣雖死於外其誰矜之社稷
無常奉君臣無常位自古以然故詩曰高岸為谷深谷
為陵三后之姓於今為庶主所知也在易卦雷乘乾曰
大壯天之道也昔成季友桓之季也文姜之愛子也有
大功於魯受費以為上卿至於文子武子世增其業不
廢舊績魯文公薨而東門遂殺適立庶魯君於是乎失
國政在季氏於此君也四公矣民不知君何以得國是
以為君慎器與名不可以假人○胡氏傳諸侯失國出

奔者多矣昭公在外八年終以客死為天下笑何也祭
仲雖專而世權不重於季氏衛侯失國猶夫人也而有
推挽之者所以雖失而復得也魯自季友受費以為上
卿至於意如專執國命四世矣其臣皆季氏之孚也其
民皆季氏之獲也而昭公有一子家駒言不見聽計不
行也不能復國宜矣故春秋詳錄其所因為後世之戒
公雖失國然每歲首月必書公在乾侯誅意如也書齊
師在乾侯公圍成鄆潰絕昭公也為人臣者觀每歲必書
成鄆潰知社稷之無常奉也亦必少警矣嗚呼可謂深
切著明者矣

春秋卷九



覆校官檢討臣李學錦

校對官庶吉士臣朱攸

謄錄監生臣程澍

欽定四庫全書薈要

經部

春秋張氏集註卷十一



欽定四庫全書薈要卷一千四百八十

經部

春秋卷十

宋 張洽 撰

定公

名宋襄公之子昭公之弟諡法安民大慮曰定

元年春王

公羊傳定何以無正月正月者正即位也定無正月者即位後也即位何以以後昭公在外

得入

不得入未可知也曷為未可知在季氏也定哀多

微辭

主人習其讀而問其傳則未知己之有辜焉爾○

穀梁傳

不言正月定無正也定之無正何也昭公之終

非正終也定之始非正始也昭無正終故定無正始也

○劉氏傳其非正始奈何定公者公子宋也昭公之弟

也昭薨于乾侯季孫逆其喪廢太子衍及務人而立公

子宋焉喪至于壞墮公子宋先入以主社稷蓋受之季

氏也非受之先君者也定無正則何以不言正月微辭

也。○今案昭公自去年十二月薨于乾侯魯國之政聽命強臣春秋不書正月所以見一國之無主而正朔之無所承也。三月晉人執宋仲幾于京師。傳正月辛巳晉魏舒合諸侯之大夫城成

周屬役于韓簡子庚寅裁宋仲幾不受功曰滕薛卽吾役也。薛宰曰宋為無道絕我小國于周以我適楚故我常從宋。晉文公為踐土之盟曰各復舊職。若從踐土若從宋亦唯命。仲幾曰踐土固然。薛宰曰薛之皇祖奚仲居薛以為夏車正。奚仲遷于邳。仲虺居薛以為湯左相。若復舊職將承王官何故以役諸侯。仲幾曰三代各異物。薛焉得有舊為宋役亦其職也。士彌年曰晉之從政者新子姑受功歸。吾視諸故府。仲幾曰縱子忘之山川鬼神其忘諸乎。士伯怒謂韓簡子曰薛徵于人宋徵于鬼宋臯大矣且已無辭而抑我以神誣我也。啓寵納侮其此之謂矣。必以仲幾為戮乃執仲幾以歸。三月歸諸京師城三旬而畢乃歸諸侯之戍。穀梁傳此大夫其

曰人何也微之也何為微之不正其執人于尊者之所也胡氏曰周官凡卿大夫之獄訟斷以邦法則大司寇之職也不告于司寇而執人于天子之側故雖以王事討有辜猶貶凡此類皆篡弑之萌履霜之漸執而書其地謹之也

夏六月癸亥公之喪至自乾侯戊辰公即位

傳叔孫成

子逆公之喪于乾侯季孫曰子家子亟言于我未嘗不中吾志也吾欲與之從政子必止之且聽命焉子家子不見叔孫易幾而哭叔孫請見子家子子家子辭曰羈未得見而從君以出君不命而薨羈不敢見叔孫使告之曰公衍公為實使羈臣不得事君若公子宋主社稷則羈臣之願也凡從君出而可以入者將唯子是聽子家氏未有後季孫願與子從政此皆季孫之願也使不敢以告對曰若立君則有卿士大夫與守龜在羈弗敢知若從君者則貌而出者入可也冠而出者行可也若羈也則君知其出也而未知其入也羈將逃也喪及壞

隕公子宋先入從公者皆自壞隕反六月癸亥公之喪
至自乾侯戊辰公即位。穀梁傳殯而後即位也定無
正見無以正也即位授受之道也先君無正終則後君
無正始也先君有正終則後君有正始也戊辰公即位
謹之也定之即位也不可察也公即位何以日也戊辰
之日然後即位也癸亥公之喪至自乾侯何為戊辰之
日然後即位也正君乎國然後即位也沈子曰正棺乎
兩楹之間然後即位也內之大事日即位君之大事也
其不日何也以年決者不以日決也此則其日何也著
之也何著焉踰年即位厲也於厲之中又有義焉未殯
雖有天子之命猶不敢况未殯而臨諸臣乎。胡氏傳
昭公之喪已越葬期猶未得反至于六月癸亥然後喪
至而定之即位乃在是月之戊辰蓋遲速進退惟意如
所制不得專也以周書顧命考之成王之崩在四月乙
丑宰臣大保即於是日命仲桓南宮毛俾爰齊侯呂伋
以二千戈虎賁百人逆王世子釗于南門之外延入翼

室宅憂為天下主不待崇朝而後定也今昭公喪至在
葬期之後公子宋自壞墮先入猶未得立是知為意如
所制不得以時定非謂正棺乎兩楹之間故定之即位
不可不察也夫即位大事也宗嗣先定則變故不生蓋
代君享國而主其祭宜戚宜懼一失幾會或萌窺伺之
心至于生變則為不孝矣古人所以貴於早定國家之
本也今昭公之薨定之即位春秋詳書于策非為後法
乃見諸行事為永鑒耳愚案季氏親逐其君暴露七月
而後反國黜適而立不正至于喪歸君立乃欲辨區區
之禮文而行之豈非所謂不能三年之喪而總小功之
察乎春秋詳書以見亂臣擅國定公不正三綱淪斃魯
之君子罔不盡傷心之時大本既失而進退舉措尚何
禮之足言哉此所

秋七月癸巳葬我君昭公

傳季孫使役如闕公

氏將溝焉榮駕鸞曰生不能事死又離之以自旌也縱
子忍之後必或恥之乃止季孫問於榮駕鸞曰吾欲為

君謚使子孫知之對曰生弗能事死又惡之以自信也將焉用之乃止秋七月癸巳葬昭公於墓道南孔子之為司寇也溝而合諸墓○呂氏曰葬必曰我君所以隆君父之恩盡忠愛之義至于此時詳味書法然後有大警動于九月大雩穀梁傳雩月雩之正也秋大雩非其臣下者

九月大雩

正也冬大雩非正也秋大雩之為

非正何也毛澤未盡人力未竭未可以雩也雩月雩之正也月之為雩之正何也其時窮人力盡然後雩雩之正也何謂其時窮人力盡是月不雨則無及矣是年不艾則無食矣是謂其時窮人力盡也雩之必待其時窮人力盡何也雩者為早求者也求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請乎應上公古之神人有應上公者通乎陰陽君親帥諸大夫道之以請馬夫請者非可詒託而往立煬宮杜氏註煬公伯禽子也必親之者也是以重之

立煬宮

也○傳昭公出故季

平子禱於煬公九月立煬宮。○愚案季氏未嘗知鬼神
之理妄禱而僭立踰祀典以立久祧之宮聖人特書必
有曾謂煬公不冬十月隕霜殺菽杜氏註周十月今八
如林放之歎矣冬十月隕霜殺菽
災。○蘓氏曰僖三十三年書隕霜不殺草今指言殺菽
何也於其不殺而言草言其廣也於其殺而言菽言其
害也

二年春王正月○夏五月壬辰雉門及兩觀災

杜氏註雉門公

宮之南門兩觀闕也天火曰災。○正義曰明堂位云庫
門天子臯門雉門天子應門是魯之雉門公宮南門之
中門也釋宮云觀謂之闕郭璞曰宮門雙闕周禮太宰
正月之吉縣治象之法于象魏使萬民觀治象鄭衆曰
象魏闕也劉熙釋名云闕在門兩旁中央闕然為道也
然則其上縣法象其狀巍然高大謂之象魏使人觀之

謂之觀也。兩觀與象魏闕一物而三名也。秋楚人伐吳。觀與雉門俱災。則兩觀在雉門之兩旁矣。傳桐叛楚。吳子使舒鳩氏誘楚人曰：「以師臨我，我伐桐。」為我使之無忌。秋楚囊瓦伐吳，師于豫章。吳人見舟于豫章，而潛師于巢。冬十月，吳軍楚師于豫章，敗之，遂圍巢。克之，獲楚公子繁。○襄陵許氏曰：「自襄三年書楚伐吳，終於人之則楚力竭矣。於是吳入郢，自昭三十二年書吳伐越，終於越再入吳。於是吳亡，楚介在南荒夷蠻相攻，不可單錄。故刪取其要如此，以為伐國之戒。七書楚伐，僅能一克于朱方，他役皆敗，無功。書伐而不書敗者，積其陵暴首兵之咎，將微之於此而後至。冬十月，于禍敗失國也。」杜氏註：「囊瓦稱人見誘以敗軍。」

新作雉門及兩觀
穀梁傳言新有故也。作為也有加其度也。劉氏意林曰：魯用王禮是以其庫門、天子臯門、雉門、天子應門而設兩觀，僭君甚矣。習舊而不知以為非觀，變而不知以為戒，無怪於季氏。

之脅其主矣此春秋之微辭至意也

三年春王正月公如晉至河乃復

程子曰季孫意如上不請命于天子下不

告于方伯而立定公故晉怒而公往朝焉

晉辭公而復故明年因會而請盟于臯鼫二月辛卯邾

子穿卒

二月公穀並作三月

夏四月○秋葬邾莊公○冬仲孫何

忌及邾子盟于拔

拔公羊作枝拔地闕○傳盟于邾修邾好也杜氏註邾即拔也

四年春王二月癸巳陳侯吳卒○三月公會劉子晉侯

宋公蔡侯衛侯陳子鄭伯許男曹伯莒子邾子頓子胡

子滕子薛伯杞伯小邾子齊國夏于召陵侵楚

召陵見僖四年

○傳蔡昭侯為兩佩兩裘以如楚獻一佩一裘于昭王昭王服之以享蔡侯蔡侯亦服其一子常欲之弗與三年止之唐成公如楚有兩肅爽馬子常欲之弗與亦三年止之唐人或相與謀請代先從者許之飲先從者酒醉之竊馬而獻之子常子常歸唐侯自拘于司敗曰君以弄馬之故隱君身棄國家羣臣請相夫人以償馬必如之唐侯曰寡人之過也二三子無辱皆賞之蔡人聞之固請而獻佩于子常子常朝見蔡侯之徒命有司曰蔡君之久也官不共也明日禮不畢將死蔡侯歸及漢執玉而沈曰余所有濟漢而南者有若大川蔡侯如晉以其子元與其大夫之子為質馬而請伐楚三月劉文公合諸侯于召陵謀伐楚也晉荀寅求貨於蔡侯弗得言于范獻子曰國家方危諸侯方貳將以襲敵不亦難乎水潦方降疾癘方起中山不服棄盟取怨無損于楚而失中山不如辭蔡侯吾自方城以來楚未可以得志祇取勤馬乃辭蔡侯晉人假羽旄于鄭鄭人與之明日

或施以會晉於是乎失諸侯。○杜氏註入楚境故書侵。○程子傳楚恃其強侵陵諸侯晉上請于天子大合諸侯以伐之而不能明暴其卑以行天討無功而還故書侵以卑之。○劉氏意林曰楚之不義甚矣晉以霸主之勢憑王命之重而不能討顧使吳乘其釁中國不振旅功近而禍遠矣不亦病乎孔子曰夷狄之有君不如諸夏之亡是所以春春于臯鼬之盟者也。○襄陵許氏曰臯鼬之盟諸侯攜矣梁丘據說錦幣而昭公不復囊瓦志于佩裘使蔡侯自絕晉士鞅以賂罷扈之盟荀寅求貨弗得沮召陵之謀故正勝于明時而賄流于衰世此晉霸之所以衰而吳之所以橫政于上國也。○今案書十八國諸侯之衆所以見其勢之足以有為也而終之以侵楚深以卑其志卑而義不勝。夏四月庚辰蔡公孫終之以無能為也而晉自此微矣。夏四月庚辰蔡公孫姓帥師滅沈以沈子嘉歸殺之。○公羊作公孫歸姓後同。○傳沈人不曾于召陵。

晉人使蔡伐之夏蔡滅沈○胡氏傳所惡於前無以先
後出乎爾者反乎爾者也蔡侯視楚猶沈視蔡也昭侯
拘於郢三年而後反非以國小而弱乎沈雖不會召陵
未有大臯惡也而恃強殺之甚矣能無公孫翩之及哉
○陸氏微旨曰書滅臯蔡也書以歸臯
沈子不死于位也言殺之又譏蔡侯也五月公及諸侯

盟于臯鼬

臯鼬公羊作浩油杜氏註許地繁昌縣東南有城臯亭○傳及臯鼬將長蔡於衛衛侯使

祝鮒私於萇弘乃長衛侯於盟○陸氏纂例曰重言諸
侯劉子不與盟也○程氏傳公以不獲見於晉故乃因
會而求盟則此盟杞伯成卒于會成公羊
公意也故書公及杞伯成卒于會作戊

公○許遷于容城

容城地闕任公輔以為華容縣亦析之近地也

秋七月公至

自會

不至以侵楚者公以得盟為幸危不在侵也

劉卷卒

杜氏註即劉蚩也○陸氏纂例畿內

諸侯不同列國故不言劉

子卷卒亦譏來赴故書之

葬杞悼公○楚人圍蔡

傳楚為沈

故圍蔡。襄陵許氏曰圍蔡不書卿帥師者見其驕暴而不自反溢而必決將敗之徵是以微之

晉士

鞅衛孔圉帥師伐鮮虞

襄陵許氏曰謀楚而不能討盟蔡而不能救則惟中山是

伐書卿與師著威勝不行於強暴而行于寡弱也○蘇氏曰昭十二年楚滅陳蔡晉人不救而伐鮮虞稱晉以

夷之今晉既不為蔡伐楚楚人圍蔡亦弗之救而於其伐鮮虞也稱晉士鞅衛孔圉何也晉雖有棄諸侯之皐

而蔡無國滅之

葬劉文公趙氏曰劉文公天子畿內諸侯列國不當與行交往之禮

今會其葬記非禮也

冬十有一月庚午蔡侯以吳子及楚人戰于

柏舉楚師敗績楚囊瓦出奔鄭

柏舉公羊作伯莒今本穀梁作伯舉○傳伍員

為吳行人以謀楚楚之殺卻宛也伯氏之族出伯州犂
之孫詔為吳太宰以謀楚楚自昭王即位無歲不有吳
師蔡侯因之以其子乾與其大夫之子為質于吳冬蔡
侯吳子唐侯伐楚舍舟于淮汭自豫章與楚夾漢左司
馬戌謂子常曰子沿漢而與之上下我悉方城外以毀
其舟還塞大隧直轅冥阨子濟漢而伐之我自後擊之
必大敗之既謀而行武城黑謂子常曰吳用木也我用
革也不可久也不如速戰史皇謂子常楚人惡子而好
司馬若司馬毀吳舟于淮塞城口而入是獨克吳也子
必速戰不然不免乃濟漢而陳自小別至于大別三戰
子常知不可欲奔史皇曰安求其事難而逃之將何所
入子必死之初臯必盡說十一月庚午二師陳于柏舉
闔廬之弟夫槩王晨請於闔廬曰楚瓦不仁其臣莫有
死志先伐之其卒必奔而後大師繼之必克弗許夫槩
王曰所謂臣義而行不待命者其此之謂也今日我死
楚可入也以其屬五千先擊子常之卒子常之卒奔楚

師亂吳師大敗之子常奔鄭。○公羊傳吳何以稱子夷狄也而憂中國蔡昭公朝于楚有美裘焉囊瓦求之昭公不與為是拘昭公于南郢數年然後歸之于其歸焉用事于河曰天下諸侯苟有能伐楚者寡人請為之前列楚人聞之怒為是興師使囊瓦將而伐蔡蔡請救于吳伍子胥復曰蔡非有辜也楚人為無道君如有憂中國之心則若時可矣於是興師而救蔡。○穀梁傳吳其稱子何也以蔡侯之以之舉其貴者也蔡侯之以之則其舉貴者何也吳信中國而攘夷狄吳進矣何以不言救也救大也。○胡氏傳晉主夏盟中國所仰若嘉穀之望兩也有請於晉如彼其難吳國天下莫強焉非諸侯之所能以也有請于吳如此其易故召陵大合諸侯而書侵楚柏舉之戰蔡用吳師特書曰以者深辜晉人保利棄義難於救蔡也然則何以不言救乎救大矣闔廬子胥宰嚭皆懷謀楚之心蔡人往請會逢其適非有救災恤隣從簡書憂中國之實也聖人道大德宏樂與人

為善故因其從蔡特進而書爵囊瓦貪以敗國又不能
死可賤甚矣故記其出奔於其戰也特貶而稱人春秋
之情
庚辰吳入郢
五戰及郢已卯楚子取其妹季芊畀
見矣
我以出庚辰吳入郢以班處宮子山處令尹之宮夫槩
王欲攻之懼而去之夫槩王入之楚子涉睢濟江入于
雲中盜攻之王奔鄖鄖公辛與其弟巢以王奔隨初伍
負與申包胥友其亡也謂申包胥曰我必復楚國申包
胥曰勉之子能復之我必能興之及昭王在隨申包胥
如秦乞師曰吳為封豕長蛇以荐食上國虐始于楚寡
君失守社稷越在草莽使下臣告急曰夷德無厭若隣
於君疆場之患也逮吳之未定君其取分焉若楚之遂
亡君之土也若以君靈撫之世以事君秦伯使辭焉曰
寡人聞命矣子姑就館將圖而告對曰寡君越在草莽
未獲所伏下臣何敢即安立于庭牆而哭日夜不絕聲
勺飲不入口七日秦哀公為之賦無衣九頓首而坐秦

師乃出五年夏秦子蒲子虎帥車五百垂以救楚子蒲
曰吾未知吳道使楚人先與吳人戰而自稷會之大敗
夫槩王于沂吳人獲遠射于柏舉其子帥奔徒以從子
西敗吳師於軍祥秋七月子期子蒲滅唐吳師敗楚師
于雍澁秦師又敗吳師吳師居麋子期焚之又戰吳師
敗又戰於公壻之谿吳師大敗吳子乃歸○公羊傳吳
何以不稱子反夷狄也○穀梁傳何以謂之吳也狄之
也何謂狄之也壞宗廟徙陳器撻平王之墓君居其君
之寢而妻其君之妻大夫居其大夫之寢而妻其大夫
之妻蓋有欲妻楚王之母者不正垂敗人之績而深為
利居人之國故反其狄道也○胡氏傳聖人誰毀誰譽
救災恤鄰則進而書爵非有心于與之順天命也垂約
肆淫則黜而舉蹠非有心於貶之奉天討也伐國者固
將拯民于水火之中而鳩集之耳殺其父兄係其子弟
毀其宗廟遷其重器而亂男女之配也如水益深如火
益熱則善小而惡大功不足以掩之矣聖人心無毀譽

如鏡之無妍醜也因事物善惡而施褒貶焉不期公而自公爾明此而後可以司賞罰之權矣

五年春王三月辛亥朔日有食之

三公羊作正

夏歸粟于蔡

傳歸粟于蔡以周亟矜無資○穀梁傳諸侯無粟諸侯相歸粟正也孰歸之諸侯也不言歸之者專辭也義通也○胡氏曰二傳皆稱諸侯歸蔡粟其略而不序何也蔡為楚人所困則環視而不能救吳既破楚入郢解蔡圍矣然後相率而歸之粟非救災恤鄰從簡書於越入之道也故特書魯而不序諸侯見其事之末矣

吳傳吳在楚也○劉氏傳於越者何於越者其自稱者也越者中國稱之者也六月丙申季

孫意如卒

傳季平子卒陽虎將以璆璫斂仲梁懷弗與曰改步改玉陽虎欲逐之告公山不狃不狃

曰彼為君也子何怨焉既葬桓子行東野及費子洩為費宰逆勞于郊桓子敬之勞仲梁懷仲梁懷弗敬子洩

怒謂陽虎子行之乎九月乙亥陽虎囚季桓子及公父
文伯而逐仲梁懷冬十月丁亥殺公何藐已丑盟桓子
于稷門之內庚寅大誚逐公父歆及秦遄皆奔齊○劉
氏傳意如逐君死何以卒之或曰定之大夫也或曰不
嫌也有待貶絕而卑惡見者貶絕以見卑惡也有不待
貶絕而卑惡見者不貶絕以見卑惡也○意林曰意如
親逐其君而卒之其異于翬何也曰以定公為君則不
得不以意如為大夫孰有大夫卒而君不為之變者乎
夫意如之逐昭公也明翬遂之弑君也隱而叔仲惠伯
之蔽惡也未形春秋固有不待貶絕而卑惡見此之謂
也且夫意如之卑固著矣及其卒也而絕之則其著不
亦彌信乎而春秋弗為也以謂定不書正月適足以見
定之非正而猶未足以見其受國于季氏故於是復明
意如為定之大夫也使定公誠能明君臣之義不賞私
勞討先君之賊致季氏之誅則意如不免矣故雖逆取
而順守之猶賢乎已今一不然苟於利而忘其辱幸於

禍而忘其讐謂意如定
之大夫也不亦宜乎

秋七月壬子叔孫不敢卒。冬

晉士鞅帥師圍鮮虞

傳三年秋鮮虞人敗晉師于平中獲晉觀虎恃其勇也五年冬晉士

鞅圍鮮虞報觀虎之敗也。襄陵許氏曰晉始以土地之故與鮮虞睽咎不在鮮虞也而晉不自反縱兵橫加而不能服則又圍之兵益忿義益不勝君子是以惡晉也

六年春王正月癸亥鄭游速帥師滅許以許男斯歸

速公

羊作邈後同。傳鄭滅許因楚敗也。○今案許自隱十一年齊魯鄭之入至今年大抵困于與鄭為鄰至成十五年遷葉之後又畏鄭而遷也定四年方自析遷容城以依楚不數年楚困于吳鄭遂滅之然自哀元以後許復見者楚又存之也大岳之後其亡一見害于鄭其存一恃於楚不過百年韓遂滅鄭亦有由也二月

公侵鄭公至自侵鄭

傳周儋翩率王子朝之徒因鄭人將以作亂于周鄭于是伐馮滑胥

靡負黍狐人闕外六月晉閻沒戌周且城胥靡冬天王

處于姑蕕避亂也公侵鄭取匡為晉討鄭之代胥靡也

往不假道于衛及還陽虎使季孟自南門入出自東門

衛侯怒使彌子瑕追之公叔文子老矣輦而如公曰尤

人而效之非禮也天將多陽虎之臯以斃之君姑待之

若何乃止○愚謂奉晉命以討鄭之黨亂人正也然陪

臣方執國命使衛侯不聽公叔

文子之言魯師危矣故致之

夏季孫斯仲孫何忌如

晉傳季桓子如晉獻鄭俘也陽虎強使孟懿子往報夫

人之幣晉人兼享之孟孫立于房外謂范獻子曰陽

虎若不能居魯而息肩於晉所不以為中軍司馬者有

如先君獻子曰寡君有官將使其人鞅何知焉獻子謂

簡子曰魯人患陽虎矣孟孫知其釁以為必適晉故強

為之請以取入焉○劉氏意林陽虎陪臣也而執國命

欲蕩覆公室以自封久矣事不成故竊寶玉大弓以逃
春秋本其禍之所構自二子之使夫以二子之力專國
擅君而陽虎能制之方復為之請于霸

秋晉人執宋行

主之國此其無所忌必為亂之效也

人樂祁犁傳宋樂祁言於景公曰諸侯唯我事晉今使

使子往他日公謂樂祁曰唯寡人說子之言子必往陳
寅曰子立後而行吾室亦不亡唯君亦以我為知難而
行也見溷而行趙簡子逆而飲之酒於縣上獻楊楸六
十於簡子陳寅曰昔吾主范氏今子主趙氏又有納焉
以楊楸賈禍弗可為也已然子死晉國子孫必得志於
宋范獻子言于晉侯曰以君命越疆而使未致使而私
飲酒不敬二君不可不討也乃執樂祁○謹案諸侯唯
宋事晉懼討而遣使善逆以懷之猶懼不來而大夫瀆
貨賄爭權利卒使來者見執叛者得志書此所以著晉
之亂政亟行霸統所由絕也○胡氏曰使范趙方睦皆

有獻焉則弗執之矣執異國行人出于列卿私意戚柄不復在其君矣三卿分晉而靖公廢為家人豈一朝一夕之故哉冬城中城○季孫斯仲孫忌帥師圍鄆杜氏註何闕文鄆貳於齊故圍之

七年春王正月○夏四月○秋齊侯鄭伯盟于鹹傳齊

伯盟于鹹徵會于衛○襄陵許氏曰霸道隳諸侯散離盟始復志此蓋自是中國無殷會矣齊鄭之盟叛晉也

齊人執衛行人北宮結以侵衛齊侯衛侯盟于沙公羊作沙

澤杜氏註陽平元城縣東南有沙亭○案元城今屬大名府○傳衛侯欲叛晉諸大夫不可使北宮結如齊而私于齊侯曰執結以侵我齊侯從之乃盟于瑣○襄陵許氏曰齊衛之盟叛晉也晉定之季鄭獻衛靈叛而從

齊齊可以伯而景不足望也。○劉氏意林善為國者親近而遠信之附內而外歸之衛侯欺其羣臣以給晉殘其百姓以奉齊齊之執結也固非伯討矣而衛之無良又甚焉從此觀之孟子曰今之諸侯五霸之皐人也不亦信乎
大雩○齊國夏帥師伐我西鄙

傳齊國夏伐我陽虎御季桓子公歛

處父御孟懿子將宵軍齊師齊師聞之墮伏而待之處父曰虎不圖禍而必死苦夷曰虎陷二子於難不待有司余必殺女虎懼乃還不敗。○蘇氏曰魯事晉而齊叛之故伐我。○襄陵許氏曰東夏諸侯惟魯事晉故齊伐之景公棄晉之衰不思惟德之務以懷諸侯而欲力征經營以定霸統是知時之或可而不知己之不可者也
九月大雩○冬十月

八年春王正月公侵齊

傳公侵齊門于陽州士皆坐列曰顏高之弓六鈞皆取而傳觀

之陽州人出顏高奪人弱弓籍丘子鉏擊之與一人俱斃偃且射子鉏中頰殪顏息射人中眉退曰我無勇吾志其目也師退冉猛偽傷足而先其兄會乃呼曰猛也殿。謹案魯陽虎用事無軍政用兵無法故以假書之

公至自侵齊

軍政不立公之親行致以危之

二月公侵齊三月公至自

侵齊

傳公侵齊攻廩丘之郭。泰山孫氏曰公一歲而再侵齊以重其怨甚矣

曹伯露卒。

夏齊國夏帥師伐我西鄙

傳齊國夏高張伐我西鄙。襄陵許氏曰春秋內伐二十

宣以後九內侵七宣以後六伐我二十一宣以後十七侵我五宣以後一用兵則侵多而伐少被兵則伐多而侵少蓋魯自中世衰矣而欲與齊構怨以侵易伐其能久乎

公會晉師于瓦公至自

瓦

瓦衛地杜氏註東郡燕縣東北有瓦亭今滑州白馬縣。傳晉士鞅趙鞅荀寅救我公會晉師于瓦范獻

子執羔趙簡子中行文子皆執雁魯於是乎始尚羔。胡氏傳案左氏晉士鞅趙鞅荀寅救魯則其書公會晉師何也春秋大法雖師次于君而與大夫敵至用大衆則君與大夫皆以師為重而不敢輕也故裴林之會不言趙盾而言晉師瓦之會書晉師而不書士鞅於以見人臣不可取民有衆專主兵權之意陳氏厚施于齊以移其國季氏盡征于魯以奪其民皆王法所禁也春秋之義行則不得為爾矣

秋七月戊辰陳

侯柳卒。晉士鞅帥師侵鄭

士公羊作趙

遂侵衛

傳晉師將盟衛侯于

鄭澤趙簡子曰羣臣誰敢盟衛君者涉佗成何曰我能盟之衛人請執牛耳成何曰衛吾溫原也焉得視諸侯將軟涉佗拔衛侯之手及扞衛侯怒王孫賈趨進曰盟以信禮也有如衛君其敢不唯禮是事而受此盟也衛侯欲叛晉而患諸大夫王孫賈使次于郊大夫問故公以晉詬語之且曰寡人辱社稷其改卜嗣寡人從焉大

夫曰是衛之禍豈君之過也公曰又有患焉謂寡人必
以而子與大夫之子為質大夫曰苟有孟也公子則往
羣臣之子敢不皆負羈絏以從將行王孫賈曰苟衛國
有難工商未嘗不為患使皆行而後可公以告大夫乃
皆將行之行有日公朝國人使賈問焉曰若衛叛晉晉
五伐我病何如矣皆曰五伐我猶可以能戰賈曰然則
如叛之病而後質焉何遲之有乃叛晉晉人請改盟弗
許秋晉士鞅會成桓公侵鄭圍蟲牢報伊闕也遂侵衛
○襄陵許氏曰招携以禮懷遠以德鹹沙之盟諸侯已
貳晉不思德禮之是務而欲恃力攘服則失霸何日之
有報伊闕云

者假王命也 葬曹靖公○九月葬陳懷公○季孫斯仲

孫何忌帥師侵衛

傳師侵衛晉故也

冬衛侯鄭伯盟于曲濮

曲濮

衛地杜氏從祀先公

杜氏註從順也先公閔公僖公也

註叛晉也

將正二公之位次所順非一親盡

故通言先公。公羊傳從祀者何順祀也。文公逆祀去者三人。定公順祀。叛者五人。○劉氏傳從者何順也。其祀何禘也。禘則曷為不言禘。譏何譏。爾從祀先公正也。所以從祀先公則非正也。其非正奈何。陽虎專季氏季氏專魯陽虎欲去三桓而代之。從祀先公以說焉。非能正者也。雖通其義。君子不與也。盜竊寶玉

大弓

杜氏註盜謂陽虎也。家臣賤故曰盜。寶玉夏后之璜。大弓封父之繁弱。○傳季寤公鉏極。公山不狃

皆不得志于季氏。叔孫輒無寵於叔孫氏。叔仲志不得志于魯。故五人因陽虎陽虎欲去三桓以季寤更季氏以叔孫輒更叔孫氏已更孟氏冬十月順祀先公而祈馬辛卯禘于僖公壬辰將享季氏于蒲圃而殺之戒都車曰癸巳至成宰公斂處父告孟孫曰季氏戒都車何故孟孫曰吾弗聞處父曰然則亂也必及於子先備諸與孟孫以壬辰為期陽虎前驅林楚御桓子虞人以鉞盾夾之陽越殿將如蒲圃桓子咋謂林楚曰而先皆季

氏之良也。爾以是繼之。對曰：臣聞命後，陽虎為政，魯國服焉。違之，徵死死，無益于主。桓子曰：何後之有？而能以我適孟氏乎？對曰：不敢愛死，懼不免。主桓子曰：往也。孟氏選圍人之壯者三百人，以為公期。築室于門外，林楚怒焉。及衢而騁，陽虎越射之不中。築者闔門，有自門間射陽越，殺之。陽虎劫公與武叔，以伐孟氏。公斂處父帥成，人自上東門入，與陽氏戰于南門之內，弗勝。又戰于棘下，陽氏敗。陽虎說甲如公宮，取寶玉大弓，以出舍于五父之衢，寢而為食。其徒曰：追其將至。虎曰：魯人聞余出，喜于徵死，何暇追余？從者曰：嘻，速駕。公斂陽在，公斂陽請追之。孟孫弗許。陽欲殺杞子，孟孫懼而歸之。子言辨舍爵于季氏之廟，而出。陽虎入于謹陽，闕以叛。○公羊傳：盜者孰謂謂陽虎也？陽虎者，曷為者也？季氏之宰也。季氏之宰則微者也，惡乎得國寶而竊之？陽虎專季氏。季氏專魯國寶者，何璋判白弓，繡質龜青純。○蘇氏曰：陽虎將殺季孫斯，不勝而出，取寶玉大弓于公宮以行。

其稱盜陪臣也。寶王大弓魯之分器也。所謂夏后之璜封父之繁弱是時陽虎以鄆謹龜陰叛奔齊十年侯犯以邱叛及昭十二年南蒯以費叛皆以賤不書其書竊寶王大弓何也。分器重于地也。分器重于地者賤貨而貴命也。○常山劉氏曰寶王大弓天子所錫先君之分器藏之于國子孫世世保之不可失墜而為盜所竊國慢無政可知矣。故書竊以志不恭之大也。

九年春王正月○夏四月戊申鄭伯蠆卒

蠆公羊作蠆

○得

寶王大弓

傳陽虎歸寶王大弓魯伐陽闕陽虎使焚萊門師驚犯之而出奔齊請師以伐魯曰三加

必取之齊侯將許之鮑文子諫曰魯免其疾而君又收之無乃害乎齊侯執陽虎虎遂奔晉適趙氏仲尼曰趙氏其世有亂乎○公羊傳何以書國寶也喪之書得之書○胡氏傳穀梁子曰寶王封圭大弓武王之戎弓周

公受賜藏之魯子孫世守罔敢失墜以昭先祖之德存
肅敬之心耳古者告終易代弘璧琬琰天球夷玉允之
戈和之弓垂之竹矢莫不陳列非直為美觀也先王所
寶傳及其身能全而歸之則可以免矣魯失其政陪臣
擅權雖先公分器猶不能守而盜得竊諸公宮其能國
乎故失之書得之書所以譏公與執政之臣見不恭之
大也此義行則有天下國家

六月葬鄭獻公○秋齊侯

衛侯次于五氏

杜氏註五氏晉地○傳齊侯伐晉夷儀
克之晉車千乘在中牟衛侯將如五氏

卜過之龜焦衛侯曰可也衛車當其半寡人當其半敵
矣乃過中牟中牟人欲伐之衛褚師圃亡在中牟曰衛
雖小其君在焉未可勝也齊師克城而驕其帥又賤遇
必敗之不如從齊乃伐齊師敗之齊侯致襦媚杏于衛
○任氏曰此伐晉也不書伐而書次者晉實大國未敢
輕伐始盟于沙中次于五氏又次于垂葭至哀公元年

而後伐其欲有所逞也久矣

秦伯卒冬葬秦哀公

襄陵許氏曰秦自晉悼以後寢不見

于春秋則知秦益退保西戎軍旅禮聘之事不交于中國矣

十年春王三月及齊平

杜氏註平前八年再侵齊之夏怨○呂氏曰及齊平我志也

公會齊侯于夾谷公至自夾谷

夾公羊穀梁作賴○夾谷魯地漢東海祝其縣

有夾山今海州懷仁縣○傳公會齊侯于祝其實夾谷孔丘相犂彌言于齊侯曰孔丘知禮而無勇若使萊人以兵劫魯侯必得志焉齊侯從之孔丘以公退曰士兵之兩君合好而裔夷之俘以兵亂之非齊君所以命諸侯也裔不謀夏夷不亂華俘不干盟兵不偪好于神為不祥于德為愆義于人為失禮君必不然齊侯聞之遽辟之將盟齊人加于載書曰齊師出竟而不以甲車三百乘從我者有如此盟孔丘使茲無還揖對曰而不反

我汶陽之田吾以共命者亦如之齊侯將享公孔丘謂
梁丘據曰齊魯之故吾子何不聞焉事既成矣而又享
之是勤執事也且犧象不出門嘉樂不野合饗而既具
是棄禮也若其不具用秕稗也用秕稗君辱棄禮名惡
子盍圖之夫享所以昭德也不昭不如其已也乃不果
享○穀梁傳其致何也危之也其危之奈何頗谷之會
孔子相馬兩君就壇兩相相揖齊人鼓譟而起欲以執
魯君孔子歷階而上不盡一等而視歸乎齊侯曰兩君
合好夷狄之民何為來為命司馬止之齊侯逡巡而謝
曰寡人之過也退而屬其二三大夫曰夫人率其君與
之行古人之道二三子獨率我而入夷狄之俗何為罷
會齊人使優施舞于魯君之幕下孔子曰笑君者臯當
死使司馬行法焉首足異門而出齊人來歸鄆讎龜陰
之田者蓋為此也因是以見雖有文事必有武備孔子
于頗谷之晉趙鞅帥師圍衛傳報夷儀也反役晉人討
會見之矣衛之叛故曰由涉佗成何

於是執涉佗以求成於衛衛人不許晉人遂殺涉佗。襄陵許氏曰使晉有以服齊則衛可無用兵而服也。今圍衛而不能服則徒以齊人來歸鄆謹龜陰田穀梁田上堅齊之從而已矣。

杜氏註三邑皆汶陽田也泰山博縣北有龜山陰田在其北也任公輔曰桓三年謹杜氏以為魯地濟北蛇丘縣有謹亭而汶水經濟北至東平須昌入濟鄆即昭公時齊取以居公者至是并以還魯二邑與龜陰俱在汶水北龜山今在泗水東北七十里。公羊傳齊人曷為來歸鄆謹龜陰田孔子行乎季孫三月不違齊人為是來歸之。史記孔子世家會于夾谷孔子却萊人誅倡優景公懼而動知義不若歸而大恐告其羣臣曰魯以君子之道輔其君而子獨以夷狄之道教寡人得臯于魯君為之奈何有司進對曰君子有過則謝以質小人侵魯之鄆汶陽龜陰之田以謝過。程氏傳齊侯乃歸所

來歸之故書來歸。胡氏傳齊桓以義責楚而楚人叔來盟夫子以禮責齊而齊人歸地皆書曰來序績也。

孫州仇仲孫何忌帥師圍郕

郕叔孫氏邑任公輔曰地譜東平無鹽縣東南有郕

鄉無鹽在今鄆州須城縣東。傳初叔孫成子欲立武

叔公若藐固諫曰不可成子立之而卒公若為郕宰武

叔既定使郕馬正侯犯殺公若弗能使其圍人殺之侯犯以郕叛武叔懿子圍郕弗克。

秋叔孫州

仇仲孫何忌帥師圍郕

郕公羊作費誤也。傳二子及齊師復圍郕弗克叔孫謂郕工

師駟赤曰郕非惟叔孫氏之憂社稷之患也將若之何對曰臣之業在揚水卒章之四言矣叔孫稽首駟赤與

郕人為之宣言于郕中曰侯犯將以郕易于齊齊人將遷郕民衆兇懼駟赤將射之侯犯止之曰謀免我侯犯

請行許之駟赤止而納魯人侯犯奔齊齊人乃致郕。胡氏傳侯犯以郕叛不書于策書圍郕則叛可知矣再

書二卿帥師圍郕則強亦可知矣天子失道征伐自諸侯出而後大夫強諸侯失道征伐自大夫出而後家臣強其逆彌甚則其失彌速故自諸侯出十世希不失矣自大夫出五世希不失矣陪臣執國命三世希不失矣三家專魯為日既久至是家臣爭叛亦其理宜矣春秋制法本忠恕施諸已而不願亦勿施諸人故所惡于上不以使下所惡於下不以事上二子知傾公室以自張而不知家隸之擬其後也凡此類皆據事直書深切著明

宋樂大心出奔曹

傳九年春宋公使樂大心盟于晉且逆樂祁之尸辭偽有疾乃

也
使向巢如晉且逆子梁之尸子明謂桐門右師出曰吾猶哀經而子擊鐘何也右師曰喪不在此故也既而告人曰已哀經而生子余何故舍鍾子明聞之怒言于公曰右師將不利戴氏不肯適晉將作亂也不然無疾乃逐桐門
右師
宋公子地出奔陳
地公羊作池。傳宋公子地有白馬四公嬖向魍魎欲之

公取而朱其尾鬣以與之地怒使其徒扶魍而奪之魍懼將走公閉門而泣之目盡腫母弟辰曰子為君禮不過出竟君必止子公子地出奔陳公弗止辰為之請弗聽辰曰是我廷吾兄也吾以國人出君誰與處冬母弟辰暨仲佗石屬鄆州平陰縣冬齊侯衛侯鄭游速會于安甫安甫公羊作鞏○安甫齊地案地譜今叔孫州仇如齊杜氏註謝致邱也宋

公之弟辰暨仲佗石彊出奔陳

公羊穀梁暨下有宋字劉氏傳暨者何及也

猶暨暨也蓋強脅之也○胡氏傳其弟云者臯宋公以嬖難故而失二弟無親親之恩暨云者臯辰以兄故帥其大夫出奔無尊君之義夫暨者不得已之辭又以見仲佗石彊見脅於辰不能自立無大臣之節

十有一年春宋公之弟辰及仲佗石彊公子地自陳入

于蕭以叛

穀梁傳入者內弗受也以者不以者也叛直

之及及非不得已之言也得已而不已也君親無將而誅焉又况據邑以伐其君者乎其皐一施之

夏

四月○秋宋樂大心自曹入于蕭

傳宋公母弟辰暨仲佗石彊公子地入于

蕭以叛秋樂大心從之大為宋患寵向魍故也○胡氏傳四卿在蕭以叛而大心自曹從之其叛可知矣故不書叛而曰入于蕭入逆辭也書自陳自曹者結鄰國以入叛陳與曹之皐亦著矣

冬及鄭平叔

還如鄭泣盟

傳及鄭平始叛晉也○杜氏註平六年侵鄭取匡之怨○襄陵許氏曰夫晉之為晉

自若也定亦未有他惡而諸侯離心焉者政在多門貨賄讒慝汨昏其間則無以令天下極於執樂祁也

十有二年春薛伯定卒夏葬薛襄公○叔孫州仇帥師

墮郈

傳仲由為季氏宰將墮三都于是叔孫氏墮郈○謹案墮毀也毀其所恃以為固者所以制陪臣抑

私家而復強幹弱枝之勢也仲由之舉此議蓋因南蒯侯犯之叛而為三家忠謀使強臣不敢恃強以叛君陪臣不敢負固以跋扈而上下皆順然侯犯南蒯皆以叛為季氏叔氏之害故費郈皆墮獨公斂處父方恃強以敗陽虎而孟孫用之故二邑雖墮而成獨不服雖定公圍之而卒不克也聖人雖用于魯而季氏三月之餘受女樂而違孔子孟孫惑于偽不知之說陰與公斂處父比成既方命而聖人去魯豈非天哉所以墮都之謀終於圍成而

衛公孟彊帥師伐曹

傳衛公孟彊伐曹克郊

季孫斯仲

孫何忌帥師墮費

傳季氏將墮費公山不狃叔孫輒帥費人以襲魯公與三子入于季氏之

宮登武子之臺費人攻之弗克入及公側仲尼命申句須樂頤下伐之費人北國人追之敗諸姑蔑二子奔齊

遂墮費。○公羊傳曷為帥師墮邱墮費。孔子行乎季孫三月不違曰。家不藏甲邑無百雉之城。於是帥師墮邱帥師墮費雉者何。五板而堵五堵而雉百雉而城。○常山劉氏曰。禮曰制國不過千乘都城不過百雉家富不過百乘以此防民諸侯猶有叛者孔子曰。祿之去公室五世矣政逮于大夫四世矣故夫三桓之子孫微矣費也邱也成也三家之邑也政在大夫三家越禮各固其城數有叛者故三家亦不能制也至屢圍而不克帥師而後墮成強而不服公圍而不克有天下而不謹于禮末流之患可勝言哉。○胡氏曰三都之墮是謂以禮為國可以為之兆也推而行之魯國而準則地方五百里凡侵小而得者必有興滅國繼絕世之義諸侯大夫各謹於禮不以所惡于上者使下亦不以所惡于下者事上上下下交相順而王政行矣故曰苟有用我者期月而可三年有成。秋大雩。○冬十月癸亥公會齊侯盟于黃。○齊公羊作

晉誤也。○黃齊地。
杜氏註盟結叛晉。

十有一月丙寅朔日有食之。○公

至自黃。○十有二月公圍成公至自圍成。

傳將墮成公斂處父謂孟

孫墮成齊人必至于北門且成孟氏之保障也無成是無孟氏也子偽不知我將不墮冬十二月公圍成弗克。○蘇氏曰或曰昭公將去季氏而失國孔子為魯而墮三都亦幾於亂孔子之為是何也曰昭公之去季氏而失國失民故也魯君之失民與三桓之得民久矣故將以治魯而不得三桓不可為也能得三桓而道之以禮魯猶可治也孔子為魯而仲由為季氏宰三家從之矣其不從者其家臣也家臣未能得魯之衆也雖其不從不能為患此孔子所以墮三都而無疑也。○胡氏傳按是年圍成弗克越明年孔子由大司寇攝相事然後誅少正卯與聞國政三月而商賈信於市男女別于途及齊人餽女樂孔子遂行然則圍成之時仲尼雖用事未

能專得魯國之政也。成雖未墮，無與為比，亦不能為患。使聖人得志行乎魯國，以及暮月，則不待兵革而自墮矣。

十有三年春，齊侯、衛侯次于垂葭。

葭，公羊作瑕，穀梁無。衛侯字。杜氏註：垂

葭一名鄆氏，高平鉅野縣有鄆亭，今屬濟州。傳：齊侯衛侯次于垂葭，實鄆氏。使師伐晉，將濟河。諸大夫皆曰：『不可。』邴意茲曰：『可。』銳師伐河內，傳必數日而後及絳。絳不三月不能出河，則我既濟水矣。乃伐河內。杜氏註：二君將使師伐晉。夏，築蛇淵囿。襄陵許氏曰：魯政不修，而非時勤民，築囿奉已。次垂葭，以為之援。

而已，志不及國也。夫圍成，弗克歸而力此何振之有。大蒐于比蒲。○衛公孟彊帥

師伐曹。○秋，晉趙鞅入于晉陽，以叛。

晉陽，唐曰太原府本朝并州。傳：趙

鞅謂邯鄲午曰歸我衛貢五百家吾舍諸晉陽午許諾
歸告其父兄父兄皆曰不可衛是以爲邯鄲而寘諸晉
陽絕衛之道也不如侵齊而謀之乃如之而歸之于晉
陽趙孟怒召午而囚諸晉陽使其從者說劍而入涉賓
不可乃使告邯鄲人曰吾私有討于午也二三子唯所
欲立遂殺午趙稷涉賓以邯鄲叛夏六月上軍司馬籍
秦圍邯鄲邯鄲午荀寅之甥也荀寅范吉射之姻也而
相與睦故不與圍邯鄲將作亂董安于聞之告趙孟曰
先備諸趙孟曰晉國有命始禍者死爲後可也安于曰
與其害于民寧我獨死請以我說趙孟不可秋七月范
氏中行氏伐趙氏之宮趙鞅奔晉陽晉人圍之○微旨
趙氏曰趙鞅之入晉陽拒范中行也而書曰叛人臣不
當專土也冬晉荀寅士吉射入于朝歌以叛及字○朝歌晉
地衛州衛縣西有朝歌城南有牧野○傳范臯夷無寵
于范吉射而欲爲亂于范氏梁嬰父嬖于知文子文子

欲以為卿韓簡子與中行文子相惡魏襄子亦與范昭子相惡故五子謀將逐荀寅而以梁嬰父代之逐范吉射而以范臯夷代之荀躒言于晉侯曰君命大臣始禍者死載書在河今三臣始禍而獨逐鞅刑已不鈞矣請皆逐之冬十一月荀躒韓不信魏曼多奉公以伐范氏中行氏弗克二子將伐公齊高彊曰三折肱知為良醫唯伐君為不可民弗與也我以伐君在此矣三家未睦可盡克也克之君將誰與若先伐君是使睦也弗聽遂伐公國人助公二子敗從而伐之丁未荀寅士吉射奔朝歌○胡氏傳晉主夏盟威服天下及大夫專政賄賂公行內外離析示威平丘而齊叛辭請召陵而蔡叛盟于沙鹹而鄭叛次于五氏而衛叛泣盟于鄭會于夾谷軟于黃而魯叛諸侯叛于外大夫叛于內故奔于晉陽而趙鞅叛入于朝歌而荀寅士吉射叛以晉國之大天下莫強焉邦分崩而不能守也春秋于晉事或略而不序或賤而稱人或書侵以陋之責亦備矣至是三卿內

叛直書于策見其效也故滅哀伯曰國家之敗由官邪也官之失德寵賂章也晉卿始禍緣衛貢也樂祁見執獻楊楯也蔡侯從吳荀寅貨也昭公弗納范鞅賂也而晉室自是不復能主盟矣故為國以義不以利春秋之大法在焉見諸行事

晉趙鞅歸于晉

傳韓魏以趙氏為請十二月辛未趙

鞅入于絳盟于公宮。蘇氏曰鞅寅吉射以無援故終叛春秋無所也鞅以有助故得復寅吉射以無援故終叛春秋無所與也鞅之言歸寅吉射既出則無難也。胡氏傳叛逆人臣之大惡始禍晉國之載書既不能致辟于鞅奉行天討以警亂臣又亢不衷徇韓魏之

薛弒其君比

胡氏傳稱

國以弒者當國大臣之臯也

十有四年春衛公叔戌來奔衛趙陽出奔宋

衛公羊穀梁作晉○

傳初衛公叔文子朝而請享靈公退見史鰌而告之史鰌曰子必禍矣子富而君貪臯其及子乎文子曰然吾不先告子是吾臯也君既許我矣其若之何史鰌曰無害子臣可以免富而能臣必免于難上下同之成也驕其亡乎文子卒衛侯始惡于公叔成以其富也公叔成又將去夫人之黨夫人愬之曰成將為亂十四年春衛侯逐公叔成與其黨故趙陽奔宋成來奔○胡氏傳衛侯不能正家以喪其大臣成又以富見惡于衛侯夫富者怨之府也使成積而能散以財發身不為貪人之所怨于以保其爵位儻庶幾乎

二月辛巳楚

公子結陳公孫佗人帥師滅頓以頓子牂歸

二月公羊作三月公

孫公羊作公子牂作牂○傳頓子牂欲事晉背楚而絕陳好二月楚滅頓○啖氏曰凡書滅又書以歸及名者臯重于奔者也既責其不死

夏衛北宮結來奔

傳北宮結來奔

公叔戌之故也

五月於越敗吳于檣李吳子光卒

○檣公羊作醉

杜氏註吳郡嘉興縣南醉李城今為秀州治所。傳吳伐越越子勾踐禦之陳于檣李勾踐患吳之整也使死士再禽焉不動使皐人三行屬劍于頸遂自剄師屬之目越子因而伐之大敗之靈姑浮以戈擊闔廬闔廬傷將指取其屨還卒于陘去檣李七里夫差使人立于庭苟出入必謂已曰夫差而忘越王之殺而父乎則對曰唯不敢忘三年乃報越哀公元年吳王夫差敗越于夫椒報檣李也遂入越越子以甲楯五千保于會稽使大夫種因吳太宰嚭以行成吳子將許之伍員曰不可臣聞之樹德莫如滋去疾莫如盡勾踐能親而務施施不失人親不棄勞與我同壤而世為仇讐于是乎克而弗取將又存之違天而長寇讐後雖悔之不可食已姬之衰也日可俟也介在蠻夷而長寇讐以是求霸必不行矣弗聽退而告人曰越十年生聚而十年教訓二十

年之外吳其為沼乎三月越及吳平。胡氏傳書敗者詐戰也。定公五年於越入吳至是敗吳于檇李。會黃池之歲越又入吳。悉書于史以其告也。哀之元年吳子敗越棲勾踐于會稽之上。豈獨不告而史冊不書疑仲尼削之也。吳子光卒夫差使人立于庭。苟出入必謂已曰而忘越王之殺而父乎。則對曰唯三年乃報越。然則夫椒之戰復父讐也。非報怨也。春秋公會齊侯衛侯于牽削而不書以為常事也。其旨微矣。公會齊侯衛侯于牽。公羊作堅。杜氏註魏郡黎陽縣東北有牽城。公至自會。傳晉人圍朝歌。公上梁之間謀救范中行氏。○愚謂齊景公欲求霸誅晉之亂臣以正其國可也。當是時孔子已去魯故會齊衛合謀救范中行氏三國之君同為范中。秋齊侯宋公會行為會而助不衷故致公以危之也。于洮。洮見僖八年。○傳范氏故也。○襄陵許氏曰天王齊宋魯衛崇獎亂逆謀動干戈大義亡矣。天王

使石尚來歸脤

公羊傳石尚者何天子之士也脤者何

以親兄弟之國受脤禮也歸脤非禮也

衛世子蒯聵出奔宋

傳衛侯為夫

朝會于洮天子蒯聵獻孟于齊過宋野野人歌之曰既定爾婁豬盍歸吾艾緦天子羞之謂戲陽速曰從我而朝少君少君見我我顧速不進夫人見其色啼而走曰蒯聵見天子天子三顧速不進夫人見其色啼而走曰蒯聵將殺余公執其手以登臺天子奔宋。劉氏權衡曰衛世子蒯聵出奔宋左氏叙蒯聵事曰蒯聵欲殺夫人夫人啼而走公執其手以登臺天子出奔宋予謂蒯聵雖不善謀安有此事哉且殺夫人蒯聵獨得全乎彼所羞者以夫人名惡也如殺其母為惡愈大反不知可羞乎蓋蒯聵聞野人之歌其心慙焉則以謂夫人夫人惡其斥已之淫則啼而走言天子將殺余以誣之靈公惑于南子所言必聽從故外則召宋朝內則逐公叔戌趙陽

彼不取召宋朝固亦不難逐蒯瞶矣此其真也不當如左氏所記又蒯瞶出乃奔宋宋南子家也蒯瞶負殺南子之名而走又入其家使真有其事者敢乎哉此亦一證也○常山劉氏曰蒯瞶出奔春秋不去其世子者衛侯之臯也南子之惡亦已甚矣其欲去世子之意亦已明矣如哀姜亂魯驪姬亂晉若此比者不鮮矣而靈公聽南子之譖謂蒯瞶欲弑其母不能為辨明以致其出奔豈非靈公之臯乎哀二年晉趙鞅納世子蒯瞶于戚亦書世子同此義○愚案劉氏之說發明蒯瞶之不敢弑其母當合劉質夫解觀之自古讒婦之誣其子多矣故考二劉之言足以知左氏所記乃南子之讒言而非當時之實錄也不然春秋至趙鞅之納猶與以世子之名何

衛公孟軻出奔鄭

傳衛太子奔宋盡逐其黨故公孟軻奔鄭自鄭奔齊

宋公

之弟辰自蕭來奔○大蒐于比蒲邾子來會公

蒐而邾子來會

則公親蒐矣而不書公以軍政不屬公而專于三家則季孫孟孫氏之所為也城莒父及霄魯皆

邑莒父子夏嘗為之

宰此年無冬闕文

十有五年春王正月邾子來朝傳邾隱公來朝鼯鼠食郊牛牛

死改卜牛

公羊傳曷為不言所食漫也○唐趙伯循言上元二年因避地旅于會稽時牛災小鼠噬

牛纔傷皮

二月辛丑楚子滅胡以胡子豹歸傳吳之入楚也胡子

膚輒死

盡俘楚邑之近胡者楚既定胡子豹又不事楚曰存亡有命事楚何為多取費焉二月楚滅胡○胡氏傳夫滅人之國其臯大矣然胡子豹乘楚之約盡俘其邑之近胡者所謂國必自滅而後人滅之非滅之者獨有臯也國君造命不可委命者既以為有命而又貪生忍辱不死于社稷則是不知命矣書以歸臯豹之不能死位而

與歸也故楚子書爵而胡子豹名

夏五月辛亥郊

公羊傳曷為以夏五月郊三卜之運也何

氏註運轉也已卜春三正不吉復轉卜夏三月周五月得二吉故五月郊

壬申公薨于高寢

高寢宮名○穀梁傳高寢非正也○襄陵許氏曰春秋所大正始與終禮卒以正終也內卒凡十四公得正而

薨者惟莊宣成是以君子務力于禮而順命之變又何求焉

鄭罕達帥師伐宋

罕公羊作

軒○傳鄭罕達敗宋師于老丘○杜氏註老丘宋地宋公子地奔鄭鄭人為之伐宋欲取地以處之事見哀十

二年○襄陵許氏曰宋大國也資王霸之遺業至于景公鄭能困之則桓魋之為也詩曰無競維人豈不信哉

齊侯衛侯次于渠蔭

公羊作蘧蔭○傳謀救宋也○襄陵許氏曰齊衛新與鄭宋同盟畔

晉故為宋出請為鄭次止其不言救為其不誠于救也

邾子來奔喪

穀梁傳喪急故以奔言之

○公羊傳其言來奔喪何奔喪非禮也○常山劉氏曰
當周之衰天子崩葬諸侯皆無奔喪會葬之事而邾滕
反行于強大之國非禮明矣 秋七月壬申如氏卒

如穀梁作弋下同○公羊傳如氏者

何哀公之母也何以不稱夫人哀未君也○陸氏曰自
成風之後妾母皆僭用夫人禮故亦書薨者其非禮也
哀公母定姒卒時子未踰年雖行喪禮不可加于母故書卒子既未成君故不稱夫人也 八月庚辰

朔日有食之○九月滕子來會葬

杜氏註諸侯會葬非禮也○呂氏曰邾子

來奔喪畏魯甚也滕差遠而大于邾故但來會葬此專以利害強弱為國者也

丁巳葬我君定

公雨不克葬戊午日下昃乃克葬

昃穀梁作稷乃古昃字○穀梁傳葬既有

日不為兩止禮也雨不克葬喪不以制也戊午日下稷乃克葬乃急辭也不足乎日之辭也

辛巳葬

定如公羊傳定如何以書葬未踰年之君也有子則廟
廟則書葬○胡氏傳曾子問並有喪則如之何子
曰葬先輕而後重其奠冬城漆杜氏註邾庶其邑○余
也其虞也先重而後輕冬城漆氏曰前年冬城莒父此
年秋葬定公又葬定如冬城漆其勞民也甚矣○愚案
城漆謀伐邾也定公之喪邾子來奔事魯謹矣哀公初
立不務善隣而以土地之故勞民力啓隣怨二年取其
田七年俘其君卒使吳人乘間以伐其國齊人問臯而
取讎闡利未得而害隨之
謀國如此其不終也宜哉

春秋卷十

欽定四庫全書薈要卷一千四百八十一

經部

春秋卷十一

宋 張洽 撰

哀公

名蔣定公之子蓋夫人定如所生謚法恭仁短折曰哀

元年春王正月公即位。○楚子陳侯隨侯許男圍蔡。

杜氏

註隨世服于楚不通中國吳之入楚昭王奔隨隨人免之卒復楚國楚人德之使列于諸侯故得見經定六年鄭滅許此復見者蓋楚封之。○傳楚子圍蔡報柏舉也里而裁廣大高倍夫屯晝夜九日如子西之素蔡人男女以辨使疆于江汝之間而還蔡於是乎請遷于吳。○胡氏傳夫男女以辨則是降也疆于江汝則遷其國也而獨書圍蔡何也蔡嘗以吳師入郢昭王奔隨壞宗廟徙陳器撻平王之墓矣至是楚國復寧帥師圍蔡降其

衆遷其國而春秋略之者見蔡宜得報而楚子復讐之事可恕也聖人以直報怨故議讐之輕重有至于不與共戴天者今楚人禍及宗廟辱逮父母若包羞忍恥而不能一洒之則不可以有立而天理滅矣故特書圍蔡而稱爵恕楚之臯辭也○襄陵許氏曰蔡侯怨楚不思本務脩德以俟時而輕謀兵革以得志于大國是益禍也故蔡昭之志

鼪鼠食郊牛改卜牛夏四月辛巳郊

穀梁

郊牛下有角字○穀梁傳鼪鼠食郊牛角改卜牛志不敬也郊牛日展斛角而知傷展道盡矣郊自正月至于三月郊之時也夏四月郊不時也五月郊不時也夏之始可以承春以秋之末承春之始蓋不可矣不志三月卜郊何也我以十二月下辛卜正月上辛如不從則以正月下辛卜二月上辛如不從則以二月下辛卜三月上辛如不從則不郊矣○胡氏傳鼪鼠食郊牛改卜牛不敬也夏四月郊書不時也孔子曰魯之郊禘非禮也

周公其哀矣成王欲尊魯而賜以人臣不得用之禮樂豈所以康周公也哉天子祭天地諸侯祭社稷大夫祭五祀庶人祭其祖此定理也今魯得郊以為常事春秋欲削而不書則無以見其失禮盡書之乎則有不勝書者故聖人因其失禮之中又有失焉者則書于策所謂由性命而發言也聖人奚容心哉因事而書以誌其失為後世戒其垂訓之義大矣

秋齊侯衛侯伐晉

傳齊侯衛侯會于乾侯救范氏也師及齊

師衛孔圉鮮虞人伐晉取棘蒲。襄陵許氏曰霸主奉王以正天下而諸侯至于合從以伐之春秋特書以著中國之無霸也王道既盡霸統復亡春秋之變至是而窮矣

冬仲孫何忌帥師伐邾

二年春王二月季孫斯叔孫州仇仲孫何忌帥師伐邾

取漕東田及沂西田

傳二年春伐邾將伐絞邾人愛其土故賂以漕沂之田而受盟。襄

陵許氏曰中國無霸諸侯並爭陵歷不忌矯奪無厭蓋自伐晉以後無復寧歲矣○師氏曰前此嘗伐邾取其田自漵水矣今又取其漵東之田猶以為未足故又取沂西之田則其貪欲無厭必至于盡取而後已可知也其田時無王霸強陵弱之亂至于如此

癸巳叔孫州

仇仲孫何忌及邾子盟于句繹

杜氏註句繹邾地○劉氏傳云曷為三人伐而

二人盟季孫臨之叔仲成之季孫之汰也蓋自謂猶君矣○胡氏傳曷為列書三卿哀公得國不張公室三卿並將魯衆悉行伐國取地以盟其君而已不與焉適越之辱兆矣定公之薨邾子來奔喪事魯恭矣而不免于見伐徒自辱焉不知以禮為國之故也邾在邦域之中不加矜恤而諸卿相繼伐之既取其田而又強與之盟不知以義睦鄰之故

夏四月丙子衛侯元卒○滕子來

也故詳書以著其臯

朝○晉趙鞅帥師納衛世子蒯聵于戚

傳初衛侯遊于郊子南僕公曰

余無子將立女不對他日又謂之對曰郕不足以辱社稷君其改圖君夫人在堂三揖在下君命祇辱夏衛靈公卒夫人曰命公子郕為太子君命也對曰郕異于他子且君沒于吾手若有之郕必聞之且亡人之子輒在乃立輒六月乙酉晉趙鞅納衛太子于戚○公羊傳戚者何衛之邑也昌為不言入于衛父有子子不得有父也○愚案蒯聵必無欲弑其母之事二劉氏嘗辨之于定十四年出奔宋之傳矣靈公惑于南子左氏承誣言載之傳以為實觀春秋再以世子書之則知蒯聵為無辜而被此名以出故春秋正其名而謂之世子所謂與之繼世者也輒據其位而與父爭立若以衛戚書則是蒯聵不得有其國故書戚而不繫之衛公羊所謂子不得有父也秋八月甲戌晉趙鞅帥師及鄭罕達帥師戰于

鐵鄭師敗績

鐵公羊作栗杜氏註衛地在戚城南○傳齊人輸范氏粟鄭子姚子般送之士吉射

逆之趙鞅禦之遇于戚甲戌將戰郵無恤御簡子衛太子為右登鐵上鄭人擊簡子中肩斃于車中獲蠶旗太子救之以戈鄭師北獲溫大夫趙羅太子復伐之鄭師大敗獲齊粟千車○劉氏傳戰而言及之者主之者也猶曰趙鞅為志乎此戰也云爾冬十月葬衛靈公七月而葬十有一月蔡遷

于州來蔡殺其大夫公子駟

傳吳洩庸如蔡納聘而稍納師師畢入衆知之蔡侯

告大夫殺公子駟以說哭而遷墓冬蔡遷于州來○杜氏註元年蔡請遷于吳今殺駟以說吳言不時遷駟之為○胡氏傳實吳人之所遷也而經以自遷為文何也楚既降蔡使疆于江汝蔡人聽命而還師矣復倍楚請遷于吳而又自悔也其謀之不臧甚矣夫遷國大事也盤庚五遷利害甚明衆猶胥怨不適有居至于丁寧反

覆播告之脩而後定也。今蔡介于吳楚二大國之間，倍楚誑吳，及其事急，又委臯于執政，其誰之咎也？故經以自遷為文，而殺公子馯則書大夫，而稱國言君與用事大臣擅殺之也。放公孫獵則書大夫，而稱人言國亂無政，衆人擅放之也。馯與獵其以請遷于吳為非者乎？而委之臯，以說誰敢復有盡忠而與謀其國者哉？○襄陵許氏曰：蔡悔請遷，知吳師入而委臯焉，稱國以殺殺無臯也。聖人殺一不辜，雖得天下不為，而況于國乎？使蔡昭必殺公子馯而後可免，則寧亡國而已矣。大正不渝此國鎮也，故蔡自殺公子馯，上下危疑，遂以禍敗。

三年春齊國夏衛石曼姑帥師圍戚

傳齊衛圍戚求援于中山。○論語冉

有曰：夫子為衛君乎？子貢曰：諾。吾將問之。入曰：伯夷叔齊何人也？曰：古之賢人也。曰：怨乎？曰：求仁而得仁，又何怨？出曰：夫子不為也。孫氏曰：齊國夏序衛石曼姑上者，齊國夏主乎圍戚也。國夏助輒圍父，逆亂人理，莫甚乎。

此故曰齊國夏衛石曼姑帥師圍戚以誅其惡。襄陵許氏曰觀乎蒯瞶之亂則齊景之不霸可知矣。晉以君臣稱兵而齊為臣伐君衛以父子爭國而齊助子圍父以是令于諸侯君子是以知齊之將亂也。夏四

月甲午地震。五月辛卯桓宮僖宮災。

傳夏五月辛卯司鐸火火踰公

宮桓僖災孔子在陳聞火曰其桓僖乎。高郵孫氏曰桓公者哀公之十世祖也僖公者哀公之七世祖也諸侯五廟而十世之廟猶存蓋非禮矣。劉氏曰桓僖久矣其宮何以存不毀也曷為不毀三家者出于桓立于僖以是為季孫斯叔孫州仇帥師城啟陽。

啓公羊作開陸德明云避

悅者也。

漢景諱也。杜氏註魯黨范氏故懼晉比年四城啟陽今琅邪開陽縣。襄陵許氏曰所城近敵故帥師焉。地震廟災變異弗圖而取田城邑兵役相繼可謂不畏天命矣。中失而外鍵本亡而末務此魯之季世也。

宋

樂髡帥師伐曹

襄陵許氏曰宋始闢曹曹不量力而奸強國不脩德而圖大功則適足以取亡

而已

秋七月丙子季孫斯卒。○蔡人放其大夫公孫獵

于吳

杜氏註公子駟之黨。胡氏傳見上殺公子駟傳

冬十月癸卯秦伯卒。○

叔孫州仇仲孫何忌帥師圍邾

襄陵許氏曰句繹之盟踰年而渝之師圍其國

雖云邾政不脩有以致寇魯之棄信亦已甚矣

四年春王二月庚戌盜殺蔡侯申蔡公孫辰出奔吳

二月

公羊作三月殺公羊穀梁作弑。傳蔡昭侯將如吳諸大夫恐其又遷也公孫翩逐而射之入于家人而卒以兩矢門之衆莫敢進文之錯後至曰如牆而進多而殺二人錯執弓而先翩射之中肘錯遂殺之故逐公孫辰

而殺公孫姓公孫盱。穀梁傳稱盜以弑君，不以上下道道也。○胡氏傳案左氏：「翻非微者，其以盜稱何也？」蔡侯倍楚，誑吳，又委臯于執政，其謀國如是，則信義俱亡。禮文並棄，無以守身而自衛。夫人得而害之矣，故變文書盜以警有國之君也。翻弑君而略其名氏，姓與霍皆翮之黨，稱國以殺而不去其官者，二公孫蓋嘗謀國，不使其君至于是，而弗見庸者也。故書法如此。○孫氏曰：盜者微賤之稱，不言弑者賤盜也。其曰盜殺蔡侯，申責蔡臣子不能距難。○愚謂凡弑君稱弑，積漸之名也。蓋國君之尊，其勢位之崇高，非臣下所得輕危之也。故其謀必非一朝一夕之故，而得行焉。今蔡昭不君，上得臯於大國，下無道于其民，忠謀不用，無臯見殺，人心已離。故公孫翮之事成于一旦，春秋以盜殺書之，所以見其幾于獨夫也。餘祭稱弑，上下之名猶存也。蔡申稱殺君，道亡矣。葬秦惠公。○宋人執小邾子。

襄陵許氏曰：天下無霸，故宋人得以執小

邾子伐鄭入曹而無所忌

夏蔡殺其大夫公孫姓公孫霍

霍即盱也傳及胡氏

註並見上

晉人執戎蠻子赤歸于楚

蠻公羊作曼。傳楚人既克夷虎乃謀北方左

司馬販申公壽餘葉公諸梁致蔡于負函致方城之外於繒闕曰吳將沂江入郢將奔命焉為一昔之期襲梁

及霍單浮餘圍蠻氏蠻氏潰蠻子赤奔晉陰地司馬起豐析與狄戎以臨上雒左師軍于菟和右師軍于倉野

使謂陰地之命大夫士蔑曰晉楚有盟好惡同之若將不廢寡君之願也不然將通于少習以聽命士蔑請諸

趙孟趙孟曰晉國未寧安能惡于楚必速與之士蔑乃致九州之戎將裂田以與蠻子而城之且將為之卜蠻

子聽卜遂執之與其五大夫以畀楚師于三戶司馬致邑立宗焉以誘其遺民而盡俘以歸。孫氏曰蠻夷猶

夏久矣晉人執戎蠻子不歸于京師而歸于楚其惡可知也。胡氏傳其曰晉人云者羣之也蠻子赤何以名

夷狄也無皐見執亦書名外之也文公執曹伯則曰畀
宋人今此曷云歸于楚歸于楚者猶曰京師楚也晉主
夏盟為日久矣不城西郭杜氏註六月辛丑亳社災亳
競至此春秋所惡城西郭杜氏註六月辛丑亳社災公
羊作蒲○范氏註亳即殷也殷都于亳武王克殷班其
社于諸侯以為亡國之戒○公羊傳亡國之社也社者
封也其言災何亡國之社蓋揜之揜其上而柴其下○
程子曰書曰湯既勝夏欲遷其社不可作夏社國既亡
則社自當遷湯存之以為後戒故但屋之則與遷之無
以異既為亡國之社則自王都至國都皆有之使為戒
也記曰喪國之社屋之不受天陽也又曰亳社北牖使
陰明也故春秋書亳社災然則魯有亳社災屋之故有
災此制計之秋八月甲寅滕子結卒○冬十有二月葬
必始于湯也

蔡昭公○葬滕頃公

五年春城毗

公羊作比陸氏釋文云本又作茫○杜氏註備晉也

夏齊侯伐宋○

晉趙鞅帥師伐衛

傳趙鞅伐衛范氏之故也遂圍中年

秋九月癸酉齊侯

杵臼卒

杵公羊作處○傳齊燕姬生子不成而死諸子鬻如之子荼嬖諸大夫恐其為太子也言于公

曰君之齒長矣未有太子若之何公曰二三子間于憂虞則有疾疾亦姑謀樂何憂于無君公疾使國惠子高昭子立荼置羣公子于萊秋齊景公卒冬十月公冬叔子嘉公子駒公子黔奔衛公子鉏公子陽生來奔

還如齊○閏月葬齊景公

愚案景公自襄之二十六年即位至今五十八年矣前有

晏嬰後有孔子晏嬰告之以陳氏將竊其國孔子告以君君臣臣父父子公亦知說而從之矣而卒不能用及大臣以未有太子告之反使之姑謀樂而勿憂無君卒致身死肉未寒子死國亂曾未十年陳恒弑簡公而

移其社稷真范祖禹所謂治愈久而政愈弊年彌進而德彌退者景公之卒葬書于春秋豈不為享國日久而曾無遠慮者之戒與

六年春城邾瑕

瑕公羊作葭杜氏註任城亢父縣北有邾婁城今濟州任城縣地也○襄陵許

氏曰定哀十六年間凡八城邑魯既不得事晉諸侯方爭是以高城深池務守其國以捍禍亂隱虞至矣雖然使魯能修其政如治城者則天下歸之豈特勤勤自守而已是以譏之三年以來歲書城邑以著魯無德政勞民薦數如此後雖

晉趙鞅帥師伐鮮虞

傳晉伐鮮虞治范氏之亂也蓋

城邑不復志矣

四年鮮虞人納

吳伐陳

傳吳之入楚也使召陳懷公懷荀寅于柏人云

國之興也視民如傷吳日敝于兵暴骨如莽而未見德焉禍之適吳其何日之有陳侯從之及夫差克越乃復

侵陳脩先君之怨也。今吳伐陳，復脩舊怨也。楚子曰：「吾先君與陳有盟，不可以不救。」乃救陳師于城父。○愚謂夫差修怨，黷兵以取滅亡，故春秋狄之。

夏齊國夏及高張來奔

傳齊陳乞偽事高國

者又謂諸大夫曰：「二子恃得君而欲謀二三子，盍及其未作也。」先諸大夫從之。夏六月戊辰，陳乞鮑牧及諸大夫以甲入于公宮，昭子聞之，與惠子乘如公戰于莊敗國人，追之，國夏奔莒，遂及高張、晏圉、弦施來奔。○愚謂高國為國世臣，從君於昏，受其顧命，力不足，以衛上，委君而出奔，故名以辜其不忠也。

叔還會吳

于相

相見襄十年註。○襄陵許氏曰：叔還以吳在相，故往會之。始結吳好也。吳楚之邦可以盛強，服難以

衰弱。御以魯政之不修，務與吳親以資其力。君子志相之會於此，知魯之將有吳患矣。

秋七月庚

寅楚子軫卒

傳楚子在城父，將救陳，卜戰不吉，卜退不吉。王曰：「然則死也。」再敗楚師，不如死，棄盟。

逃讐亦不如死命公子申為王不可則命公子結亦不
可則命公子啓五辭而後許將戰王有疾庚寅昭王攻
大冥卒于城父子閭退曰君王舍其子而讓羣臣敢忘
君乎與子西子期謀潛師閉塗逆越女之子章立之而
後還是歲也有雲如衆赤鳥夾日以飛三日楚子使問
諸周太史周太史曰其當王身乎若禘之可移于令尹
司馬王曰除腹心之疾而寘諸股肱何益不穀不有大
過天其大諸有臯受罰又焉移之遂弗禘初昭王有疾
卜曰河為祟王弗祭大夫請祭諸郊王曰三代命祀祭
不越望江漢睢漳楚之望也禍福之至不是過也不穀
雖不德河非所獲臯也遂弗祭孔子曰齊陽生入于齊
楚昭王知大道矣其不失國也宜哉

齊陽生入于齊

傳齊陳僖子使召公子陽生逮夜至于齊僖子使子士
之母養之與饋者皆入冬十月丁卯立之將盟鮑子醉
而往其臣差車鮑黝曰此誰之命也陳子曰受命于鮑
子遂誣鮑子曰子之命也鮑子曰汝忘君之為孺子牛

而折其齒乎而背之也悼公稽首曰吾子奉義而行者也若我可不必亡一大夫若我不可不必亡一公子義則進否則退敢不唯子是從廢興無以亂則所願也鮑子曰誰非君之子乃受盟使胡姬以安孺子如賴去鬻如殺王甲拘江說囚王豹于句竇之丘○程氏傳稱齊陽生見景公廢長立少以啓亂也○或問春秋譏景公之廢長立幼而不稱公子陽生何也愚謂人君立子而不以正者皆徒設此心兩棄之也故凡當然而其君父處之不以其道者君子不欲立其位而伯夷叔齊寧他人有之而不敢當春秋豈敢遂予之以公子而正名之哉齊陳乞弑其君荼荼公羊作舍○傳公使朱毛告于陳子曰微子則不及此然君異于器不可以二器二不墮君二多難敢布諸大夫僂子不對而泣曰君舉不信羣臣乎以齊國之困困又有憂少君不可以訪是以求長君庶亦能容羣臣乎不然夫孺子何罪毛復命公悔之毛曰君大訪于陳子而圖其小

可也。使毛遷孺子于駘，不至殺諸野幕之下，葬諸父冒淳。○杜氏註：弑荼者，朱毛與陽生也。而書陳乞，所以明乞立陽生而荼見弑，則禍由乞始也。楚比劫立陳乞，流涕于家，憚老皆疑于免，臯故春秋明而書之，以為弑主。○高郵孫氏曰：陽生入齊而陳乞弑君，則是陽生與聞乎故也。不以陽生首惡者，陽生之入陳乞召之，荼之弑陳乞為之，加陽生以弑君之臯，則陳乞廢立之迹不明。書陽生之入而陳乞弑君，則陳乞之惡著而陽生與有焉。冬，仲孫何忌帥師伐邾。○宋向巢帥師伐曹。

七年春，宋皇瑗帥師侵鄭。

傳：宋師侵鄭，鄭叛晉故也。○愚案：老丘之役，宋鄭始因隙。

地以起兵，爭卒致各取其師以逞其殺人之志，所以詳其交爭之實也。

晉魏曼多帥師侵

衛。

傳：晉師侵衛，衛不服也。

夏，公會吳于郕。

郕，即舊郕國。杜氏註：今琅邪郕縣。○傳公會吳。

於鄆吳來徵百牢子服景伯對曰先王未之有也吳人曰宋百牢我魯不可以後宋且魯牢晉大夫過十吳王百牢不亦可乎景伯曰晉范鞅貪而棄禮以大國懼敝邑故敝邑十一牢之君若以禮命于諸侯則有數矣周之王也制禮上物不過十二以為天之大數也今棄周禮而曰必百牢亦唯執事吳人弗聽乃與之反自鄆以吳為無能為也。○今案比年書會吳所以秋公伐邾八月己酉入邾以邾子益來

傳季康子欲伐邾乃饗大夫以謀之子服景伯曰小所以

事大信也大所以保小仁也背大國不信伐小國不仁孟孫曰二三子以為何如惡賢而逆之對曰禹合諸侯於塗山執玉帛者萬國今其存者無數十焉唯大不字小小不事大也知必危何故不言魯德如邾而以衆加之可乎不樂而出秋伐邾及范門猶聞鐘聲大夫諫弗聽茅成子請告于吳不許曰魯擊析聞於邾吳二千里

不三月不至何及于我成子以茅叛師遂入邾處其公
宮衆師晝掠邾衆保于繹師宵掠以邾子孟來獻于亳
社囚諸負瑕邾茅夷鴻以束帛乘韋自請救于吳曰魯
弱晉而遠吳以陵我小國若夏盟于鄆衍秋而背之四
方諸侯其何以事君且魯賦八百乘君之貳也邾賦六
百乘君之私也以私奉貳唯君圖之吳子從之○蘇氏
曰魯入邾以邾子孟來而不書滅何也邾大夫茅夷鴻
保於茅請救於吳明年吳為之伐魯魯復邾子故不言
滅也在外曰以歸在內曰以來內外之別也○劉氏曰
邾子孟何以名賤之也賤之奈何虜服也○胡氏曰恃
強陵弱無故伐人而入其國處其宮晝夜掠以其君來
獻于亳社囚于負瑕此天下之大惡也曷為不諱以其
不念舊惡能去之而不積歸邾子孟于邾則有改過遷
善之美而前惡不足以累之故于此書而不諱見聖人
道隆德盛而待

宋人圍曹冬鄭駟弘帥師救曹

傳宋人圍曹鄭

桓子思曰宋人有曹鄭之患也
不可以不救冬鄭師救曹侵宋

八年春王正月宋公入曹以曹伯陽歸

傳曹伯陽即位好田弋曹鄙人

公孫彊好弋獲白鴈獻之且言田弋之說說之因訪政
事大說之有寵使為司城以聽政彊言霸說于曹伯曹
伯從之乃背晉而奸宋宋人伐之晉人不救築五邑于
其郊曰黍丘揖丘大城鍾邦宋公伐曹將還褚師子肥
殿曹人詬之不行師待之公聞之怒命反之遂滅曹執
曹伯及司城彊以歸殺之○蘇氏曰此滅曹也其不書
滅言自滅也猶虞之滅言吳伐我傳吳為邾故三月伐我武城克之吳師克
晉人執虞公而不言滅也
東陽而進舍于五梧明日舍于蠡室公賓庚公甲叔子
與戰于夷獲叔子與析朱鉏獻于王王曰此同車必使
能國未可望也明日舍于庚宗遂次于泗上吳人行成
將盟景伯曰楚人圍宋易于而食析骸而爨猶無城下

之盟我未及虧而有城下之盟是棄國也吳輕而遠不能久將歸矣請少待之弗從景伯負載造于萊門乃請釋子服何于吳吳人許之以王子姑曹當之而後止吳人盟而還○蘇氏曰不言四鄙而直言伐我兵加于國都也于是為城下之盟而還不書諱之也○胡氏傳春秋不言四鄙及與吳盟欲見其實而深諱之以為後世謀國之士不能以禮義自強偷生旦夕至于侵削陵遲而不知恥者之戒也

夏齊人取謹及

闕闕杜氏註在東平剛縣北地譜今宛丘龔蛇縣也○程氏傳內失邑不書君辱當諱也不能保其土地人

民是不君也已與之彼以非義而受則書取此與濟西田是也魯入邾而以其君來致齊怒吳伐故賂齊以說之○襄陵許氏曰外取邑歸邾子益于邾傳齊侯使如吳請師將以伐我乃歸邾子邾子又無道吳子使太宰子餘討之因諸樓臺栒之以棘使諸大夫奉太子革以為政○謹案

凡取邑之類少有復歸之者今魯不遂其惡而歸之故以順辭言之也

秋七月○冬十有

二月癸亥杞伯過卒○齊人歸讙及闡

傳及齊平九月減賓如齊

盟齊閭丘明來蒞盟且逆季姬以歸冬十二月齊人歸讙及闡○程氏傳不云我田既歸邾子亦歸其田非以為惠也

九年春王二月葬杞僖公○宋皇瑗帥師取鄭師于雍丘

雍丘杜氏註縣屬陳留今屬開封○傳鄭武子賡之嬖許瑕求邑無以與之請外取許之故圍宋雍丘宋

皇瑗圍鄭師每日遷舍壘合鄭師哭子姚救之大敗二月甲戌宋取鄭師于雍丘使有能者無死以邾張與鄭羅歸○襄陵許氏曰春秋之季日尋干戈詐力相傾奇變滋起于是始志取人之師甚其譎惡其盡也鄭以不

義深入敵境而圍其邑此固喪師之道也

夏楚人伐陳

傳鄭即吳故也

秋宋公伐鄭

杜氏註

報雍丘冬十月

十年春王二月邾子益來奔

傳邾隱公來奔齊甥也故遂奔齊

公會吳

伐齊○三月戊戌齊侯陽生卒

傳九年春齊侯使公孟綽辭師于吳吳子曰昔

歲寡人聞命今又革之不知所從將進受命于君冬吳子使來倣師伐齊十年公會吳子邾子邾子伐齊南鄙師于鄆齊人弑悼公赴于師吳子三日哭于軍門之外徐承帥舟師將自海入齊齊人敗之吳師乃還○胡氏傳春秋不著齊人弑君之臯而以卒書者亦猶鄭伯髡頑弑而書卒也魯人入邾以其君來臯也齊侯為是取謹及闡如吳請師討之也魯人悔懼歸益于邾是知其臯而能改也齊侯為是歸謹及闡辭師于吳是變之正

也夫變之正者禮義之所在中國之君也吳人欲遂前言而背違正理狄道也齊之臣子不能將順上及其君此天下之大變常理之所無者也故沒其見弑之禍而以卒書所謂不忍以夷狄之民加中國之君也而存天理之意微矣○襄陵許氏曰春秋之義裁成天地見正命焉夏宋人伐鄭幸不幸而春秋之義裁成天地見正命焉

夏宋人伐鄭

襄陵許氏曰春秋之義裁成天地見正命焉

傳

明年夏又伐之惡其脩怨不已也

晉趙鞅帥師侵齊

趙

鞅帥師伐齊取犁及轅毀高唐之郭侵及賴而還○五

五

月公至自伐齊

師氏曰公會夷狄以伐強國夷狄之心不可信而強國之禍不可測其危可知

葬齊悼公○衛公孟彊自齊歸于衛○薛伯夷卒

夷

羊作
寅 秋葬薛惠公○冬楚公子結帥師伐陳吳救陳

傳

楚子期伐陳吳延州來季子救陳謂子期曰二君不務德而力爭諸侯民何辜焉我請退以為子名務德而安民乃還。胡氏傳春秋惡首亂善解紛自誅亂臣討賊子之外凡書救者未有不善之也救在王室則臯諸侯子突救衛是也救在遠國則臯四鄰晉陽處父救江是也救在夷狄則臯中國楚公子貞救鄭狄救齊吳救陳是也吳雖蠻夷之國來會于戚則進而書人矣使季札聘則又進而書子矣救而果善曷為獨以號舉而不進之也其以號舉而不進之者深著楚臯而傷中國之衰也陳者有虞之後嘗為楚滅而僅存爾今又無故興師肆行侵伐而列國諸侯縱其暴橫不修方伯連帥之職而吳能救之獨以號舉深著楚臯而傷中國之衰也子欲居九夷乘桴浮海又曰夷狄之有君不如諸夏之亡也其書吳救陳之意乎。或問春秋幸吳之救而不以人及師書之何也愚謂宣昭二公之時楚主中國者也楚猶近于中國也故春秋于楚免其夷狄號舉之稱定

哀之時吳主中國也吳純于夷狄者也故雖有小善而猶以號舉嗚呼茲足以觀世變而知春秋之嚴矣

十有一年春齊國書帥師伐我

傳齊為郎故國書高無平帥師伐我及清季孫

謂其宰冉求曰齊師在清必魯故也若之何求曰一子守二子從公禦諸竟季孫曰不能求曰居封疆之間季孫告二子二子不可求曰若不可則君無出一子帥師背城而戰不屬者非魯人也魯之羣室衆于齊之兵車一室敵車優矣子何患焉二子之不欲戰也宜政在季氏當子之身齊人伐魯而不能戰子之恥也大不列于諸侯矣季孫使從于朝侯于黨氏之溝武叔呼而問戰焉對曰君子有遠慮小人何知懿子強問之對曰小人慮材而言量力而共者也武叔曰是謂我不成丈夫也退而蒐乘孟孺子洩帥右師顏羽御郕洩為右冉求帥左師管周父御樊遲為右季孫曰須也弱有子曰就用命焉季氏之甲七千冉有以武城人三百為已徒卒老

幼守宮次于雩門之外五日右師從之公叔務人見保者而泣曰事克政重上不能謀士不能死何以治民吾既言之矣敢不勉乎師及齊師戰于郊齊師自稷曲師不踰溝樊遲曰非不能也不信子也請三刻而踰之如之衆從之師入齊軍右師奔齊人從之陳瓘陳莊涉泗孟之側後入以為殿抽矢策其馬曰馬不進也林不狃之伍曰走乎不狃曰誰不如曰然則止乎不狃曰惡賢徐步而死師獲甲首八十齊人不能師宵謀曰齊人遁冉有請從之三季孫弗許公為與其嬖僮汪錡乘皆死皆殯孔子曰能執干戈以衛社稷可無殤也冉有用矛于齊師故能入其軍孔子曰義也○劉氏傳不言鄙者受之也此其為受之奈何盖伐喪也○胡氏傳諸侯來伐無有不書四鄙者今齊師及清涉泗非有城下之盟可諱之辱亦書伐我何也傳說復于高宗曰惟甲冑起戎惟干戈省厥躬夫省厥躬者自反之謂也自反而縮則為壯自反而不縮則為老師之老壯在曲直曲直自

我而不繫乎人者也邾子齊之甥魯嘗入邾以其君來齊人為是取謹及闡請師于吳曲在我矣及歸邾益而齊人歸謹及闡又辭吳師直在齊矣魯人何名會吳伐之也故春秋之記斯師特曰伐我者欲省致師之由而躬自厚也垂夏陳袁頗出奔鄭索左氏穀梁作轅○傳訓之義大矣初轅頗為司徒賦封田以嫁公女有餘以為己大器國人逐之故出○襄陵許氏曰春秋書袁頗之奔所以為人臣附上以刻下託公以營私者之戒也五月公會吳伐齊甲戌齊國書帥師及吳戰

于艾陵齊師敗績獲齊國書

傳為郊戰故公會吳子伐齊五月克博壬申至于贏

中軍從王胥門巢將上軍王子姑曹將下軍展如將右軍齊國書將中軍高無丕將上軍宗樓將下軍甲戌戰于艾陵展如敗高子國子敗胥門巢王卒助之大敗齊師獲國書公孫夏問丘明陳書東郭書革車八百乘甲

首三千以獻于公。○劉氏意林曰：夫以吳之無道犯間，上國涉數千里之地以伐人之邦，固求棄疾於人與之俱靡焉耳。國書之用齊也，內不能安其君，外不能交鄰國而輕與之戰，其不愛百姓也不亦甚乎？○呂氏曰：公會吳伐齊而戰，不言公齊國書。秋七月辛酉，滕子虞母帥師而來，主與吳戰，不為魯也。

卒。○冬十有一月，葬滕隱公。○衛世叔齊出奔宋。

傳衛太叔

疾出奔宋，初疾娶于宋子朝，其娣嬖。子朝出，孔文子使疾出其妻而妻之。疾使侍人誘其初妻之娣寘于犂，而為之一宮。如二妻，文子怒，欲攻之。仲尼止之，遂奪其妻，或淫于外州。外州人奪之，軒以獻。恥是二者，故出。

十有二年春，用田賦。

傳季孫欲以田賦使冉有訪諸仲尼，仲尼曰：丘不識也。三發卒曰：子

為國老，待子而行，若之何？子之不言也，仲尼不對而私于冉。有曰：君子之行也，度于禮，施取其厚，事舉其中，歛

從其薄如是則以丘亦足矣若不度于禮而貪冒無厭則雖以田賦將又不足且子季孫若欲行而法則周公之典在若欲苟而行又何訪焉十二年春王正月用田賦○何氏註田謂一井之田賦者歛取其財物也言用田賦者若今漢家歛民錢以田為率矣不言井者城郭里巷亦有井嫌悉賦之禮稅民公田不過什一軍賦十井不過一乘哀公外慕強吳空盡國儲故復用田賦過什一○襄陵許氏曰先王之法九夫為井四井為邑井邑未有賦也四邑為丘丘十六井乃有牛馬之賦今以丘賦為不足也于是更用田賦籍井而取之不待及丘此非禮也古者蓋田有稅丘有賦稅以足食賦以足兵○胡氏傳哀公問于有若曰年饑用不足如之何有若對曰盍徹乎曰二吾猶不足如之何其徹也曰百姓足君孰與不足百姓不足君孰與足古者公田什一助而不稅魯自宣公初稅畝後世遂以為常而不復矣至是二猶不足故又以田賦也夫先王制土籍田以力而砥

其遠邇賦里以入而量其有無今用田賦軍旅之征非
矣田以出粟為主而足食賦以出軍為主而足兵周制
宅不毛者有里布無職事者征夫家漆林之稅二十而
五則弛力薄征當以農民為急而增賦竭作不使末業
者獨幸而免也今二猶不足而用田賦是重困農民而
削其本何以為國書曰用田賦用者不宜用者也近世
議弛商賈之征達于時政者欲先省國用首寬農民後
及商賈知春秋譏田賦之意矣○愚案田賦之實不書
其詳于傳獨孔子言以丘足矣可見加賦于古
合何氏許氏之說觀之可以得春秋之旨矣

夏五月

甲辰孟子卒

傳夏五月昭夫人孟子卒昭公娶于吳故
不書姓○公羊傳孟子者何昭公之夫人

也其稱孟子何諱取同姓蓋吳女也○何氏註禮不娶
同姓買妾不知其姓則卜之為同姓共祖亂人倫與禽
獸無別昭公既娶吳諱而謂之吳孟子春秋不繫吳者
禮婦人繫姓不繫國雖不諱猶不繫國也不稱夫人不

言薨不書葬者深諱之。○胡氏傳昭公不謹于禮欲結
好強吳以去三家之權忍娶同姓以混男女之別不命
于天子以弱其配不見于廟不書於冊以廢其常典禮
之大本喪矣其失國也宜故陳司敗問昭公知禮乎子
曰知禮孔子退揖巫馬期而進之曰吾聞君子不黨君
子亦黨乎君娶于吳為同姓謂之吳孟子君而知禮孰
不知禮巫馬期以告子曰丘也幸苟有過人必知之書
孟子卒雖曰為君隱而實亦不可掩矣。○呂氏曰魯之
君豈苟為無禮而亂男女之別哉迫于強吳之威而欲
自固其國也欲自固其國而不知以禮自防以義為上
徇目前之急忘長久之慮遂公會吳于橐臯橐音章夜
至流于同姓相奸而不辭也公會吳于橐臯反一音託
橐臯吳地杜氏註在淮南逡道縣東南地譜云逡道故
城在今廬州慎縣東南。○傳公會吳于橐臯吳子使太
宰嚭請尋盟公不欲使子貢對曰盟所以周信也故心
以制之玉帛以奉之言以結之明神以要之寡君以為

苟有盟焉弗可改也已若猶可改日盟何益今秋公會
吾子曰必尋盟若可尋也亦可寒也乃不尋盟

衛侯宋皇瑗于鄆

鄆公羊作運。杜氏註鄆發陽也廣陵海陵縣東南有發繇亭地譜吳地

海陵今泰州城下。傳吳徵會于衛秋衛侯會吳于鄆
公及衛侯宋皇瑗盟而卒辭吳盟吳人藩衛侯之舍子
貢見太宰嚭語及衛故太宰嚭曰寡君願事衛君衛君
之來也緩寡君懼故將止之子貢曰衛君之來必謀于
其衆其衆或欲或否是以緩來其欲來者子之黨也其
不欲來者子之讐也若執衛君是墮黨而崇讐也夫墮
子者得其志矣且合諸侯而執衛君誰敢不懼墮黨
崇讐而懼諸侯或者難以霸乎太宰嚭說乃舍衛侯
向巢帥師伐鄭

傳宋鄭之間有隙地焉曰彌作頃丘王暢蚩戈錫子產與宋人為成曰勿有是

及宋平元之族自蕭奔鄭鄭人為之城蚩戈錫九月宋
向巢伐鄭取錫殺元公之孫遂圍蚩十二月鄭罕達救

蟲丙申冬十有二月螽

公羊作螽。傳冬十二月螽。季孫問諸仲尼。仲尼曰：丘聞之火

伏而後蟄者畢。今火猶西流。司歷過也。杜氏註：周十二月。今十月是歲應置閏而失不置。雖書十二月實今之九月。司歷誤一月。九月之初尚溫。故得有螽。

十有三年春鄭罕達帥師取宋師于蟲

傳：宋向魋救其師。鄭子賡使徇。

曰：得桓魋者有賞。魋也。逃歸。遂取宋師于蟲。獲成。謹郛延以六邑為虛。泰山孫氏曰：報雍丘之師也。二國覆師以相償報。夏許男成卒。

成公羊作成。

公會晉侯及吳子于

黃池

黃池。晉地。杜氏註：陳留封丘縣南有黃亭。近濟水。地譜：東京開封縣有黃池。○傳：公會單平公。晉定

公。吳夫差于黃池。六月丙子。越子伐吳。為二隧。疇無餘謳。陽自南方先及郊。吳太子友。王子地王孫彌庸壽於

姚自泓上觀之彌庸見姑蔑之旗曰吾父之旗也不可
以見讎而弗殺也大子曰戰而不克將亡國請待之彌
庸不可屬徒五千王子地助之乙酉戰彌庸獲疇無餘
地獲謳陽越子至王子地守丙戌復戰大敗吳師獲大
子友王孫彌庸壽於姚丁亥入吳吳人告敗于王王惡
其聞也自剄七人於幕下秋七月辛丑盟吳晉爭先吳
人曰於周室我為長晉人曰於姬姓我為伯趙鞅呼司
馬寅曰日旰矣大事未成二臣之臯也建鼓整列二臣
死之長幼必可知也對曰請姑視之反曰肉食者無墨
今吳王有墨國勝乎太子死乎且夷德輕不忍久請少
待之乃先晉人○外傳吳語曰夫差會晉公午于黃池
越王勾踐襲吳入其郭焚其姑蘇吳晉爭長未成邊遽
乃至以越亂告吳王懼乃合大夫而謀曰今無會而歸
與會而先晉孰利王孫雄曰二者莫利必會而先之今
夕必掩戰以廣民志請王厲士以奮其勢彼將不戰而
先我吳王昏乃秣馬食士夜中命服兵擐甲陳士卒百

人以為徹行萬人以為方陣王中陳而立左右軍亦如之為帶甲三萬以勢攻昧明王乃秉桴親鼓三軍皆譁鉦以振旅晉師大駭不出乃令董褐請事吳王曰天子有命周室卑約貢獻莫入今非王室不平安是憂億晉負衆庶不式諸戎狄楚秦將不二弟以力征一二兄弟之國孤欲守先君之班爵進則不敢退則不可孤之事君與不得事君皆在今日董褐還致命乃告趙鞅曰臣觀吳王之色類有大憂將毒不可與戰主其許之先然不可徒許也趙鞅許諾使褐復命曰君掩王東海以淫名聞于天子則何有于周室夫命圭有命固曰吳伯不曰吳王諸侯是以敢辭夫諸侯無二君而周無二王君若無卑天子以干其不祥而曰吳公孤敢不順君命長弟許諾吳王乃退就幕而會吳公先軟晉侯亞之○公羊傳吳何以稱子吳主會也吳主會則曷為先言晉侯不與夷狄之主中國也其言及吳子何會兩伯之辭也不與夷狄之主中國則曷為以會兩伯之辭言之重吳

也曷為重吳吳在是則天下諸侯莫敢不至也。襄陵許氏曰兩伯之盟左氏曰先晉國語曰先吳此二國史籍之異也。顧自宋之盟則晉已為楚所先陵遲至于黃池之時豈能復與吳爭國語信也。晉人恥吳先之故諱焉耳。穀梁傳黃池之會吳進乎哉遂子矣吳夷狄之國也祝髮文身欲因魯之禮因晉之權而請冠端而襲其藉于成周以尊天王吳進矣吳東方之大國也累累致小國以會諸侯以合乎中國吳能為之則不臣乎吳進矣王尊稱也子卑稱也辭尊稱而居卑稱以合乎諸侯以尊天王吳王夫差曰好冠來孔子曰大矣哉夫差未能言冠而欲冠也。廬陵李氏曰此條先晉之說當主公羊爵吳之說當主穀梁書及之說公羊胡氏皆得之其事實則國語所載為詳但所載尊周室之事蓋二國假此以相勝耳豈真能奉王命哉。黃池之會左氏傳以為先晉而外傳乃謂夫差以三萬兵脅晉而先之二者將孰從哉愚以春秋書法及事理考之外傳之說

是也何也春秋未嘗許吳也而此會特書吳子若夫差
無能改于其德因為越所敗而先晉則不書晉侯及吳
子矣考之經會吳始于鍾離自是至橐臯凡七會吳至
此乃特書會晉侯及吳子于黃池誠以夫差易王而稱
公耳夫去其王而稱公此齊桓之所不能行於楚者也
而夫差稱吳公以會春秋以其尚存周室是以爵稱之
而異于他日會吳之書也不然黃池之去橐臯一二年
間耳春秋安得遽子之哉或曰夫差迫於越之禍不得
已而從耳孟子曰有人于此力不能勝一匹離則為無
力人矣今曰舉百鈞則為有力人矣聖人予夷狄之改
過遷善立法以垂世豈
必窮其不得已之意哉
楚公子申帥師伐陳○於越入
吳傳見上○孫氏曰於越入吳者吳子方會乘其無備
也○胡氏傳吳自柏舉以來憑陵中國黃池之會遂
主夏盟可謂強矣而春秋繼書於越入吳所謂因事屬
辭垂戒後世見深切著明之義也○又曾子曰戒之戒

之出乎爾者反乎爾老氏曰佳兵不祥之器其事好還夫以力勝人者人亦以力勝之矣吳嘗破越遂有輕楚之心及其破楚又有驕齊之志既勝齊師復與晉人爭長自謂莫之敵也而越已入其國都矣吳侵中國而越滅之越又不監而楚滅之楚又不監而秦滅之秦又不監而漢滅之老子曾子其言豈欺也哉○薛氏曰吳子不戒爭中國之諸侯而越卒入吳所謂無遠慮有近憂矣吳子忘不共戴天之恥而求諸侯于外此越所以霸乎諸侯

秋公至自會○晉魏曼多帥師侵衛

公羊無曼字脫也○許氏

曰晉以范中行之難伐衛伐鮮虞間齊之難而一侵之又再侵衛而諸侯卒莫之宗者惟其國無政也師雖數出能侵而已益玩而損矣此王霸道盡之時也○高氏曰蒯瞶在戚十有二年矣晉人不能以此討衛乃以范中行故而數

葬許元公○九月螽

高氏曰周之九月夏之七月也其為農災

又非冬十有冬十有一月有星孛于東方公羊傳孛者何彗星也其

言于東方何見于旦也何以書記異也○泰山孫氏曰

光芒四出曰孛不言所在之次者見于旦也案文十四

年有星孛入于北斗昭十七年有星孛于盜殺陳夏區

夫區公羊十有二月螽呂氏曰此年九月螽十二月又

之甚當世君臣亦可以自省矣○許氏曰自用田賦而

比年三書螽貪殘無已之應也螽每在十二月傳以為

司歷之過此歷不時革之故與春秋書魯人事至用田

賦書魯天災至于二年而三螽則見其民力已窮天命

已去君子之心于魯已矣

故春秋以大歛之顛終也

十有四年春西狩獲麟

傳西狩於大野叔孫氏之車子鉏商獲麟以為不祥以賜虞人


仲尼觀之曰麟也。然後取之。○杜氏曰：大野在魯西，故曰西狩。○詩釋文：麟，麕身牛尾馬足一角，角端有肉，毛蟲之長也。不踐生草，不履生蟲，音中鍾。呂行中規矩王者至仁則出。○公羊傳：麟，仁獸也。有王者則至，無王者則不至。有以告者曰有，而角者孔子曰：孰為來哉？顏淵死，子曰：噫！天喪予！子路死，子曰：噫！天祝予！西狩獲麟，孔子曰：吾道窮矣。君子曷為為春秋？撥亂世，反諸正，莫近諸。春秋則未知其為是，與其諸君子樂道堯舜之道，與末不亦樂乎堯舜之知君子也？制春秋之義，以俟後聖，以君子之為，亦有樂乎此也。○愚謂麒麟之於走獸，猶聖人之於人，出類拔萃，為人物之法則者也。故聖人之生，必以四靈為畜，包犧畫卦而龍馬出，大舜作樂而鳳凰儀。周公告召公曰：考德不降，我則鳴鳥不聞。孔子曰：鳳凰不至，河不出圖，吾已矣夫！然則夫子生于周末，而麟見于大野，以仁聖之君子天錫仁獸之應，乃理之當然，無足疑者。韓愈氏曰：麟為聖人出也，聖人必知

麟是以西狩之獲必夫子觀之而知為麟也然氣數之不偶同異于堯舜之盛而王霸之道方窮亦非文王麟趾之時是以麟雖為夫子出然獲于鉏商而謂為不祥以賜虞人然後取之其與明王不興而天下不能宗夫子何以異哉程子曰始隱周之衰也終麟感之始也世衰道不行有述作之意舊矣但因麟而發耳麟不出春秋亦必作也春秋之作不過因魯國之史而天地四時之無窮所以察其遷變而紀其差忒者無一略也中國夷狄之廣莫所以紀其交際而別其典禮者無一遺也其大且廣者如此則凡小且偏者何一事一物之不得其治且理哉故曰言天下之至動而不可亂也言天下之至賾而不可惡也夫子之贊易者即其所以修春秋也以區區一魯國之史而魚紀周齊晉宋諸國之事其尊卑小大統屬之序秩然無毫髮之不順盡書治忽失得陵僭賊亂之變森然一循乎條理而無一之非法故曰非聖人誰能修之也

其至動至賾之不齊而聖人

何以一之哉曰仁而已矣故萬物之聚散經世之紀綱
聖人一道以成之曰仁觀論語之書而知聖心之安仁
書于春秋者無非此理觀西狩之獲而知天瑞之類應
聖人先天後天而天且弗違而春秋之終不外乎此也

春秋卷十一



覆校官檢討 臣李學錦

校對官庶吉士 臣朱 攸

謄錄監生 臣趙友彬

財團
法人
佛陀教育基金會
釋淨空

